

小謨觴館集



小謨觴館詩續集卷第一

鎮洋

彭兆蓀

湘涵

胡香海郡司馬

森

以其友人所寫袁茗園索題

勇

廿年空學相如賦不得金莖一杯露蟻邱乞徧道旁漿瑤草
春山隔煙霧世味年來似紗薄便飲頭綱亦奚樂鳳團拚負
縷金花恨負樵青舊儻約何人手支折脚鐺薜蘿靜掩衡門
清蟹眼魚眼細細生側耳笑聽吹瓶笙百沸定作颶颶鳴江
湖卻感風波夢一樣松濤海雨聲

明晉府寧化王琴歌

曾都轉席間見此

我昔驅車晉陽郡明祖諸孫故宮燼金牀玉几委道旁遺琴
乃見寧化王淮南伍被飛章起國勢當時幾遷徙即看奇變
在填笮那有和聲到宮徵螳螂捕蟬競相逐輾轉殺機騰骨

小謨觴館詩續集卷一

一

肉不須要令雍門彈已是人間可哀曲三百年來音響沈七
絃漠漠苔花侵此中何限中山淚促柱明徵了無謂手如白
雨頭如山搥鼓卻憶唐寧藩

伊墨卿太守以重修朝雲墓碑拓本屬頤用頻伽疊

次東坡韻再和二首

楚些誰招嶺外天華嚴應解箇中元三生易醒梨花夢九死
同參薈蔔禪露電豈消真慧業海山可有再來緣香車莫說
西陵路縞袂羅浮一種仙

使君高義感人天黃絹新辭妙入元兒女恩情歸大節春韶
風絮悟初禪香泥長護潏潏玉翠墨平添種種緣自笑夢中
無彩筆也書花葉當遊仙

次韻荅袁湘湄徵君

棠

邗上見貽之作

老頻顛奔走劇堪憐
顛額朱翁鐵門春生守片瓊幾輩故人殘
夢外一番相見落花前
才華少日鋒都退
煙雨橫塘纜又牽
莫憂臨流雙影影漂零
禁得十三年乾隆乙卯予與湘澗同客淮上

元作

吳江袁棠湘澗

乞食淮陰劇可憐
一星終矣尙寒瓊
客懷牢落何如舊風
貌清腴略勝前
莫話茫茫身世感
生憎惘惘別情牽
六朝哀豔文心苦
老卻幽并俠少年

桓伊吹笛圖

江東典午衣冠族
解賞高遷椽
十六塵中久絕廣陵散
散岸上猶聞野王曲
青溪瑟瑟風泠泠
汀花搖月月不行
誰知橫管一雙手
曾埽百萬符
堅兵柯亭絕品平生重
不惜相逢爲此弄
卽今俗耳喜箏琶
誰問空山嘯鸞鳳
多少焦桐出爨薪
識

小謨觴館詩續集卷一

二

曲果否聽其真
不須更說中郎賞
便是王郎有幾人

首夏歸自邗上憶篠園芍藥

一百六日春可買
三十一種花成海
名園上日例開樽
酒氣花香夢中在
春燈萬焰光罩庭
紅雲紫霧圍作屏
碧天搖搖無一星
宮衣笑卷千娉婷
歌管年年玉釭倒
高城不聽更籌報
只道杯分婪尾濃
都忘草是將離號
放手搏沙邗可知
江鴻社燕各相思
多情卻早輸黃九
繭栗梢頭鬢已絲

追憶

春侶嬉春事
幽管絃叢外
獨扁舟小橋流水
三叉路落日垂楊一角樓
空有夢回尋舊境
更無人解此清遊
酒徒散盡雷塘遠
冷月明明照玉勾

望月

初三復望月朧明盼到團圓皓魄盈那得天公解人意下弦
風雨上弦晴

晚雨

小眠齋傍薜蘿幽橘刺藤梢颯似秋向晚關門逢驟雨綠陰
如幄不遮頭

浪說

浪說文章敵子虛經囊空逐鄭君車人間自有邨夫子穩坐
瓜棚飽說書

秣陵旅次寄呈胡果泉方伯克家五十韻

歸昌耀神姿未見心已折遠道揚旛檀聞風早馨烈曩交樂
通與吳巢語若簧儷瑟縱論及賢豪盱衡徧簪紱雲霞各有
契金石疇可結舍面求其心見百乃逢一峩峩鄱陽公矯矯

小謨觴館詩續集卷一

三

會昌筆牒蕩甄羣髦春薪判曹律宏收樹人效惻解茶綱密
出把天南符重持楚湘節鯨鯢歛吮磨鳩鶻蘇沸鬱翻彼飛
鴉音詎溷威鳳質忠規楓宸孚季緒蘭膳潔峻玉陵嚴霜賄
顏貯冬日高情寄弦酌傾挹到寒乞虛張哲人風推送襟抱
月誰於軒裳中具此軼塵骨霄路何迢迢前言記兀兀昨來
鎮吳會桑梓慶雲拂戴斗固夙懷拜塵恥干謁豈知禰生刺
猥接文侯膝管牀酒三升鄴架籤萬帙傾盃燭花爛鑿古芸
氣靜蘿袞無町畦心肝有披豁昔公登鬻舍外舅所首拔外
蔣時菴先生督學江右按鏡郡日公方應明
童子試卽溪器公補博士弟子員第一應蒼茫湖師門愴恨

念門闕一辨謝家香百年衛公笏迴思立朝時風采昭卿列
凱切防河疏周諄徙薪說危言

至尊鑒殊遇崇階粟外聘官御史時會上請要河臣疏并條
陳治河事宜得旨申飭繼而南河決

河臣僕遺迷加優眷不次遷擢清節澄寒泉勁幹立古鐵榮雖槐棘躋貧屨
爨樵缺遺孤僅延綫中道天復奪公也甦其枯童孫得濡沫
卽茲風義古足驗政心實舊德且無負報稱况魏闕單門塵
嘯號矧在兆人室三吳彙財賦百吏承考察長當安養恬寧
復事剗割下走本驚駘引分等蟣蝨志業日負初虛譽慙忝
竊神明銷風塵奇氣害飢渴如博輒得韃求盧望將絕如賈
折閱餘縱獲不償失行期老菰蘆遑敢逐中褐子始年試所
恐溝隍委難免心志屈六蠹風正揚庶彙儻能活涼風吹江
波秋色戰華髮煩腸耐幾沃退翰德聊述請要示樂吳當無
啞坦率

汪耐山同守

彥國

招集趣園分詠飲中八仙得集遂

飲中八仙官者七殿以焦公布衣一當時自重孝然高後世

小謨鵠館詩續集卷一

四

訛傳子雲吃雲飛泥伏跡豈眞少陵亦是蓬蒿人韜精荒宴
各有託醉鄉寧以升沈分我聞崑山有陶峴自置三舟客能
選彥深雲卿皆後人可惜同時不同涵平生涉世憂患纏爛
醉往往全其天徑思痛飲覓五斗但莫高譚驚四筵

書汪竺君

元爵

五言古詩冊後二首

妙擅天揚手非調爨下桐潛蛟光鬱律雛鳳噓清雄問字探
奇數謂君師楊叔溫雲峴鳴陰答響同君尊人耐山亦翻嫌還海客多

事怨秋風

詩派婁江正聲名阿士聯

謂耐山甥陸子鐵元女

全家濃道氣一色關

春妍逝水看前輩扶輪讓少年高歌青眼裏惆悵撫華顛

寄寶谷廉訪湖南四十韻

東閣樽疊檄南天驛使遙流光看電激歧路感蓬飄沉芷三

秋在湘煙九面消建幘神解肅行郡玉驄驕政暇聽巴誦官
清采楚謠也應收骨駿豈但革音鴉獨客成浮樓寒山擬拾
樵無糧資雁鷺何樹穩鷓鴣憶鼓橫江楫初停倦旅橈當關
無片刺埽徑有連招此地川交陸明公斗建杓門寬容御李
齋迴合題蕭折節延崔蔡忘年訂札僑扶輪總詞伯圍蓋必
儒臬酒德裏番頌琴心宛轉調香酣金鼎膩茶嫩碧甌澆楊
葉華林射蓮花玉女驍羣仙高會賦明月可憐宵僑士皆都
雅箏人各冶姚霓裳翻疊拍星瑄譜成詔讀畫鴉又拓飛箋
蠟淚挑獨於篇翰癖尤見性情饒眾製囊開豹鴻章手射鵬
疑神搏師象浮響屏塘蛸寶鏗經千碎滂葩壓六朝新詞長
慶富名集會昌標顧影慙寒悴盟心忝久要羸形憐鶴病末
技賞蟲雕沈約誇何遜桓公愛髯超不才寧敢望殊數猥親

小謨餉館詩續集卷一

五

邀在苒淹時序曹騰送暮朝前塵追歷歷勝事記條條儵忽
分溝水蒼黃促傳軺離歎歎弦括揮手各風颺一丈紅薔館
三重綠綺寮轉輪腸不定迴首夢無聊珠履當年客瓊闌舊
市橋夏誰懷闊扁祇合隱團焦坐感蕭蕭葉難舒寸寸蕉殷
勤洞庭鯉憑送廣陵潮

送胡葢卿

承光

公車北上

朝廷設科目意在求真儒父兄期子弟教必文行俱家國理
一致青紫徒區區薄俗昧其原視爲利祿途升沈競得失貴
賤分榮枯嗟哉俊髦數適有貪庸趨志士具淵識返觀已所
儲立身儻無忝窮達皆亨衢懇懇康侯裔高材躐名駒穹窿
席華閱傲儻鏘瓊琚法式本庭誥握衣慎趨隅德門老兄弟
孝友交敦孚粹然和氣蒸釀此敦與瑚伯仲亦競爽篤愛微

愉愉昨來充秋賦出手子得盧有如同根花露早先榮敷一
日致千里何難絕塵驅人間鍾鼎事詎足相夸諛所冀擴襟
抱用宏遠大模子宗盛先德學術傳鸞湖經義與治事塗分
理無殊要當本根裕乃足猷爲舒卽以華國論文章貴菑奮
浮辭戒聲峴外飾防虛車何必求聲聞啗名顧與厨亦勿嗜
纖瑣僅注蟲與魚曷哉徑寸條合抱成扶疏上以應芻求下
以式鄉閭庶幾器識備進退綽有餘繁余百無就舉世嗤大
愚了了憶髫髻負看頭顧譚言爲子傾卻顧誠叔如春陽
動行色別緒紛紫紆翻丹山鳳遙集高岡梧肆雅詠萋葦
因風託萋芻三歎甘自謝一笑投菰蘆

姚春木

椿

落解後將省親蜀中途次緘寄所著手藁

并點勘拙集卻寄四首

小謨鵲館詩續集卷一

六

慷慨三秋話蒼茫萬里行一鏡兼涕笑餘子讓飛鳴峻閣肩
承大名山顯晦輕莫將金綫曲彈向錦官城

高館疎桐夜聯裾載酒遊關心非一第放眼有千秋滄海遺

珠在巾箱片玉收蘆中足窮士傳唱滿汀洲

生事拌浮白孤懷寄汗青車常載油素書不頌云亭笠澤門

雙版昌黎唐一經迢遙巫峽路柱史有明星

相知半人海之子定吾文少壯心思誤丹黃派別分高情捐

世眼歧路悔勞筋欲借光明燭餘輝請遲君

和作

婁縣

姚

椿春木

騷雅嗟寥落狂歌一醉醒半瓊空自白雙髻爲誰青離月
吳門黯寒風易水聽空成天際望高臥少微星

一唱江南樂詩懷底不平妹應齊道蘊妻亦傲淵明聞覺

無田好忙偏倒屣迎可憐囊底策抵掌向公卿
似我成何事飄飄萬里游江湖催短夢風雨著高秋客路
頻傷別名山亦貯愁著書渾未敢姑欲敵離憂
高館張燈夜臨歧未覺遙幾時重打槳隨處記橫橋白水
盟三泖青山畫六朝憐君奇氣在無意歎飄蕭
東吳顧元歎宿彥服奇才偕作諸侯客同援鄧尉梅一編
文選學千古讀書臺我亦楚狂客長歌歸去來

一曲

一曲當筵酒一杯淒然蠟淚漸成堆不知隱隱五更轉祇覺
茫茫百感來外地見花兼坐月中年無樂况多哀寸心恰與
寒鑪似多少星星未熬灰

小部十二韻

小謨觴館詩續集卷一

七

小部箏牀展虛堂漏鼓沈誰調四絃手渾送九邊音二十年
前夢三千里外險閒坊銀鑰啟中瓦玉鞭尋頰妒天仙畫窗
邀石鏡臨棗花簾了了楊柳路溪溪法曲康陵製香醅瑞露
斟濃春雞鹿塞細語燕鶯心影事三分記閒愁兩鬢侵驚疑
訴河滿淒絕譜鈴淋逸氣嗟何在華年逝不禁英雄與兒女
振觸總沾檢

幕府

幕府雍容劔鳥親閣鈴風細語逡巡地當澤國偏愁旱官到
條司不救貧茶把蔬盤方鱠玉山樵柴價抵烏銀諸公莫說
通侯貴只要頭銜署富民

雪中雪戲效吳體

推窗虛室忽生白仰屋有人方草元凍雀爭枝苦格磔鄰獨

掉尾何翩躚遺蝗果否可入地宿麥料將書有年腐儒小喜
卽啗闌計短先卜棊花妍

海鯨行

北風吹海海水急千里長鯨作人立樓船將軍號令肅欲翦
修鱗矐其目魚目閃閃明月光上蝕太白翻無芒噉投如雷
矢飛蝨被機竊發猝莫防將星一夕落如斗掉尾長鯨撇波
走是時天寒月在丑組練三千歌聲死一鯨得脫羣鯨喜卻
教萬頃滄溟濤嗚咽都成隴頭水迴軍莫唱雉露歌哀死曷
若揮琯戈雪憤定有英靈呵嗚呼澹臺儒生猶斬蛟何況玉
帳諸金貂

新正里中酒間作

戊辰

醉我溪南老相攜舍北翁文章空見許保社幾時同且盡杯

小謨觴館詩續集卷一

八

中物休譚過去風平生漁釣約禁得尙飄蓬

別院

別院文窗綠閒門花事幽長時紫柳線渾不卷簾鈎屢響檻
三折衣香風一樓傷春心幾許更替燕鶯愁

燕席有贈

窄袖蠻鞋蹴五文地衣都耍水沈薰白翎自奏婆羅曲青翰
渾逢越鄂君花影暗移闌一肉酒場圓墮月三分彩毫書徧
聞花葉更與殷勤寫練袞

觀手技

箏琶笙簫鼓鐃鑼眾樂如麻樂工獨五官四體無一閒口手
喉脣及雙足有時冷細管清有時鐵騎刀槍鳴新音法曲
雜正變靡得大略皆成聲移宮換羽巧無蹟絳樹雙聲妙難

敵能多技雜世轉輕不與伶官分一席漂泊江湖幾春夏那
敢當場索高價得錢取食東復西只博兒曹一誇詫君不見
當年齊王好竿甚一竿能吹優徼幸南郭處土無寸長三百
人中飽餽廩又不見邨農有田長子孫終老安守蓬蒿門懸
槌十指百不解爛醉狂敲老瓦盆

風塵

風塵何處有邱樊紫陌春濃百籟喧一笑人間原戲劇官蛙
給廩鶴乘軒

展墓三首

頻年轉江湖春半輒去家清明好時節淚灑棠梨花今茲遊
蹤近相去水一涯微攜麥飯盂來薦東陵瓜晨昏墟隴間愧
彼偷屍鴉鄰叟九節杖邨童雙髻丫相逢各恍惚頗訝綠鬢

小謨鵲館詩續集卷一

九

華松楸幸無恙肸臞通幽遐靈風颯然來夕陽黯欲斜應憐
此孤兒面目多塵沙

賤無表阡文再拜默致語童少荷厚期立身規遠馭蹉跎四
十年忝冒徒虛譽怛然風木哀如暝不再曙迴思罔極恩一
痛息千慮前途思之孰進退兩失據頗冀保清白無復希軒
翥但勿填溝隍黽勉勤誤著養真守衡茅道味蘄饜飢寢興
念所生全歸異時庶有後何敢言無成倘能恕

依依別墓門忽忽來舊鄉殷勤從子輩爲我羅酒漿老屋數
十楹久作債券償祖居頗閎整近亦三徑荒巍然舊門闕改
作隣家牆古無千年業達觀亦尋常無奈榮落悲淒然感難
忘卻看小從孫卯角繡桷檔踞地作虎子跳蕩誇身強一笑
或亢宗所願非敢望

負手

負手閒行舊藥畦，閒關鶯語隔林啼。昇平有象占朱雁，詞賦何人頌碧雞。半醉夢魂風絮影，一春心事落花泥。檢書看劍，都成嬾別館，薺薇日又西。

得中立妹聲都門書卻寄

近聞瑁毳滯春明，又見封軺碎上卿。富陽相國有奏留校 賦下星占推趙達，漢家靈憲待張衡。鄉山蘆荻牽蘿計，國史館天文志之 可酸辛灼艾情。時女弟適疾初起 我自雕蟲了無藉，尺書招隱倘心傾。

次韻李散木榮見顯拙集詩二首

褪盡江花筆底妍，曉寒愁賦衍波箋。吳船赤馬思求侶，塞酒黃羊罷擊鮮。名姓人間終草木，愚情天上有神仙。誰知破帽

小謨鵲館詩續集卷一

十

騎驢客低首，韓陵片石前。破故曾游代朔間見予少時所作周忠武公劉夫人廟碑贈詩有憶

昔樓頌甲忠愍十年前讀大文來之句

鍾期元賞到琴臺，漫作金風亭長猜。碧玉依然晉祠水，蒼顏愁說洛陽才行藏。枯菴憑三命詩卷，叢殘賸八哀。卻是素心忘不得，簷花細雨遲君來。

米貴

石米五千貫，號飢值歲豐。炊煙貧戶澹，陳粟富困紅。豈有天能漏，終期糴可通。監河容貸否，愁絕住江東。

李虎觀同守邦燮索顯石梁漁隱圖

瀟湘司馬瀟湘陰，湘山九面蒼煙深。鱸鄉畢竟五湖好，漁弟漁兄知此心。

楓橋貝墟聚金石千餘通，葺干墨庵貯之繪圖索詩

萬行金薤抵瑤華不讓龍舒著作家是否閒堂春晝永有人
同覆掌中茶

秋日偕友人泛舟石湖至楞伽寺登上方山歸舟夜
由虎邱山塘抵胥江水次二首

夙慕五湖遊層波阻孤蹤越來溪咫尺煙水連空濛行遠必
自邇藉以文我慵天鏡落心目漣漪澹搖溶精藍臨曲碕雲
磴碧蘚封石洞瞻妙相寺有觀音洞水月天人容上夾雙翠岳藤
蘿罨蒙茸下臨不測淵窈黑蟠螭龍陰森噤毛髮幽怪無春
冬金仙亦何樂闕此荒寒中揮手眺平野千邨聞暮春稍稍
鬧鳧雁戢戢嬉兒童穉穉十萬頃翻作玻璃風如遊羲皇世
豁達披心曾請謝靈湫區長伴石戶農

單椒接茶磨脩嶼峙亭亭顛厓有花宮鐘魚門晝局當年盛

小謨觴館詩續集卷一

十一

香火俗語成丹青豚酒鬧巫祝簪笄舐媼姪崇朝厄運至白
日轟雷霆鬼神有代謝憑託無千齡迴權入西郭歌船塞前
汀煙花此終古簫管鏘仙鈴夜久亦漸息眾喧歸窅冥天西
挂片月高柳明疎星清寒入肝膽一洗羅綺腥沿洄越闌闌
浩浩市聲停魚鱗屋瓦中萬戶夢未醒松杉闕夜氣沸鼎成
清寧卻爲倚舳唱笏有溪魚聽

碧城五首寄春木都門

碧城迢遞碧雲長游戲仙家兩不妨寄語投壺諸女伴脫皂
何必電流光

省識天孫罷織時流黃機畔淚連絲蘭香下降雲英嫁一片
秋河冷自知

寶笈珠經護綠芸新宮小史一羣羣少霞也是文章手只博

頭銜署五雲

洞口蘿陰欲化煙
清愁留與蕊宮仙
生憐一輩靈妃齒
纔見紅塵便粲然

玉眞夫婿等閒留
只爲胡麻飯一甌
知否有人雲外立
桃花如火不回頭

除夕賦得四十明朝過二首

四十明朝過清愁
鼎鼎新有身原累
我無事不輸人家
祭虔攜婦餘通婉
謝鄰閉門風滿屋
爛醉冀全眞

四十明朝過蒼蒼
在鬢絲蔽材安世
笑來日只天知逝
水流如許強弓挽
幾時明鐙搗臘鼓
作達已嫌遲

人日大雪耐山招集賜書堂醉歌己巳

不飲長如醉兀兀
出門時日多於髮
喜聞里社作近招
快若

小謨觴館詩續集卷一

三

騰隼離韞繚連朝
酒星照人爛勝地
勝情此間冠金花
四壁簿閣華風雅
一門旗鼓健去年
人日晴不來今年
人日風雪

催衝泥雙屐不辭
折夏令寒谷成春
臺先捉酒人鬻頭
卓卑會山憲繼邀俊侶
雲間陸子鐵簾衣
益益隔冰霜
肝肺鱗鱗起芒

肉飛狐城邊射獵
場聚星堂中禁體
強壯游奇氣駒過
隙雨鬢無情忽垂
白人間榮枯幻態
賒放眼略比空中
花萬緣都

埽一窮累尙未絕
粒餐雲霞幾年看
梅客東閣幾年授
簡青油幕杯盤空
飽侯門鯖淒苦依
然紇干雀吳姬十
五雙翠蛾清歌勸
我卷白波浮萍斲
絮各無蒂我與爾
曹愁孰多醉鄉何
如故鄉好故鄉無
憂故人少搏沙蹤
跡暫亦佳舍此百
年逾草草如泥肯
惜積玉山東方未
明夜任闌不愁人
事隨口出歸踏瓊
瑤錯疑月

和作

鎮洋 汪彥國 耐山

曉鴉唬屋破睡兀開門寒豔逼陰髮瓊妃騎鳳若可招迴
風戲散千絲縑搖搖銀海花枝爛裝束綺衣玉而冠入手
流年酒盞深上頭春色華旛健詩人不惜泥蹀來草堂逸
興當筵催謨觴仙館高位置有願但築糟邱臺中宵跌舞
冠倒卓睨視今古幾沈陸生憎謠詠工蛾眉老謝磨礮去
圭角世間悲樂千萬場與君蹉跎四十強勞生齷齪無寸
隙天付狂奴眼撐白來日易促去日賒壯懷豈解兒女花
賢豪有命亦陵谷神仙何術能霄霞側聞露禱鑒 天閣

得厚夫書知

又見河防議參幕生計艱難集澤鴻平居憂

患處堂雀吾曹遮莫攢愁蛾機事終淺隨鷗波青衫紅袖
誠無賴未必傷心此最多

紅袖青衫兩無賴傷心事總吳世間多君卽席贈歌者句也

小謨觴館詩續集卷一

三

娃慣唱春光好美景難并良會少及時且共秉燭歡多情
勸種當歸草誰者黃土誰青山客意何如雪意闌相看寒
餓秀句出短檝依然夢湖月

時將同之吳門

古詩四首答陳雲伯明府

文述

弱歲涉學林如海迷西東汎濫之眞得源塞流豈通謬爲聲
悅詞浮葩翦青紅卽降論枝葉精鏤棟頑銅自信無一可毀
譽百念空頗思迴軌轍正學加磨礮所憐登頓疲途識力已
窮奈何虛美加數枉諸宗工得無重我過情又萌曠曠邊豪
如枯藁行復茁數叢旣誤燕石寶終藉他山攻

文章總空言體不分駢散自從東京來眾著日星爛沿洄泊
六代文質各參半要有眞意存瑚敦非俗玩同爲古文辭貌
異神一貫三唐未陵遲兩宋道乃判方今此事昌數老詞場

冠吾黨二三子高文各璀璨予亦希雅音隨眾學操縵終嫌
榛楛雜有待冶鑪鍛狠辱癡痴嗜幾忘曾鼎贖可憐廢精神
無益自顏汗所就乃止斯廢書喟然歎

陳侯浙西豪文翰早飛翬一編碧城集光譽騰萬口珠林吐
湧葩古錦織妙手神仙排雲霞金碧燦軒牖或爲驚鴻翔旌
旗嬉左右或爲古勁裝長劍倚星斗隴廉見孟卿自顧真老
醜惜哉枚馬才不逐金張後抗顏翬紅塵束帶膺墨綬昨歲
官瀛孺時攝寶山令扶桑一翹首作爲觀海篇雲夢吞八九我聞

成連琴祇在山林藪浩蕩天風中知音有人否

一樹老梅蕊半椽舊草堂殘年風雪中遊子初還鄉剝啄枉
車騎深談見衷腸三歎作吏難柄鑿殊圖方復惠六篇詩新
詞瀉琅琅訂以車笠盟許以名山藏高情篤深眷法曲彈清

小謨觴館詩續集卷一 西

商萬念洗冰雪都非少年場得爲且自勉不獨在文章弁山
聳寒碧海水搖晴光努力追前修視此鬢鬢蒼

遊南園園爲前明王文肅公錫爵所遺後捨爲寺久
廢其子姓重葺新之庭有老梅一株號一
隻瘦鶴舞文肅公手種也
將三百年矣時方作花

綠野遺墟結構新琳宮遙與梵宮鄰園中供呂仙像南爲潮
音庵東爲彌雪堂皆王
氏家地傳玉帶曾遊處花比金剛不壞身老衲豈知塵世劫
暗香還逗古時春隔林似有提壺喚分付東風動酒鱗

晤頗伽胥江舟次酒間賦贈兼示令弟丹叔鳳

飛揚都過少年場尙覓仙人行樂方作達安能外名教立身
如此大悲涼春波畫舫三篙弱詩卷名山一尺強只羨君家
老同叔卅年身不出江鄉

果泉方伯應司寇 名入都寄贈五首

岳牧乘輅去皋蘇待澤多江山盼持節霄漢舊鳴珂書又看
城旦曾仍貯太和昌言思贊暇餘事好賡歌

忠牽平生事東南財賦鄉庭闈春進酒心跡夜焚香廉有神
明鑒寬畱世澤長熙熙諸士女只解樂畊桑

薪竹籌河日租庸議稅時歛歛介夫畫激切道州詩赤牘言
如昨蒼生福不知菰蘆殘客在畱作夜談資

綠醕傾花幕明鐙賂綺軒温温無暴譴了了記心言冠佩從
教落金絲偶一喧車茵曾吐處迴首總煩冤

書局温公矧時校刊厚
熙本文選當今劉范誰諸君鴻爪散此事虎頭
推謂澗蒙也懷鉛共相將橐筆隨江湖畱二鳥天上定相思

古詩三首次韻答汪竺君

晏室示楹語孔庭聞學詩千秋聖賢業箕裘有真師雕龍非

小謨鵠館詩續集卷一 五

世禪摘埴徒爾爲之子盛門業鼓鍾會軒墀神駒早騰蘄老
驥不敢嗤會期秋駕遠莫惜鹽車遲如川必叩浦如字必有
孳大典修明禋藉地先布茲偉哉九仞臺已過三重基

弱冠援學津前修鞭願執迷塗屢迴互軌轍今稍悉所歎桑
陰移欲赴天恐尼子如日初升進得無退失玉蚪長風乘珠
緯天閭密崔巍切雲冠羣神讓君謁

所業不諧眾適越被章甫伯牙號鐘喑薄義凡箏拊大愚嘲
駱疥小黠誇虬戶鏘鏘孤鳳皇下視皆狐鼠詎肯如桔槔隨
人爲仰俛高才偏善下虛受若鍾庾禱昧安足論相斬敦古
處緬懷榮名寶匪勉同心侶謂子謫言偶傾寫世士恐色拒

匿笑姑置之彼哉原伯魯

霜庭鞠稚圖詩并序

昔晉潘黃門爲任子咸妻作賦述其所天旣殞孤女始孩以爲生民至艱般憂靡訴感而命筆爲叙其心予婦弟蔣二德方之配系出華閱早詠柏舟無叔夜之長男有左家之嬌女初離文祿卽課遺經事等折蘂情均茹蘗其宗人王某爲繪行障予因節潘賦中語題曰霜庭翰稚圖而系以詩曰
嬌小平陽面淒涼孤燕唵書聲黃口澁鐙影綠窗溪香茗他年賦貞筠此日心分明絳紗帳懷古一沾襟

校刊淳熙本文選將畢戲占二絕句示澗齋時寓史

門玉清道院

落葉風前埽百回江都絕學此重開白雲洗出廬山面只問何人屐齒來

爛熟空誇選理精淒風蕭寺別寒藥防他太學諸生笑相對

小謨觴館詩續集卷一

六

依然喫菓羹

被酒寄葭卿

殘鐙欲炷酒禁持影事前塵繫夢思公子西園愁話舊美人南浦慣傷離情瀾浩浩三生共白月明明兩地知那有閒心還聽樂世間無賴是金絲

寒夜獨飲

少年耽飲飲必羣下至屠沽上簪紳雖無酬德雜怒噴終覺肝肺成嶙峋中年興漸闌選酒兼選人我思柴桑宋遺民我思高密老鄭君一醉便眠得天眞一飲斗許長溫溫莫借蓋次公莫遇周伯仁次公醒狂招世詬伯仁醉語徒殃身素心可望不可親不若相對形影神竹風蕭蕭雨紛紛夾以雪霰聲滿鄰小窗深鐙青不昏地鑪榘紅乍焚一舊自撥牀頭

雲中有至味醇乎醇綺叢歌席嫌糴葷何況酒徒搖舌屑靜
裏兀兀取半醺曾次益益皆陽春此情莫與世俗論但遣屋
角煤花聞

有會而作十三首 庚午

萬物胚鴻鈞氣化本自然乘流與得砥了不煩機權膠擾世
間人百念紛牽纏所營偶如願遽謂人勝天迨乎喪事悔心
力已空捐吾生逾卅載之術隨化遷跬步無安圖撫衷尙多
愆安能策餘力役役隨時賢

勞生涉江湖憂患夢猶怕壯非史公遊事同列子嫁繆充諸
侯負轉展若傳舍骯髒樓護鯖悲辛少陵炙逢迎詎之賢摧
折氣終下塵鞅茲偶停如吏得休假明知飢來驅乞食須命
駕且當忍朝夕暫與世緣謝衡門閉兩版中有三間樹一把

小謨觴館詩續集卷一

七

覆頭茅高高若嵩華

儒生營四海曾次浩軒豁志期蒼黔安要令水火脫如何壘
鹽事頓使壯懷奪五窮究何神愚智受切怛一己艱生存奚
云萬人活黎羹尼父甘糲牖原思達乃知古聖賢厄亦難自
拔引之聊解嘲庶以安飢渴

昔賢重遺贈甚以冥報貽一介凜取予清操理如斯予生百
無藉難免求人時簞食偶得濟慙顏內含悲奈何竿牘流動
輒希恩施安能盡如欲拂然有繁辭小人乃懷惠聖言不我
欺舉世無鮑焦此情當語誰

城隅一老屋屋後皆原田春波淨寒綠林花吐幽妍薺菜旣
青青良苗復娟娟每攜柳栗杖日涉東西阡鄰叟荷鋤至誇
余屢豐年雖非已所有生意亦欣然猷猷平生懷先疇悔輕

捐真如過屠門大嚼吁可憐

春色來郊原好風入懷袖常移踽踽步樂此遲遲晝花密蠡
漸喧麥芒雉初雒偶然遭田父爲我剝籬豆泥飲欣相從芳
草綠如繡遊疲戀鄉井衰至愛耆舊豈無諸少年衰屐成避
逅笑舉泉明言相知不忠厚

天桃好容顏惜非經久質盛時無一旬風雨况難必看花偶
因循漸覺故態失今晨惜昨晨明又惜今日萬事類如斯能
禁幾悠悠相將秉燭遊我後不遑恤

荒城十八里半栽桑與麻我舍西南偏桃杏交周遮陽和扇
羣植菜敷爛朝霞遊侶日千百冠裳襍并珈雅俗共所欣誰
能非毀加因思著作事文質相疵瑕嘔心揆葩藻世眼索癩
痂爭似尋芳人萬喙同一誇始知千秋業不及三春花

小謨觴館詩續集卷一

六

陶公命子詩祇以才福詔昌黎示符郎但詡讀書效頗疑晉
唐賢落落非常調如何義方訓不外俗所耀高密有通儒公
車謝徵名衰年戒益恩立德僂爲孝聲稱亦有榮所生己克
肖曾無絨冕緒責望徇時好偉矣鄭公鄉千秋仰庭誥

先人有藏書插架近千帙孤露廿年來漂流去家室田園旣
登麥舊籍亦斂佚茅齋今所儲籤軸顯甲乙節食兼典衣衰
存百之一精衰學術龐漸悔汎濫失庶幾約守之相依送餘

日

橫經理舊業古訓勤爬梳偶爾有新得爲之一軒渠久覺非
翔獲前賢早先諸辛勤三十載尺寸材空儲立論欲求是後
輒悔其初要皆覆瓿物安足富蓄畚撰述僅驚名所愁類鈔
晉百年莫殫事數月成有餘應笑破千卷不能著一書

池塘飛暮雨風色在高柳閉戶呼張盤欣然命樽酒塵喧息
比鄰細響落窗牖家人頗解事瑣屑不挂口但道春花佳明
夏能飲否引滿笑領之先教翦園韭

松蘿交戶牖月影逗中央滅燭攬清輝冥坐移匡牀去人不
盈尺晶瑩生薄涼階前白露塗衆葉翻寒光斐几書帙靜風
細聞古香清甯有真境天心見微茫且復滌萬慮因之夢羲
皇朝看鏡中髮莫令添秋霜

香徑

一條香徑暖雲烘春在遊絲白日中柳外文梁藏乳燕風前
人影度驚鴻驟暄多恐成陰雨漸老尤應惜鬧紅覓取玻瓈
三百蓋醉鄉溪處伴無功

意行

小謨觴館詩續集卷一

五

意行無定自莎拖陌上香風送綺羅臨水園亭中酒易斜陽
門巷卷簾多花叢那藉黃鸝請草路猶思細馬馱誰是溪南
辛老子一杯相屬莫蹉跎

花滿

花滿紅殘不可畱神方駐景倩誰求依然燕語鶯啼日漸有
鸞飄鳳泊愁酒力過時香夢醒柳綿飛處夕風柔迢迢南浦
春波綠猶解生明照畫樓

和舒鐵雲孝廉

見頭丙辰歲遊山詩卷詩

十五年前詩一卷千仞飛車夢猶戀天涯同調舒元袞細字
蠶眠頭欲徧平生鬱鬱海嶽懷五窮驅我塵市來靈妃玉女
久相待洞花望斲櫻桃開君詩感人欲起舞君才儻曹劉
伍短衣長劔昔從軍鍊甲光中筆花吐青油幕下難久居光

範門前空獻書年年乞米傍公府非官非賈非樵漁丈夫不
具封侯相合早抽身問遼閭英雄變策乃神仙除此茫茫夏
何向君如計決求僱侂我亦蠟展排松煙巢由不用買山隱
何必愁之青銅錢春巖迴風瑤草綠胡麻同畊飯應足此詩
便作息壤盟雷與靈威丈人讀

和作

大典舒 位 鐵雲

身行萬里讀萬卷脚底胷中常戀戀明知行路既多難况
復讀書豈能徧誓捐俗慮伸雅懷舊詩已去新詩來上元
細字水精夢一笑昨夜盞花開鸞鳥自歌鳳自舞公等錄
錄噲等伍神仙未有不英雄如此裏言忽輕吐子能行之
修常居鹿盧躋有瓊嬛書三食聊防羽陵蠹再來豈是桃
源漁埽除方寸諸變相島近蓬萊苑附閨縱未胡麻飯阮

小謨觴館詩續集卷一

三

劉也應蠟

展吹禽向姓本是彭名亦侂

位本名侂字仙才
癸卯鄉試始改今

名一南一北兩點煙洞天福地有感劫明月清風無價錢
何處男紅與女緣過眼雲煙看已足依然捫蝨坐青山路

不可行書可讀

讀鹿洲初稟書後

萬里溟濤一掌看書生籌策舌翻瀾太平自有金湯固陰雨
須謀牖戶安翡翠明珠方物易伏波橫海將才難日南花鳥
羅浮月隻字何心到筆端

春餘

墜歡誰解拾春餘一片林亭畫不如濃綠漸肥紅漸瘦怪他
花葉有乘除

老圃

草痕如毯水平池，款倒疎籬竹幾枝。
老圃一方荒亦好，夕陽容得賂多時。

野老

插棘編籬野老家，紛紛紅雨惱芳華。
兔葵燕麥休刪了，雷與風前襯落花。

何秀才

恩照

以山陰陳酒見貽次東坡和錢安道寄

惠建茶韻

東坡論茶借論人，解道佳人似佳茗。
心腸玉雪非膏油，中有微言可三省。
我生擇酒同擇友，世論多歧安足聽。
醇泊應推君子交，黃中只愛溫良性。
德能激薄養以和，味可平心取其正。
越女由來天下白，越溪水亦清而永。
釀工作醞劑，苦甘有若敷政調。
寬猛不比燒春劇，刀箭善氣油然遠。
麤獷年年此

小謨觴館詩續集卷一

三

味客中，語代舍歸來。酒鎗冷，茅柴非無。村店沽心欲受之，喉恐慳感君白衣餉。東籬勝折江梅，馳驛嶺洗觥急爲掃閒軒。浥浥鑪香泛金餅，風落檐花春酌動。竹鳴窗雨踈，鐙炯歲寒倘得長周旋。那惜飢窮老鄉井，素心臭味君則同。饒口老饕吾自倖，朝晴夏擬扛壺遊。準備肩頭木瓢瘦。

雨

蒼蘚斜緣砌，纒絲細映空。藏鶯深桺路，吠蛤野田風。
琴悔調絃拙，書慙乞米工。草堂殊未惡，只是遜盧鴻。

晴

綠陰纔半院，風到已泠然。永晝人無語，新晴草不煙。
鄰閒鏡樹果，僮小數苔錢。只有忘機客，拋書偃坐眠。

孤坐

孤坐藤蘿一思裁
薜荔衣草花開廢
圃瓜蔓上荆扉
蜜熟蜂飛嬾巢成
燕過稀所嗟人異物
翻覺閉門非

初月

朦朧看偃好不
要太分明檐際一
痕動悄然遙思生
銀牆碧梧院花影
紫鸞笙魂斲昏黃
夜蛾眉知此情

題錢籀石先生丙戌
閣中畫蘭長幅四首

幙首自題云乾隆丙戌科戴蒙恩入內
簾校士閱卷已畢循用
藍筆寫又題云癸卯之
秋三月廿八日翰林學士
秀水錢載事檢閱舊篋中
得見此幅丙戌所寫已十
有八年矣邇來年邁腕弱
不能有此勁挺之筆故重
識數語存之

風流長水老詞伯
古戰場中寫冷姿
怪底積唐醉翁意不
顯一昔性靈詩

鳳味堂前畫燭紅
髯仙腕底有春風
貞觀從釋文朝士凋零

小謨觴館詩續集卷一

三

盡斌娟分明見鄭公

纔了煎茶興未闌
璇香添染露華寒
萬枝食葉春蠶筆不
滿幽花一笑看

文昌風景數沈吟
讀畫翻傷寸草心
莫說當年舊桃李可
憐

無樹接新陰丙戌先君成進士癸卯重九後三日則子應京兆試報罷時也

讀明史及崇明縣志
沈廷揚傳作

當年杭稻轉東吳
遼海雲帆有舊途
一輩訐謨成築室孤
臣草莽獨飛芻關中
古叟蕭丞相海上
今無卜大夫忍使水
衡錢百萬年年拋擲
爲芟蘆

舟次邗上重過題襟
館示蓮裳二首

十二闌干一徑通
舊時賓榻舊簾櫳
曾經月弄風潮地
又到金迷紙醉中
爪印自尋苔蘚碧
酒顏猶儂燭花紅
題名片石

依稀在可有滄江夜貫虹

子所作題襟館記梁山舟學士書今尚嵌壁間

聚散搏沙各自驚酒闌清淚替縱橫江湖弱骨千鈞重萍梗全家一葉輕奉母勢難拋祿養遣愁詩尙託風情故人賸有元瑜好綠水紅蓮照眼明

謂王徽舟灤

湖船

出門初過九月九寶應隄開廟灣口漕渠一綫斷人行只有外湖寬可容外湖寶社及汜光三四百里波汪洋湖船入湖土人慣不資艫楫資帆檣木堅質重色比漆五尺艫濶隙無一鐵籠人疑田氏宗井蛙笑學公孫述洪濤眩轉天水銜放溜急竄如驚巖但除當頭暴風惡其餘三面皆張帆卻伯埭旁初發船大王廟前焚紙錢須臾莫辨中與邊四方上下銀瀾連柁樓遠望目力盡不見半點邨墟煙神搖氣餒篷底伏

小謨觴館詩續集卷一 五

忽聽榜人呼食粥長年婦稚各欣然了若安居在華屋爲言今朝風日好片時已過秦郵道少焉明月出天邊便抵淮陰舊隄埭淮孺近增昏墊憂田廬半被波臣收吁嗟乎魚頭赤子無寸土生涯讓爾湖船戶

柁尾

柁尾榜人婦相依共短篷揜薪雙腕玉打槳兩鬟風面饋嬌兒白杉裁稚女紅江湖無別苦生計羨篙工

再至淮安書感

釜底孤城落日邊金隄高夏過於前漢臣本要兼三策商邑誰能計五遷嫗忝歷陽應有數宮成瓠子究何年一行官柳婆娑認祇覺臨風倍黯然

果泉司寇以去秋總督漕運緣事落職宣力南河旋

領淮陰郡守地爲予舊遊今茲渡江造訪酒間長話
無然於懷得詩六首

代舍分攜歲一周前塵重訪月波樓鈴奴麻卒都非昔風色
河聲各感秋舊館豈徒桑下戀此邦添得杞人憂明公自抱
蒼生戚不爲車前少八驂

十餘年夢久闌珊前度羈孤影夏單梁燕巢痕尋一一磨牛
陳跡記團團種桃舊圃花何處行水司空事較難別有房公

門下感了無人比董庭蘭

王含鄴河帥自乾隆甲寅至戊午守淮陰子客茲土五載署中有手

桐桃樹今河帥久逝樹亦無存矣

鳳羽雲霄變態多陰諧運日事如何
謂山陽王令獄眼明那優淵魚
察例在難舜仗馬訶紅粟聯檣紆玉節碧油迴旆下黃河分
明聽徹鈞天奏重唱人間勞者歌

小謨觴館詩續集卷一

一

不將塵劫感仙凡 楓陛恩深進退銜報國有心盟白水聽
歌無淚溼青杉方楸局勢某頻換華嶽鋒稜面總劔參得天
心消息理豈宜長挂順風帆

相對依然燕寢香紆籌無那鬢添霜木饑水毀災頻告食貨
河渠勢兩妨曲突自應爭上策琴絃何易說夏張羽衣吹笛
黃樓上始覺東坡興獨長

又向江湖寄此身天涯明舊話酸辛飛車未許登懸圃捧土
空思塞孟津病後驚魂常惕息醉中詩膽忽輸困嗷嗷中澤
哀音滿一箇賓鴻未是貧

廟灣工次書所見

屢報鴻陂潰難期雁戶安全家依片席一芋了晨餐宅已覆
鼉徙人同鷄鶩看風前數行淚僮僕亦知彈

工次夜起

漠漠長隄暗荒荒缺月孤眼中無片瓦枕畔喚千夫擲牝黃
金賤漂沙白骨枯檣巢且須處官事重畫笏

將歸示友人

眼飽監門畫心驚竹箭波春收農望絕鬼趣路旁多顧我非
官吏隨人洗薇蕨故山飢亦得何苦聽勞歌

歸舟作

幾見蘇昏塾頻聞耗度支爭紆行水策誰誦酌泉詩鑿帶叨
何數蒼纓悔恐遲芻言渾未敢一權下流澌

小謨觴館詩續集卷一

小謨觴館詩續集卷一

三

小謨觴館詩續集卷第二

鎮洋 彭兆揀 湘涵

靈芬館弟五圖為頻迦頭

辛未

衡門能閉否圖畫又重看新竹更應長舊書渾未殘騷人古
唐勒幽谷此王官老我卜居拙連牆盟恐寒

沈夢山丈

祖齡

空山獨往圖二首

詩老鬢眉古家聲俎豆光

尊甫敬亭先
生入祀鄉賢

清門無橋稅廉土有

泉香愛日初懷負停雲極睇長淒然巖隱意百感付蒼茫

書表誅茅願詩傳寸草心曾緝耆舊傳如聽雍門琴誼添交

羣紀

謂哲
嗣端

遊終愧向禽負薪歌一曲迴念亦欽欽

古詩贈董樸園邑侯

和培

卽題其課子圖

眞儒無才譽循吏無能名穆然如清風被物物向榮賢侯廣

小謨觴館詩續集卷二

一

川裔經術追西京放爲瓊琚舜雅樂鏗韶醜秋薦肄萃鹿南
國影華纓始判均幹官處膏節廼貞十年蘊璋器一表推專
城我邑婁江東其外環大瀛衍沃兼斥鹵秀良雜蚩停苛媯
與舒緩兩頗艱持平昨歲侯來茲歡顏動閉閣下車帷甫褰
善氣人已迎首端士廉隅次求民隱情高山古賢仰白水臣
心盟訟不尙撻發導以讓息爭政不設鈎距待以惘欵誠慈
祥貯胷臆皎鏡仍虛明藹吉感時若屢豐慶田更閣簾閒草
色鄉月停厖聲浩浩百里間益益春陽盈賤子愧庸下道藝
徒爾營漂流老賓客筆舌當備耕猥儕泯子午禮顏荷齊嬰
深杯簿領卻短燭肝膽傾每登魯宓掌恍作羲皇氓比出示
行像芝蘭侍髦英時於撫字暇督課同庠贊繫昔萬石君世
澤光宗祏又聞陳太邱再傳列公卿陰德後必大况以家學

鳴願言恢門基若章有元成或如桓太常章句入史評下而
嗣胡威各建郡牧旌猗歟玉杯篇不羨黃金籛自歎清白後
慙拊臧書楹敬爲使君誦歌罷心怍怍

盧湘槎明府

元樂

解官歸小住邗江作騎鶴清遊畫

卷屬題長句

翁昔駮馬參戎韜烏鳶跼躄巒煙高蜚鴻忽落皖山陟百里
花封看馴雉鸞翔鶴舉意不忤清夢只繞江之南江南鷗鷺
盟煙雨薄遊偶跨橫江羽胎仙矯翼輕扶搖卻喜十萬無纏
腰綠楊城郭二分月深夜玉人何處簫袞袞泉刀競趨走雞
鶩羣中來此叟流水車嫌富媪祠醮波秋愛隋隄柳江雲倒
卷玻瓈風耍與昏衢埽坵坵朱闌翠箔湖上樓斷榭記我三
年畱羶腥羅綺嬾迴顧往往撥擢平山幽勝事當時猶在眼

小謨鴉館詩續集卷二

二

同此孤懷有嵇阮小艇偷借伊郡侯選微吟細和曾都轉寶
鳴鴻聚散安可期伯勞燕子東西飛摧積病鳥還故枝塌翅
無復陵風思讀畫前塵儂自惱鬢絲小杜垂垂老如翁本具
海鶴姿縱倦清遊歸裏好雛鳳摩霄鶯出谷介壽惟應鶴觴
祝刪我梅花東閣詩爲翁獨奏南飛曲

嘉定陳氏雙孝詩

有序

陳大用字允升居嘉定縣城南父良顯有善行父没大用母
殷氏患癰十三年與妻黃氏籲天求代竭心力侍疾疾亟大
用割股肉以進積瘁至吐衄隱不言黃孝敬一如其夫殷卒
擗踊幾殞哀感行路咸以雙孝稱事詳縣志子四人季詩庭
以嘉慶己未成進士孫十六人長次皆縣學生乞詩表微爲

題其冊

練溪之水何清激中有孝子陳允升年甫十六乾蔭傾母瘍
顛天天弗磨金刀剖股肉作羹竭勞歐血不自明冀以毀體
哀神靈那顧腐儒執簡爭中閨良匹姬姜型抑搔漱澣心力
弁閱曾至性伉儷羸十三年內同精誠送終號呼激幽冥殷
田哭如壞牆聲路人聞之皆淚榮餘事嫻黨調孤惇天昌其
嗣世德馨有子通籍孫痒饗我昨薄遊古嚳城城南君居水
竹清定有孝筭駢枝生吁嗟內則垂典禮男職女職道如砥
世上紛紛鑽故紙孰聽雞鳴謹甘旨誰無父母與婦子降而
勃谿衆不齒景彼高風愧當死傷哉我久失怙恃自省平生
未及此再拜題詩頌有泚

得果泉觀察書知陳默齋都督廣寧自壽春移鎮覓

州以書幣見邀作山左遊憚遠辭之卻寄三首

小謨觴館詩續集卷二 三

迢迢雙鯉託南鴻帶得黃流岸上風菱玉已聞河伯許時減

口將作賦論兵賈生事辟書愁玷幕蓮紅

堵合不數陵煙鄂與袞聖人居近攤旌旄牙軍定有詩書氣壁壘

平分泰岱高杜武庫原輕馬射李樊南許奉龍韜只慙夜半

傳衣客無分王祥得佩刀

令伯衰宗子姓單仲宣羸體鬢霜殘江湖有夢都成噩門戶

無風也自寒倦羽近飛還鄭重病妻言別倍辛酸新詩便是

休休記分與蘭陵大尹看去冬嶧令蔣伯生因培招往先已辭之

城西二詠

曇陽觀曇陽子爲吾鄉前明王文肅公女以純節

流傳失實詳見子所著懺摩錄中今觀爲當
事移建大興朱文正公額其楹曰貞孝神仙

佳傳琅邪筆芝栢相國顯貞心黃鵠見靈蹟彩鸞齊犁舌能
無獄攀霞自有梯莫將華山女容易擬昌黎

烈尼墓

尼姓周名鳳

國初出家吾州之香象庵

立碣表其墓
曰血凝白璧

玉碎瑤光寺霜明青豆房紅蓮開烈火白刃發奇香殘屢磨
蒼蘚神鴉護夕陽無人署黃絹颯颯女蘿涼

自頤讖摩錄

入塾始四齡陳書讀孔孟浮沈四十年如夢稍得醒初攻應
舉業帖括奉功令俛同俗師言墨守無掉磬嗣覺中未安故
訓探馬鄭斷斷漢宋學茅蘄分徑庭頗謂空談非實事求考
證書耽唐以前儒似古爲勝竊復涉百家文章別涂徑山川
大夫賦草木風人興發藻飾輪轅虛譽走不脛一朝翻然悔

小謨觴館詩續集卷二

四

華實兩皆病返諸身心間了隔不相應所學學何事摸象羣
盲諍彈精鑽故紙躬修迺弗稱內顧皆慙尤舉步成獲竅讀
書本窮理盡性以至命濂洛烏可輕昔吾有先正詞華安足
驚一誤豈容爽誓當掃陳見方寸勤磨瑩守約研六經省幾
制百行時還轉法華非敢儒墨並中有明誠旨間以彼言騰
迴向心地初垢淨得完鏡且圖讖前非違論希賢聖

寄王蓬壺大令

洲從化二首

蓬壺內子于子婦爲
女兄時蓬壺方悼亡

遠道難聽宓子琴貧官還散叔牙金舊藏懷字三年在漸老
親情一往深巖邑頗聞需健吏經生應不負初心單車辦賊
前賢事兩漢書中仔細尋

乍逐魚軒發海隅營齋元相足長吁久誚茶苦容消玉親見
天寒媿賣珠官閣新巢愁翡翠閨人秋鬢罷茶萸孟光縱在

蘆簾底也覺香桃病骨臞

夜泊龍潭

壬申

江濤撼山山夢醒
四山壓船寒入櫺
暝煙平冪水上亭
濃露洗出天邊星
老魚忽竄碎沙瀨
遠火自閃松蘿屏
桃笙靜展作弓臥
枕底似有蛟鼉腥
撇漩捎瀆明又去
不識勞蹤今幾度
欲將絲鬢垂垂霜
來問青青白門樹

瞻園三首

園在江寧藩解爲明中山武寧王第

藩枳雄吳京林園開別解
修篁映欄隅細路出花外
廊檻紅微殷池楊碧多態
竒礪石塹峭迎面一峯對
樹老含古春亭高納遙眺
鍾山積翠陰莽莽入襟帶
天空城堞長江近波聲
大魚身同蒼黔昌辰均帖
泰秋情妥客襟爽氣延
虛籟叢桂方畱人含香
佇飛蓋

小謨鴈館詩續集卷二

五

王侯出屠販詎謂無竒功
斬戮干天和名成殃亦從
元勳起濠州佐命如文終
獨持慈惠心藹然鋒鏑叢
行師不嗜殺大帥眞儒宗
德望祭征虜尊榮實安豐
至今畱遺邸神鑒猶昭融
靈兮定綏此山水長清
雄呵護資福力報祈盛
歌鐘回颺蕩華屋悅惚雲
旗風

蒼松與白石向夕各生煙
清池與皓月永夜相澄鮮
露下坐兀兀風涼神翩翩
恍疑此境外尚有千山環
蓬閣隔瀛渤欲到或引還
欣然顧形影置我方壺間
衙鼓忽遙送方知在闌闌
賓館誠傳舍何必非因緣
海山與兜率歸著知何年
且呼雲中君聽予池上篇

中秋夜公讌後月色愈皎復飲瞻園

不管摧花蠟淚乾
西園輿從續清歡
桂香作霧迷遙嶼
露氣

如潮壓畫闌歸院笙歌聲窈眇行天娥月影高寒闌珊殘局
零星話較比初筵酒戶寬

孫淵如觀察招同方棣巖尙書

維甸

胡果泉方伯顧

千里文學集飲隨園二首

臨汝梯巖宅興公載酒過風流緬文采零落此山阿曉露簾
花謝秋陰壁蘚多李邕曾識面毀譽兩偏頗

昔傳尹吉甫

謂文端公車騎此情殷又見鴛鸞侶來盟漚鷺羣文

章前後水將相卷舒雲最喜招提近疎鐘隔竹聞

自頭瞻闕圖二首

并序

癸酉

昔羅近溪謂楞嚴與中庸相合劉文卿謂莊氏知無無矣未
知常住之性也如如不動豈非不已哉予謂莊氏言瞻彼闕
者虛室生白吉祥止止夫生白止止非常住之性而何推之

小謨觴館詩續集卷二

六

爲縣解爲心齋爲櫻寧是具足六波羅蜜也楞嚴之七徵八
還四科七大和合二相四大狂頭二十五圓通胥一以貫之
矣卽與聖門傳授心法何常不殊塗同歸哉半生來境風纓
蕪識浪騰涌心珠久昏色身誤認遂纏悲累坐昧止觀欲葆
真以全天先斷妄而順化因倩半霞張翁作此圖以自警策
而系以二詩曰

不學脚踏不坐禪六時消盡一鑪煙
摩兜率都休問此是人間少淨天

三十年來聽水聲意根今日略清寧
誰知羽寂宮沈地廣樂分明奏洞庭

仲春將之皖江舟過吳門次巢松太史韻

楞伽堆案已經時忽漫旗亭酒一卮
未了因緣文字在漸衰

心性水雲知可能蓮社容元亮尚有琴聲待子期白髮恒河
且休照東風吹皺浪差差

元作

吳縣 吳慈鶴 巢松

一年一見幾何時未可輕拋是酒卮痛數江湖關舊雨小
參仙佛證新知逃名尙藉諸侯養竊祿仍慳五嶽期明日
津頭已春水隔花吹碎玉參差

書義山集後

時果泉方伯濯撫皖江予近爲校刊元
本通鑑書來屬兼箋奏適蘇撫朱靜齋
中丞亦命友枉招以晚約癖之感
偶讀焚南甲乙集序書以志感

那將今體當文章辟幕河東又范陽須識清涼山行者打鐘
掃地是家常

自丹陽陸行至白土遇雨

古路荆扉晝亦扃驟網聲咽似淋鈴笠檐雨作芭蕉響錯認

小謨觴館詩續集卷二

七

閒房曲處聽

句容道中

雨勢淒然客客容良常福地寄勞蹤年深石路夷成險山小
松陰澹不濃冥霧輿疑承八景仙衣靈欲現三峯華陽果有
登真約青飢先分到阿儂

搶風行

亂帆如葉江如練各禱封姨祝如願上流欲北下欲南那得
蓬蓬日千變天神忽施調劑手順逆平分兩無羨橫吹側送
彼此同跋浪陵波去來便紆迴學就之字形詰曲渾疑羸殼
旋細響高檣茶鼎沸忽捩舵牙雙目眩龍驤萬斛作欬器十
里前津無正面重輕呼吸爭安危一索全憑蓬腳綫長年三
老意未忤那得中流疾於電我今事事學知足較比石尤良

已善獨有田翁茅屋下面江鮑坼紅蓮飯幽居一任往來風
本不知恩那有怨

舟夜

鷗依淺渚眠都穩雁宿平沙倦不飛惟有蓼花洲上鷺夜溪
猶自刷毛衣

牛渚見月

月比然犀皎江逾馭帛長遙知大千界同此可憐光夢日城
何在青山宅亦荒似聞泉客笑那用說興亡

蛾眉山

卽天門山

長江作明鏡宛照雙煙鬢態抱幽意僊姿無媚顏夜分風
露重洗出青彎環列宿耿垂地薄雲猶戀山金膏水碧氣竊
窈沖澗間烏帽謫仙去坐令秋月閒儻餘弄珠侶來聽波潺

溪

嶧磯靈澤夫人祠十二韻

片石靈祠在三分霸業殘卷旗風獵獵搖佩玉珊珊勢已成
吳蜀攸空相蹶韓吉儀乖反馬僊侶異乘鸞金幄刀光歇明
珠步障寒卦虛歸妹卜山作望夫看婚媾仇讎啟君親去住
難綢繆恩斷絕家國事辛酸魄定儕精衛宮長戀永安湘娥
情悵惘杜宇淚芄蘭溪女羞蘋白荆巫薦荔丹劉郎浦邊月
應賂水迴瀾

板子磯

地傍鳩茲墓黃公逝不還弩臺菑草勁兵氣化雲閒白鳥滄
波外紅花翠篠間開平殘壘接餘感滿三山

阻風燕支夾

迎面驚衝颶安心得荒成迴汀魚鳥馴薄命蛟龍怒卻眺謝
公山阡眠隔芳樹茵閣棲誠幽雲裝眇難駐遙情窮遠睇無
翼安能翥斜陽戀高梳慰客猶未去一寸翹歎心摘苔悵遲
暮

銅陵道中望九華山

騎心迫前津遠興寄寥廓九朵青芙蓉遙遙半天落疏峯積
蔥仟瑤草闕岬嶸想見薜蘿人丹泉情所託眷言採三秀顧
步尋五藥獨往意誰申因風感飛藿

泊梅根冶

積雨添新漲孤邨雪浪翻岸敲牆拍水籬倒樹爲藩僻巷雞
豚瘦溪蘆雁鶩喧銅官好嵐翠狂頰靜忘言

攔江磯

小謨觴館詩續集卷二

九

巨石涌洪波堆堆露曉坳畫作戶限橫鬻疑神斧斲峻湍搏
成渦濺沫響瀉篙師覓罇過奪險如奪槩昔人苦長征祝
願車生肉安得磯長攔離舟免煩數

雨泊帶池溝

雷聲碾碩雨霏霏舵師火急尋橫溪長空歸鳥不我顧青魴
赤鯉相因依瀟灑碧沙靡迤草葭莢茫離襍藻灘荒夜黑
客膽寒瞥見鄰舟孤亦好人生天涯總儔侶但共安危便相
與差池不解端居人同室肺肝分越楚

皖城節署偶成七首

巖關鍊牡控荆揚上接襄樊下建康白塢朱闌城一角黃龍
青雀水中央市依山勢高還俯屋壓江雲暑亦涼莫說元封
南狩地漢家無事賦樅陽

日元身鼻靜不鳴潛峯濡陽盡夷庚天開彙晏江山色風送
和平鼓角聲驛路夕陽銷埃火射堂豐草臥衛兵獨儲懷古
三升淚清水池邊一再傾時宿州匪犯就獲清水塘
爲元余忠宣公殉節處

當年李涉此江濱七字能教劇盜馴不少孤舟停暮雨料無
豪客重詩人篙工艤楫愁遙夜估伴然燈盼嚮晨那得飛鶚
全革響畔桑同作太平民唐李涉遇盜索
詩處卽今皖口

作奏安能似左胡抗懷書嬾著潛夫古牆雨積添藤蔓僻院
春深儘薛鋪隨例盤餐回味少代人文字恆心無平生恨乏
荆關手但取龍眠入畫圖

森森戟衛閉深衙靜展多羅諷摘迦陰坐軍門分柳色安禪
幕府稱蓮花更無壯志聽傳箭略有詩情爲晚霞最喜連牆
籤室近篆煙濃似梵王家謂箋記徐歆
石秀才朝鈔

小謨觴館詩續集卷二

十

行炙材官吉莫韡舞風妍爨唱迴波未殘紅蠟歌場好半熟
黃梁夢境多世事轉頭皆露電夜庭凝睇只星河無生合伴
騰騰嬾萬幻從他一剎那

閒園一片菜根香偶共簪裾步鹿場但使蒼生無此色何妨
綠野又名堂吹來蔬氣風都好話到幽詩味便長祇覺衆中
添默感舊畦韭我全荒節署後有抱甕園
菜根香園中亭名

皖遊歸舟口號

叩棹津梁倦不支得歸猶恐峭帆遲只愁孤負漁洋句滿眼

青山小謝詩

邵蔚田先生收綸圖

先生諱嗣宗先君子受業
師官至侍讀入祀鄉賢

道德爲竿綸仁義釣餌如淮南垂聖訓萬物歸籠鼠釣名細
已甚得失眞錙銖前喆曠遐寄因時爲卷舒先生本儒碩學

林恣佃漁偶爾操寸轄六鼇手連諸班雖綴鷓鴣性自萌菽
蒲罷所蓬池鱸遂寫收綸圖鱣堂網經味鯉庭阻道腴高懷
簽蹠棄真想濠梁俱夜壑痛移舟瑠俎光里閭師門感先澤
銜索悲枯魚吁嗟待沫鱗絕意揚鬢鬢溷俗入幕府強顏詵
鰕隅亦思泯求得忘機狎鷗鳧永息臨淵羨不逐詹何趨無
形之漁釣分異情則符題詩冀默感儻許遊杯湖

練江七生圖詩

并序

練江七生者葛君鐵生其仁徐君桓生榮黃君雲生穆之陳
君恬生琢毛君蘭生岳生錢君筠生師康莊君桐生爾保其
圖則錢石橋學博所寫也夫其驟驥齊鑣閑接跡各以雄
辭奧學拔俗綺歲旣聯光譽遂成科目乃繪講德之所徵擢
揚之言予忝鄰邑熟聞芳風以爲擢陵莒之秀者必規遠大

小謨觴館詩續集卷二

士

之業諸君將由舒向卿雲造極於顏冉曾史庶幾業劬志符
嚶鳴相悅非炫聲結侶比也因作韻語以應其請所謂不足
掄揚宏美聊以攄其所抱云爾

顧厨表東漢遽招黨人訾竹林稱魏晉放曠安足爲由來閱
達士標榜非所期要惟德不孤砥厲相磨治絲邈練祗水翕
集鸞鳳姿彩章合沮渙臭味無滉淄各蘊清廟器黃流在瑤
巵我聞學有三訓詁及文詞大乃屬儒者伊川彝訓垂君鄉
緬前哲碩範昭來茲矯矯四先生制行敦薄漓遐哉直言社
省察窮豪釐藝也進乎道本末兩弗遺諸賢備華實孟晉方
乘時文府旣研精道心行日滋賢關與聖域竝軌看駸馳同
術篤風義同方兼友師寧如朋甲圖猥被海棗嗤識路愧鶩
蹇絕塵望權奇撥懷申腐語黔儻吾奚辭

勾陳

勾陳森翊衛太乙拱楸棼那有蚩尤霧能迷松棟雲神龍洗
兵氣玉虎殄妖氛祐順羣靈協蒸傳九服聞

鬼道

鬼道徒潛煽叢祠火屢篝早應誅害馬誰解犒童牛四豕分
肩髀層臺建髑髏祇供焦爛客辛苦覓封侯

書通鑑唐紀後十六首

臨淮善募軍小技必收名穿地有錢工終收破賊效
縣令字人官不損應言損大哉人君言劉瑛爾何忍
罪已興元詔臣心感若何萬方皆雪涕忠義動人多
西平軍律嚴衆掠不敢從王建入成都尙有張打胛
鞭從馬上算錢如地上流漕鹽事兼濟歎絕劉忠州

小謨觴館詩續集卷二

三

柵拔陵雲日功成入蔡年元和國計簿不藉助軍錢
獻餐與觸瑟義士各驚心三復會昌集防微第六箴
藏兵紫草車會食清思殿何物蘇元明妖言搆奇變
殿後累恩決家奴卽賊臣看花刪曲宴多負上林春
王式平裘甫賑饑先殛惡固知饋貧糧卽是拯亂藥
摧山五寨拜彈指賊渠禽只有高仁厚能知百姓心
婦女方績麻老弱方治田傷哉執俘將莫作楊行遷
全義尹河南一旗與一榜黃狐白骨叢日見桑麻長
訴早指庭樹憎昏觀察使亂賊非芝巢崔萼猶幸事
楊嚴辭度支令攻爭權使牟利與畏難兩乖經國計
策獻字三十兵原衛十六草野抱愚忠郁模與杜牧

二月中旬果泉中丞專役至婁東見招赴皖予以婦

病未行卻寄三首

甲戌

飛旆纔看覲 紫宸機槍忽復耀 秋旻躬擻上 將朱犀甲遙
控黎陽白馬津 激電鞭霆天掃霧 賣釵沽酒地迴春 鄉橋有
意參微畫 公幹漳南惜病身

家在

中丞於去秋入 觀後旋以東 豫教匪構逆督兵亳州予時病

京觀鯨鯢百尺強 草間狐兔邠容藏 似聞玉帳三門撤 尙有
虞羅四面張 魔力豈能逃 藕孔眼醫也 合慎鍼艾好看耜 莠

全芟了 一片中原秔稻香

時大兵已撤 方搜捕零匪

孱軀已是倦 長征婦病尤難唱 渭城奉倩取涼原 越禮真卿
乞脯亦人情 梨花小院惜惜晝 藥鼎斜廊細細聲 惆悵皖公
山色好 停雲無際大江橫

早甚

小謨觴館詩續集卷二 三

火雲高作繳 地脈坼成交 桂楫平江斲 銀牀涸井拋 無方堪
咒水 不食羨懸匏 一卷齊民術 鈞簾枉自鈔

壽楊叔温明經六十

倦翼場跼滄江澹 素心里閉幾故人 蕭君子山而外張補奔
與畢山靜楊子居近尤情親 古懷奧學各殊特 子最劇銳雄於
文 金輪紺馬七寶飾 蒼荀雞舌諸香薰 摩空不作殿前賦 韞
璞自韻希代珍 研窮書圃魏伯起 著錄弟子王河汾 今年六
十覽揆辰 殿門卻跡謝賀賓 時方星躔仰雲漢 比屋玉桂愁
昏晨 籥口鍵精抱深慨 蓮龕梵夾皈能仁 知子學禪有同癖
下索贈言取樸真 我聞佛無壽者相 獨饒宏願徧九垓 不祝
子爲伏與申 不祝子駕輶車輪 但祝子參弟一義聞 思修業
加辛勤 誠通上仗慈護 力要令康樂 蒼生均難陀 姑利好兒

弟應時霖雨膏澤勻地肥香甘粳稻熟早和晚穰盈箱困旃
陀羅行世不作阿菟樓福皆無貧永離三劫刀殪疫相保百
年形影神子於此際樂長日籃輿竹杖華陽巾芙蓉朱顏綠
鬢髮龐眉擊壤陶唐民如遊寂光安穩土便抵不壞堅剛身
秋容老圃花馥芬問字趨車酒温醇延年之祝無過此何必
冥靈兼大椿陳言芻語敬壽子并質蕭畢張三君

徐漱石秀才陳秋麓同守

其松

書來以內學相商權

幸書六絕句寄之

宰官居士印心源約我同歸祇樹園品字柴頭鐺腳坐三言
正好話風旛

身在閭浮穢樹間一舒肱地定香環伊蘭葉大梅檀小且合
同生末利山

小謨觴館詩續集卷二

古

善法堂中縛五絲修羅那得撼須彌魔天尙有鴉鳩道要祝
鞞沙好護持

破屋須教未雨完刈禾也要趁晴乾枯禪應笑李文靖堅坐
從他壞藥闌

蒼生安穩願無涯粳稻俱盧那可賒但乞龍王號歡喜年年
風雨會瓶沙

浩浩諸方說法同健椎一擊醒癡聾誰知大振元沙道卻在
栽田喫飯中

九日欽王

士麟齋

君業醫能詩

盆花黃映座鄰竹綠過牆客老珍鄉味秋陰戀酒場小詩莫
汙秀大藥橘泉香卽此成棲逸家風穩醉鄉

汪厚夫侍御

彥博

見餉醇酒侑以一詩次韻答謝

衰鬢入凋年思參米汁禪何來缸面酒不費杖頭錢情重蘇
司業詩慙釋皎然南華微指在只合學神全

元作

鎮洋汪彥博厚夫

才名四十年老去愛逃禪案上有經卷囊中無酒錢醉鄉

眞廣矣吟社益蕭然頗怪滄浪叟論詩總未全自注甘亭爲予點定

詩囊序中謂嚴滄浪以禪喻詩不足盡詩之道乃借三乘眞實相明六義風雅原信可擴前人之隘而令于識所指也歸

夜

霜華漸白夕煙霏大地遊塵此息機去馬來牛都戢影飢鳥
寒雀亦停飛不知鐙火誰家暖祇覺星辰與昨非卻是臞禪
心暗警中宵推枕攬衾衣

曉

小謨觴館詩續集卷二 五

縱是寒宵更鼓遲丁丁虬箭密推移誰於月滿花芳候想到
鐘殘漏盡時曙色漸沈斜挂斗初陽先上最高枝眼前便悟
眞元理剝復分明不在著

半偈

半偈閒緇半穗鐙茫茫悲淚卻填膺陽阿久擬朝晞髮內熱
眞須夕飲冰妄想袒肩招怖鴿那能割肉飼飢鷹無端被笑
聲聞果自了猶難况上乘

偏菑行

偏菑屬旱非潦蝗近水得收遠水荒荒田果荒荒有數有田
不荒荒可作去聲朝廷恩意官長法卻使奸胥飽筐篋申荒誰
里正口注荒誰吏人手荒田無錢田不荒作荒有錢免辦糧
勘荒縱有神明宰一一安能免欺給偏菑由來降自天誰知

偏中復有偏偏箇人乃分天權偏箇賑箇弊益多嗚呼全箇
更若何

霰

跳階飾瓦響珊珊雲黑風尖裏手看不到漫空三尺雪敗檐
人已不勝寒

對雪

長空茫茫合壺玉入隙穿簾巧緣撲耐寒傲羨鶴梳翎謀身
巧遜鶯儲肉人家一半絕爨樵市門晝掩風蕭條不知荒城
凋察氣轉似太古音寥寥敝裘不典勝緼袍米盡且貰松花
醪松醪到手手復縮鄉鄰三日無糧哭

善哉行

草有駢穗木有交柯自本視之夫寧有他一解凡百兄弟氣

小謨鵠館詩續集卷二

去

其形分各判生事嗟哉路人二解爭巢而棲擇子而哺禽鳥
則然天彝忍斃三解儻邊設豆顏間熙熙厥貌誠合其真則
漓四解鳩喧雀噪止於岑蔚情薄文生乃在富貴五解桓山
之翼晨飢夕幼飢幼爾同分飛則毋六解

短歌行

陰陽消息生永憂長殤子猶可彭鏗可傷一解螟蟻恣田縱
橫風雨貴賤賢愚營營共苦二解我無巨組繫景於天我無
大力拔車於淵三解烹羊炮羔暫悅寸舌鳴彈清吹劍首一

映四解岱山之錄誰賊誰欣冥漠之君聲稱詎聞五解元夜

如晦鷄鳴不已喆士委心考祥視履六解縱浪大化與之推

遷仙人王喬屏藥一九七解

書前太倉州侯白公新劉河志後有序

新劉河者順治間吾州知州白公登明所鑿朱涇也劉河爲
三吳水利通塞所繫而朱涇爲劉河北道濬朱涇則費減而
優埒成規具載於書利垂百年矣今劉河雖治而朱涇及楊
林諸水久湮屬夏秋亢旱田蕪農飢同人議計畝集資修濬
且寓賑於役具牘請於官予實爲創草邑宰董侯嘉允之使
此役就則農得食而東北鄉無旱潦憂厥利與前人並顧賦
錢庀役事繁而弊叢必舉諸弊盡釐焉而後賑役皆有濟因
讀白公書感其規畫之精審所謂萬鍾齊興於河上一人握
算於堂中者詩以頌之竊望於慈惠之師采擇焉
鄭白離堆後良規範邾同由來劬農計不外引渠功綜理參
微密精誠貫始終今人定如古立社祝樂公

感舊詩五首

有序

小謨觴館詩續集卷二

七

歲暮不聊衰髮垂素迴念少日見知名公坎壈沈落負負何
極抒情述德用見於篇惟意所感詞非求備其諸存者則弗
舉焉

元精降蠻陬直節表絲素綸閣襄鈞衡清風韻韶漢恭惟乾
隆間民物當豐豫治盛天方中風媮木潛蝨都俞競補蔽鱗
翼爭攀附公獨矢孤忠昌辰抱長慮排雲閭闔叫補牘心肝
露首陳金穀事虧耗失其故儲峙防虛名積薪愁火厝危詞
班聯愕寬典灰釘怨小謫穹階鑄遂途釋紱去猶頒諫草紙
俾抗彤廷疏卻溯官朝時我方離外傳忝爲年家子席帽春
明赴行卷溫顏袞清樽盤釘具心期驥騰超屬望鴻軒翥卅
載冠裳睽一身泥滓付遙天墜卿月時事急財賦年深弊叢
滋吏道成疾痼夫豈盡侵漁百費仰枝梧簿書勞鈎稽荆棘

莽回互勢重返則難公私兩惶怖哲人炳先幾經國在泉布
誰於涓流始念到江湖注盈紉司農計辛勤度支務浩然梁
木歎萬里南雲暮

右內閣學士尹公

壯圖

賤違東閣窺老謝輒塵踏影事三十年腸輪自迴匝昔公官
詞垣秉節馳原隰山川汾晉雄士氣軒輿接刻玉 鑾輿巡
扶輪巾褐雜將行陳詩典故助衢歌洽我父尹邊隅我少佩
鷩鞮虛名辱采聽俯令進所業聲偶擿裂詞未獻顏先甲神
磁曲鍼收巨海細流納謂文如翻水賦頌亦迅捷渾忘吹竿
濫云可充才乏督以楷則工撥鐙兼補枵期以卿雲製上林
與羽獵班空秀髦遜感實肺腑浹塗轍霄壚乖歲月飈電颯
星衢祥麟騁涸澤枯魚泣隔越疑人天迫思恍塵劫平生蛟

小謨觴館詩續集卷二

六

螭字蠹蝕琉璃匣不埽丞相門罷發園橋篋欲祛浮薄藝敬
探素王法博謇慙修能脂韋守畀狹髻齡英譽孤人海頽顏
插千秋台規功史館有編牒耿耿懷知心長歌淚棲睫

右大學士戴文端公

衢亭

乾隆乙巳駕幸五
臺公時督學山右將

以賤名應 名試後
以人少不果舉行

俗吏昧經術小儒忘本原醇修既玷闕幹濟徒苛煩郅治邁
中古偉人出三韓淵微性天學覺義兼祇洎塵翳大珠脫眼
膜金鏡剗巍巍古尊宿壁立窮躋攀始作神明宰繼爲都典
官莎庭闕篋篋丈室存瓢簞冷面督僚吏溫詞喚儒酸精誠
注民物所到成蘇萱賤子甫冠時獲隨賓從班論詩薄曹劉
體道睎閔顏直從心地初了了呈倪端業愧彭子佩行非曹
景完猥於授經暇飽得餐微言俯念衣食事爲籌棲息安汝

陰田未買隼旆旋飛翻謝傳夢雞白巖公歸旆丹孤飄一殘
客老淚今猶彈民難日彫悴俗窳滋蚩頑名父水門廢任延
講堂寒祝如公數輩參錯封圻間各以宏誓願拯此黎眈深
煌煌循良傳無卷餘三歎

右東河河道總督王公秉翰

公仲子郊受業於
王公觀察廬鳳時

欲爲子置田頰
州以遷官而罷

羈巾遊邊州童嬉習鞍鞞嚴親綰綸銅子舍修溫靖國棟梁
章材穹門姬蕭邴銀章雁郡守岸幘南樓詠辱以通家誼許
申拜牀敬沙黃塞雪燦月白城笳競幕府文符閒寥天珠斗
正深杯伯仲雅華燭短長檠磊落敷詞條豁達刪語宰時時
和新詩韻若酒濱磬送酒驟馬曉借書走奴脛顧維駑服早
曲弄珠照乘昔夢淒心神朱顏改明鏡藩吳暫披接鹽坂仍

小謨觴館詩續集卷二

九

躡蹬幽燕三輔地節鉞握兵柄勵翼妨頤生紆籌益憂兩騎
箕當行部雨泣軍民併去年大作逆畿甸叢梟獍妖星玉除
照殺氣天街橫翦滅雖崇朝游魂有亾命先幾事誠難盱食
煩 明聖公靈在雲霄憤涕想交遊義感羣英趨忠驅百神
應長扶太平基速使根株淨

右直隸總督裘恭勤公行簡

一勺泉無食三公不易介疑然吾婦翁峻節時崑岱舉首南
宮魁詞頭東觀最初乘司隸驄時整休奕帶建言撫拾非籌
國媼矧戒獨念宣房官成規潘斬在久歌鏡瀾平孰慮菱塞
敗廢格犁疏法侵尋沙石藏河隄兩使者跋蹇嬰疾憊滔陸
機先萌尸官宜斥退封章白簡彈按劾青蒲拜茨築俄崩摧
芻言洞著蔡超曹光九列膺錫逾十賚程士金懸衡校文鑪

鼓鞞嚴無囊書通公有孤寒夔几杖乞骸歸頃田負郭賣瓶
空半粒粟居只三間厩童幼託絲蘿山邱慟蒿薤名愁冰玉
忝範憶春雲謁直道人心存馨香前哲配至今膠序中看釋
諸生菜吁嗟廝渠事比益勞軒蓋曲突公會憂處堂詎忘害
迂庸褐夫懷侘傺魚頭嘅榮進長已矣廉隅庶無壞兢兢狷
潔志或冀符鍼芥

右兵部右侍郎蔣公

元益

公上請更兩河臣疏
在乾隆癸酉年戊戌

歸田日自贊有屋止三間粟
無一粒之句今入祀鄉賢

里中黃拙庵丈

昌言

制行淳樸績學工詩以諸生窮

老終遺集無傳之者偶於敝篋中檢得其乾隆戊申
歲柬予借書絕句三首蝨蝕其二其一僅存句云汲
古如登臨貪心窮楮椽知君仁者心攬勝當無已墨

小謨觴館詩續集卷二

三

淡字欽迄今二十六寒暑矣黃丈墓木已拱而予家
藏書亦散失不逮曩時十一追維愾息輒成二詩

宿草衰楊掩墓門遺書零落墨痕存誰刊陳起江湖集略慰
方干地下魂

雪花不作堅牢玉世相無非變滅雲欲寫蘭亭須繭紙人間
癡絕右將軍

去歲春中晤張船山太守

問陶

於吳門見語云神交

廿年矣比聞其殂謝以二詩輓之

分明星月負衣裳峨嶺仙人謫大荒百態新詩珠款唾兩間

清氣雪肝腸窮逃酒國原無賴病買花枝轉自妨

時新
納姬一曲

當筵人一世燭痕和淚共淋浪

相門詞伯乍抽簪萬里沙曾五馬臨瘠郡轉添貧宦累官錢

難稱活人心君守萊州適他歟歲救燃法贖安禪好畫餅名勞榜道等
此日絃歌慙赴節可能遙賞蓋山音

懷楊蓉裳農部

芳燦

蜀中二首

君主講西安書院近聞入蜀修四川通志

木末亭邊共拍浮三年秦棧薄裝留過來雞犬新豐路唸入
魚鳧古國秋十樣箋分才子寫謂哲嗣六朝文合錦城修蜀

王記與華陽志早晚書成肯附郵

當年力戰扼城完十萬封狼一彈丸

農部尹伏羌時值逆回之亂有圍城百韻詩

殺氣冷連邊月苦筆花高拂陣雲寒角巾西第休官好輓釜

東厨煮字難太息廣騷詞賦手白頭還戴遠遊冠

新正十日文軒侍御耐山同守招飲小琅嬛卽席分

體得嘵字二十韻乙亥

冰雪饜殘臘風霾壓故栖青陽翹轉律白屋迴含悽暖氣然

小謨觴館詩續集卷二

三

其燧新韶驗柳稊綠迴蔬甲潤紅入草心齊詞伯今潘左狂
朋拏阮嵇釘盤羌猶炙沁齒薩波羣漿美珍三勒詩矻數六
迷酒香醺幕燕霜凜隔簾犀樛散渾忘蠹雲高慣憶泥情瀾
滋蕩激胃岳隱端倪歲在經稷飲人誰飽糗藜米艱稀會食
釀貴廢偏提肅羽鴻方集查牙馬不嘶陳書毫斥兔論事膽
成颺宏願魚緣木浮生納聚醯且須嘗紫蛤何暇唱黃雞勝
地憐萍聚歡場惜侶攜畫檐纖月落歸路玉繩低蕊嬾探梅
塢豐先祝麥畦吟懷如凍雀春到又催嘵

輓李蘅塘學士

錫恭

當年立雪共求羊謂時庵馬氏人人說五常一鸚獨先霄漢

舉八龍無此姓名香新宮又逐羣仙賦舊夢全拋選佛場莫

問大羅天上事日斜鄰笛感山陽

四月十九日白石翁招同靜山叔溫飲玉臞閣以二
詩見示次韻和荅

客塵鼓洪波識浪不可詰永懷紫霞想孰整丹泉術集侶如
宗雷聯情託膠膝生機感山園百果同一實飫我蔬筍盤喜
等飯飢溢風雩足微尙卽事成馨逸頗悔學書蟬關門兀佔
畢

息心厭機巧除飲須緘口半畝戀花宮經行肯孤負草香承
牀敷松梵出林藪便應挈壺前寧計成佛後清供快朵頤俗
士占解拇君同惠遠師許醉陶潛酒一笑虎溪邊微言爲予
剖

次韻荅叔溫問疾

一春夢繫花開落半卷書消酒淺淡多病尙餘無始習就衰

小謨賜館詩續集卷二

三

纔悔未來心苾鞵破鉢何年辦繳網迷雲幾度禁願約盈川
老居士神珠同尙儆衣尋

元作

鎮洋楊雲璈叔溫

中虛憐我支筇弱小極看君閉戶深百歲易過生老病六
時難攝意身心罷茶止酒俱非計覺句攤書兩不禁有客
對譚能去疾相望南北互招尋

秋杪復將有皖江之行次文軒贈別韻五首

紀程詩卷廢仍題倦身終難戀故棲未到重陽風雨日江花
江草已淒迷

情重汪倫贈別初道緣深虛世緣疏可知千尺桃花水不抵

曹溪一卷書

時以重刊懸山法語贈行

入林支許愛同羣法侶君真似右軍頗怪多生文字習高詞

還欲儷皇墳

牙旗玉帳大汪橫書劍何心說壯行但祝蓮香秋幕底祇譚
風月莫譚兵

漫將秋水洗塵容多事昌黎送五窮識得隨緣安隱法不須
雲將問鴻蒙

予與芙初太史別九年矣今秋相見於吳門酒次時

予將之皖城芙初治裝北上以詩見示次韻和荅三

首

翩翩雙倦翻秋各遡風來迴首別如雨論心惜此杯蹤難鷓
鷺逐衣約芟荷裁黯黹離堂色江雲落豆灰

身境如雲月荒荒聽所之心齋寧六鑿禪侶託三支文字終
憎命人天近得師晦堂消息好香到木犀時

小謨觴館詩續集卷二

三

鬚髯蒼浪對檢期仔細商行臧歸戒定風雅系綱常世味茶
兼蓼流光昧又暘後時篷背雨誰更勸飛觴

元作

陽湖

劉嗣綰 芙初

艱難故人面一面十年來道氣歸書卷豪情減酒杯傳文
及身定野服稱心裁莫厭支離相逢話劫灰

盡除名士氣湖海欲何之書少嬌兒讀機餘病婦支家貧
常慰僕學積自求師莫負庭前桂秋山正好時

聚散恩恩事開懷為一商去留君未可進退我何常局外
籌軍國閒中軫雨暘他年人海客難忘此離觴

悼亾十二首

時亾妻久病小差子將由吳門作皖行
忽急足至以疾始歸飛棹夜抵里舍
亾妻卽以是夕長逝蓋九月廿三日
也以詩哭之族望行實別詳埋銘

愁中眉黛病中身小愈輕拋甫越旬餐減久將湯藥代客歸

還望笑言親出門意惡機先兆瞥眼香消事果眞早識此行
成永訣肯令傷別再含釵

纔罷昌亭祖餞筵傳來消息促迴船披帷但貯雙瞳淚撒手
猶餘一面緣少日聰明寧載福化時安穩或生天驚心月皎
霜清裏恍有神風去肅然

送君南浦恨常銜偏是飢驅屢辦嚴兩字銷魂呼別酒卅年
含涕疊征衫幸遲湖海人千里斗變平安信一緘寄語天涯
浪游壻莫教容易挂離帆

繡帷風色恰驚秋那得香焚聚窟洲薄供新蔬知食少略描
遺挂認眉修營齋短晷恩過倚枕清宵細細愁正是如年
寒漏永儘將前事記從頭

大義能明至性殊門楣從不做崔盧并無惡日加僮婢常展

小謨觴館詩續集卷二

三

歡顏對舅姑風樹酸聲悽共聽露蘭唳眼久成枯而今卻替
亾親慰先我晨昏侍冥途

耕織何能學孟光風標還未忝姬姜頻經憂患心逾細不作
矜嚴體自莊嬾遇花晨常晏起病逢家祭必晨妝小春轉眼
修時奠布席平添淚數行

最小偏憐謝傅庭閨房遺訓守名卿未曾詞藻嫻才筆頗解
風詩重性情夜閣香鐙成道侶晝簾清影似書生牙籤整妮
房權竊風定猶疑展卷聲

不貪黻佩厭笙歌只慶家庭養太和百疾自知生趣少六親
人說笑容多飛蓬髻已拋珠翠破布衣還當綺羅澹泊儻鍾
來世福康強先勿累沈疴

早孤子季劇糞單嫂氏眞同母氏看乞得米常羞獨飽典餘

衣或替遮寒商量授室言如昨辛苦成人事儘難說與旁觀
不求諒九原卿自得心安

筵下中年爲祝祿占來顛趾一顏開禪心自嬾花叢顧世眼
寃將柳氏猜豈有調言成海棗可無幽憤抱泉臺良朋總有
生梯勸不柰尋春寸念灰

箱籍勾稽秩秩如鍼箱線帖亦清疏盡收遺物歸塵篋怕有
零箋見手書未散魂來殘夢裏最傷心是上燈初參元枉悟
蒙莊旨結習依然欠掃除

一聲清梵一莖花自轉金經向碧紗根淺豈能資冥福情真
差勝召僧伽早安香骨謀歸土得傍先靈便是家從此報卿
卿許否佛煙禪榻送生涯

金堅齋學博

元銜

以錢三同人手書詩札遺墨屬題

小漢陽館詩續集卷二

五

感愴之餘輒成五十六字

丙子

難遣巫陽叫九旻璇霄應乏著身人天邊白玉樓何處篋裏
銀鈞字斬新昔夢記來添綆淚零珠傳玩亦奇珍鄭堂遺籍
文園稿拭眼何年付翠珉

讀義山集有感再題用文軒耐山九疊不字韻卽以

奉柬

時又將之皖而張蘭渚中丞疊函招致堅以皖約舜之前有書義山集後絕句茲再書以志感

果能才似玉溪不下客恩多負桂州綠水敢辭王儉府青山
終戀仲宣樓虛聲慙愧瓊鶴野性分明浩蕩鷗風欲吹桃
煙潤柳楊朱休爲路歧愁

文軒耐山有置造之勸再疊前韻答之

從來月沒替星不立地無錐笑趙州塵海因緣拋牒扇孤雲
蹤跡曼僧樓華年早悟刀頭蜜綺夢慵圓水上鷗只要寒岩

倚枯木略添花草便添愁

二月八日雪後耐山招集趣園劇飲分韻得花字

春陽不舒羣陰呀風稜雪片交授挈彎蹉噤如負殼蝸斂玉
東損梅槎朽尋芳足裏白鼻騮温毳席少蓬萊葭仙曹奕世
茅君家送暖招我樹紅霞蘭堂燭輝翠幕遮椒薰焰吐煙光
斜亭亭媚娥雙髻了一笑展放天桃花歌珠銀箏合鳳琶鏘
然音流婉凌華大千世界恒河沙西走玉兔東金鴉廳輪疾
比赴窟蛇羣生擾擾爭蹏窪遇合安用分隆貳蚊蚋舞甕禽
掇置六合之內皆籠箴今吾不樂大耋嗟醉鄉日月真寬賒
護世城中珍膳誇乾闥婆天樂紛譁有似背癢煩搔爬中年
逃禪學結跏獨處無匹甘匏瓜至味頗戀菖蒲茶東山絲竹
忽我嘉八識田又萌情芽迷津覺岸渡乏楂長者火宅乘無

小謨觴館詩續集卷二

五

車祇洄犯酒亦細瑕藉掃塵累稠於麻便似脫鎖兼敲柳願
離三業聚惡義解穢受請漁陽搗侵尋海籌轉蝦蟇長天爛
爛開晨椒

同作

鎮洋 畢憲曾 靜山

鴻飛倏忽各天涯一笑恒河偶聚沙絲竹何妨兒輩覺敦
盤卻讓我曹誇瓊杯玉釀神仙果慈燕雜鶯姊妹花如此
良宵如此會誰言世味薄如紗

述懷三疊前韻東文軒耐山叔温靜山

石火光陰省識不存亾清淚滿西州

年來葆巖尚書墨卿船
兩太守同人鐵雲兩

孝廉俱
下世

定歸佛界雙林樹浪說神方五嶽樓浮世夢原同覆

鹿春江風且莫驚鷗新詩卻似西颯笛觸撥山陽萬種愁

三月十二日出門別亾妻匱

乞食復行腳舍辛一撫棺孤樽聊自餒雙淚更誰彈教弟然
香火畱僮守藥闌隨緣任漂轉小艇卽蒲團

吳門晤湘蘅女弟

驚我衰顏瘦煩君纓淚垂恐增辱體病翻作達言規細雨憐
花活明鐙制酒悲奇零看骨肉不敢說孤危

陳生子雅北賢齋坐雨

有髮僧相對無弦琴任瘖睡情茶後減禪味雨中深瓶鉢同
蕭寂江湖偶滯靈惟嫌少姚合謂春木時三鑄坐話雙林

題陳孟楷表之所撰鐵雲行狀鏡雲居母憂以毀卒

此是真文字能傳至性情畱添獨行傳增重好詩名死孝侯
知道通幽范巨卿存亾光我黨風義各錚錚

孟楷以近詩屬點定輒書五十六字

小謨觴館詩續集卷二 七

新詩獨契秘密藏有似禪開臨濟宗四七星辰見光氣八九
雲夢吞心胸神仙一家許玉芥父子兩騎周盤龍我曹溼鼓
甘守默但打夕陽花外鐘

吳門訪懶庵上人於善慶禪院出蠡濤吳丈手書長

歌題鳳巢圖卷屬爲繼聲時丈已歸道山詩中備述

選僧修寺之由蓋具宏護苦心非隨喜法門比也卽

次元韻書其後鳳巢王僧會一懶庵會公王教懶公

寺在城中懶公兼領之

先生化鶴如蘇耽墨寶留鎮松毛庵健筆虺蛇走風雨妙書
猊驥紛趨選僧護法若選士淨拔荆棘栽梗楠城西鳳山
我未到讀書請爲紙上談單椒芊綿草有忍匹練歆薄泉無
貪壓檐石壁面削鐵傲霜楓葉紅微酣香茅縛屋趺坐穩野

蔬擷圃齋廚甘布薩羯磨兩尊宿寒山拾得夫何慚會公滅
度懶公在別有退院開伽藍孤雲片石足小歇白月大珠光
炯涵覺支餘事作詩畫如鉢偶現花優曇比來吳市接瓶拂
粗言細語忘咕喃法王難學四無畏叔夜自知七不堪苦思
把臂覓支遁那得捨宅儕羅含八萬四千塵濁想敗絮著棘
車徒驂根門何方熱惱絕心力願秉金剛截彌天義學肯示
我皎皎秋潦澄寒潭爲商教海及禪土不出一心萬行留普
攝諸門定爲首無分緇白兼纓簪要除文字掃知見勿嗜禹
穴奇編探阿難多聞迦葉笑王壽負書徒滿籃直揭真傳渡
筏入勝語妙義風旛三津梁久疲春夢破徑欲柳粟香林擔
眞依香火此卽是披圖笑指晴煙嵐移文永免勒山北虛譽
任人高斗南搬柴運水縱無力焚香掃地粗能諳竹窗罪罪

小謨觴館詩續集卷二

三

散花雨佛火隱隱搖蓮龕我題此詩作左券不辭細字如眠
蠶先生有靈定默佑雲中甲馬方朝參

小謨觴館詩餘附錄

鎮洋 彭兆蓀 湘涵

臺城路 春夜讀手山少年游詞悄然感均與此解和

露華如水天如洗六街蓮漏遙聽酒重黏衫花低壓帽巷窄
猶兒未醒玉羅窗靜恰待燼蘭釭尚支匳鏡傳語呼茶小紅
鸚鵡隔簾應 年年江湖泛梗有傷心影事腸斷誰省一樣
清游依然俊侶換了少年情性眉峯煙冷指珠斗闌干斜斜
整整半晌魂消畫樓殘月影

謁金門 巢松齋中秋海棠忽發重臺繪瑞棠圖索題

燕支勻染雙笑梨渦痕茜莫道秋紅春色淺西風簾自捲
六曲屏山雲豔一角蟾牆燠歛只有幽花心事嬾盈盈低露
眼

小謨觴館詩餘附錄

一

金貂換酒 金子裴曝書圖

風幔開晴畫看紛紛珠墳笙典鴉奴左右漢殿嵇侯官總貴
祇說黃金繫肘問有此百城擁否誰抱遺經酸寒甚只長髯
赤脚供趨走遮莫笑玉川叟 少年我亦殘編守嘆蹉跎書
淫墨癖龍鐘卅九案上乾螢成底事負了一囊塵垢儘茅屋
漏痕都透徑欲全拋免圍冊但江湖料理綸竿手閒晒網夕
陽後

高陽臺 若冰女士遺照

翦水凝眸積雲驪髻畫闌庭院春深風絮天涯離愁負了瑤
琴迴文機上珍珠字問幾番傳語青禽鎮微吟明月樓西羅
襪花陰 阿誰腸斷筌篋夢賸悽然遺挂壁帶塵侵翠石蒼
苔衣香何處重尋晶簾數點梅花小尚依稀瘦影檀心恨難

禁碧海青天消息沈沈

買陂塘

李子仙投壺夜飲圖

夜沈沈吟朋後侶紛然中酒而作誰歟中雋誰浮白注目寒
山秋閣堪一噓筭得失人間萬事如斯爵逢場戲角儘驍脫
蓮花天流笑電勝負定忘卻 前遊記裘帶羣公油幕也曾
壺矢爲樂琴心劔膽消磨盡悔插風塵雙腳交落落便爛醉
狂歌金戟都休拓私心暗諾只白酒黃雞檐花細雨算負故
人約

前調

吳爽庵葑菘圖

笑人間朱門梁肉羣兒酣豢多少荀奴箇妾山居供我與何
曾同飽場圃小放露甲煙苗一例都栽到江湖才調指說餅
清門飲泉家法風味箇人好 書生腹只配紫葵紅蓼故鄉

小謨觴館詩餘附錄

二

隨分漁釣殘杯冷炙年年客多怕舊畦荒了憑報道論託命
長鑱作計真須早閒園淨埽要澁勒編籬團焦支屋裏約漢
陰老

疎影

巢松咏花圖

暗香欲滴有刺嘈翠羽見爾清寂霜亦精神玉亦溫磨素綃
衣袂薰徹金尊檀板都拋卻算溷了仙姿姑射但風前攤鼻
險成濃笑疎枝漸坼 試問瀛洲登後九英一樹下記否朝
日風絮前蹤我似何郎揚州東閣能說天涯歲暮參橫夜生
怕聽玉龍哀笛只鄉愁減盡詩懷閒煞滿庭煙月

桂枝香

頭王丹生與其友汪昭庭合作
秋堂延桂小影時汪已下世

文寮虛徹有金粟浮空畫蟾窺幌嵇呂心期交映玉壺冰朗
水晶簾下玲瓏望一天秋一天瑤想小山何處素懷誰託暝

煙空蕩 嘆石火流年易往又庾公思舊伯牙絃曠橫笛西鄰遙夜送來淒響畫圖留得連蜷樣賸寥寥幽興孤賞屋梁月落閒愁萬斛古香仍放

百字令 金堅齋臥游圖

藏春小鴨問人間蠟屐勞勞何苦綠水丹厓金碧畫都在先生岩戶絹素雲煙滄江虹月便是扶搖路蟠曾五嶽一塵中有千古 堪歎湖海平生浪萍飛絮往事愁重數徑把遠游冠卸了休說登高能賦上箇籃輿拖條竹杖并嬾尋花步疎簾清簟與君同看山雨

前調

王秀才斐成爲吾鄉煙客先生耳孫工六法得

水嶺

其祖風繪耳畫室圖索題爲嶺此解卽送其之

懷哉耆舊話清門文采孰如卿好尙璽司農家法在又見仍

小謨觴館詩餘附錄

三

孫英妙老樹顛厓江山煙霧眞覺聰明到丹青引裏杜陵感慨多少 記取隆福寺前小祇園畔卅日同遊釣此是家鄉眞畫本可惜翻飛鴻爪甚日關門湖亭莫汙摹箇藍田藁鷗盟珍重髻絲我已垂老

臺城路

題六合汪紫珊碧梧山館圖時紫珊將

需欠北上而予有皖江之行瀕發書此

十年夢想汪倫久相逢秣陵羈旅壁月詞人微雲女婿君爲吟情秋聲都在最高樹 纔聞踏歌岸上又東勞西燕相背

飛去江草黏天楊花滾雪愁聽離亭津鼓銀牀小鴨問甚日

閒蹤再團鷗侶寫我西窗翦燈同話雨

前調

徐漱石僧廬聽雨圖

蕭蕭撼撼淒淒裏荒寒梵宮深院修竹初鳴飢飈欲出中有

妙明心澹前塵如電笑羅帳青樓霜天斷雁過眼空花人間
何事可留戀 吾生幾場夢幻也悲歡離合雙髻都換一鉢
山棲半龕雲臥裏結淨名禪伴宵涼香泛儘蕉葉秋喧塔鈴
風亂分箇團蒲佛前燈共翦

十二郎

書盛子履孝廉詩卷後

一鞭席帽纔拂了軟紅塵土看文杏雲邊碧桃天上愁絕笑
蓉江渚莫問春卿遺才事只湘水衡山鑿取嗟十指朱絲七
條冷玉有人心許 千古錦囊留得綠章新句記吾谷花穠
尚湖杯暖傳徧旗亭歌處潁士奴隣香山嫗解儂也兩眉軒
舞暢好約海畔成連日日刺船聽去

小謨觴館詩餘附錄

四

小謨觴館文續集卷第一

鎮洋 彭兆孫 湘涵

香墅漫鈔序

昔晉獻王俗書輒手刊其謬而梁邢劭又有日思誤書之言道若不侔其爲實事求是則一也自幹材膚受苟且龕略於是策爲八十宗鴿爲人日鳥杖杜伏獵弄響躡趙白齊立壯月牡丹麻沙父釜唐本屯毛重性胞繆夏僕難數文籍先生儒林祭酒辨正紕紊篇株叢興有唐以來若顏師古李匡又邱光庭之屬嗃矢於前洪邁程大昌高似孫王楙之徒推波於後是皆說部之權輿稽鏡之淵藪所謂議官之漢家也國朝通儒輩出若亭林潛邛湛園義門諸家各有成言津逮靡旣數十年來摛詞之士本原或疎研經之流迂鑿不免至

小謨觴館文續集卷一

一

於說文廣雅之學近雖不乏專家然欲其統括四部勒成一編不求宏深不尙荆關匡正俗詁家喻戶曉蓋轉眄其書焉南城曾香墅先生今之劉公是王深寧也所著漫鈔續鈔又續三編蒼翠羣典抉別訛互別風淮雨丁尾鉤鬢柳亞桃萊犬臺泰壹其辨似若篲汜畫塗其決疑若繁絲斷刃意行歧旁揭彙以表之昏索暗室炳燭以朗之碎細分擘切截纖顯所惑鏡澈所矇煥發揚子雲有言多聞守之以約多見守之以卓若是書者約矣卓矣夫凡將澆喜久佚其篇无旣支文易淆其訓誠得斯秩懸之州閭非小學之指南言首之藻鏡乎先生閱覽錢詹事述之先生志行吳庶子詳之灘猶未學復何所言屬委弁端謝不獲已蠡測所及復覩縷如此若夫向朗校書精於毫齒張蒼爰歷成於期頤先生味道養和箸

饌未艾有若衛武懿戒呂望丹箴異日簡末附名猶將泚筆
埃之已

畱春艸堂圖序

畱春艸堂者汀州伊墨卿太守自顯其讀書之廬而卽以名
其詩集也夫四序代嬗惟春爲喜羸萬物棣通以春爲德始
古之閔儒魁墨君子駿雄往往體冲氣於穆清樂仁化之普
被和淖羣動開發德意三朝之正旣慶六義之蘊用宣於以
樹宏猷申藻詠所謂欣喜愛樂之官也太守疏照鼎門翔
輝潭際歸藏樸學勤肄習於暄辰浴沂高情契襟靈於上哲
柘湖波暖遙和汎人之歌蘭葉煙開旋賦月鐙之會入華林
而簪筆侍披香而薰衣蓬蓬自遠妍華生於楮豪熙熙在顏
芳芬馥於齋閣崔瞻父子雲龍人日之詩王融文章曲水三

小謨鴈館文續集卷一

二

月之序固已檄葩落藻若庶卉之含英宮下商高應條風之
吹律矣而以畱春名其堂則意有深焉蓋時方策名瑣圍持
憲雲司展鬼薪白粲之書秋茶網密判北寺黃門之牘夏日
威嚴獨以慈祥寄其矜惻下嘘鏤土則寒谷成暄上體

帝心則繁霜變露蘇幽局於泉底滿生意於胷中紂絕陰宮
之地永昭青陽天街析木之間常溫園駒於是鹿柴摹圖鶯
溪裂絹岸鋪島織草芳木妍煙嵐媚景而啟顏雲物烘晴而
決皆殆將密贊化育內諧恬曠矣乎雖然開元舍和者氣久
而彌醇宣風展義者澤敷而逾遠太守出臺省典名都彤帷
所至喻東風之變枯丹忱所孚方膏雨之養瘠魚頭赤子援
以登臺鶴膝暮風教之剗耜將使杏花萑葉綿煥沐於蒼靈
浴幟青旗迂蕃釐於富媪况復劉樊儷體承眉荷之親顏江

鮑齊鑣領煙花之城郭春暉未艾春祺方來於以頌春令進
春觴嘔呷醞釀曠義滂仁羣生嘒嘒以迎禧萬彙昌昌而薦
祉豈徒眷三重之屋突兀眼前成一尺之集長留天地已哉
我澤如春寓諸縑素善人得位常作歲星世有同祈予言爲
券

湘頌樓詞序

溧陽史君伯劭鐘巫洮之淑靈席蕭邛之門業神智夙湛璋
莢洵流歲路未強己冠孝秀元黃葩藻卓犖軒翥願所篤嗜
尤在歌詞蓋其珠玉抱質芬芳入懷耀豔深華於騷爲近於
是練昏研曉曷爽淒魄靈妙所寄意象斯超珊瑚海月入其
幽襟湘江暮煙疑靦嫵態愴愴惻惻之旨夷靡案衍之音旣
根性真遂成絕詣匪特紹嗣家法闡南渡祖風而已夫鯨夔

小謨觴館文續集卷一 三

喧肆不如么絃之感心熊豹羅几未若石華之悅口情動於
中而形於聲聲成文謂之樂是亦威鳳一羽足驗五德者矣
君今者漳濱臥疾周南畱滯息子勝斐然之志抱孝章永年
之憂論者方惜其摧擗拂鬱沈落英耀不得展成莖第雅頌
而君獨流連寸卷冰雪自攜二三素心諄復揚摧其負懷孤
寄非復塵想能窺羸其身昌其藝蕭聊惚恍暉曠昭晰羸縮
有數光采靡窮以視金石雲陸爛聲炫辭蕙業所存或不以
彼易此也

邗上雲萍集序

夫跡之所寄而情寓焉意之所感而詞發焉淺夫蒙心罔識
羣怨雖在羈屑無可攄訝其或擁傳壯遊縮符經涉卽有興
寄奪於淨榮性真不存歎詠無當是惟畸人騷士蘊魁磊之

奇氣負卓絕之瓌姿孤雲一身川路百織其間都邑之駢生
原澤之珍瑋人事之離合歲序之遷貿悲愉萬端俛仰均感
長圖大念隱心而莫宣春鳥秋蟬含燁而自語於是冷汰結
質鮮容矧華鏝骨滌肌冰瑩霞炫遇之嗇舜之豐上有日星
下有風雅此邵子祥伯雲萍一集所以洞鑿騷情秀昭江國
者也邗上地交川陸古稱華州漕渠崑岡之樞軸冠帶衣履
之昌丰僑客游民聯肩疊踵祥伯以無對之才寄孤飄之跡
影涵乎凡瑣心軋乎霄崢資煙月之清真抒襟靈之軫結千
歌百賦久播域中補綴沈吟復成此段以予比歲亦客茲邦
屬爲弁言非同膚受嗟乎祥伯久遊益拙廣交益孤文采益
奇邁淫益悴後之流轉未知何方則此詩歌又將遞續豐茲
嗇彼豈真有主宰存耶援筆序之曾歛素歎而已

小謨觴館文續集卷一

四

七家詞序

六合汪君紫珊以其友袁君湘湄劉君芙初袁君蘭邨趙君
艮甫汪君竹素楊君畹香所著長短句附以己作彙刻之名
曰七家詞之數子者著饌宏富非徒樂章茲以詞舉以藝齊
也並世詞人南北林立約以七家以知限也夫六瑩九韶聲
非一律五綦七情動非一端比而同之不和則繆而汪君乃
通其驛騎合爲駢枝豈非以吳歛越吟之地晨覓夕雁之鄉
水木明瑟輒孕惠心煙波眇綿例萃秋士沈吟山澤俛仰翔
游蟲聲引愁落葉迎意或跌宕近局竹屋語癡或欸乃前溪
贅洲笛脆莫不宮商協應瓊珠互投則所遇同也雲飛泥沈
蹤跡或殊靈榭真想胷次無二如春盎盎情瞳矐而各萌如
波鱗鱗風蕭滅而時起洛濱擗腕寓牢愁於嬋娟阿谷抽觴

發荒寒於融冶趙元叔之蘭蕙酈文勝之靈芝羽容霓色月
眞可呼珠淚玉燼天亦若瘦則所感同也且夫浮側趣詭亢
鄰於僞詭咬蔓流靡戾於雅是塗弄之末技非琴旨之正軌
數子練情振采離貌合神苟昭藐以結緒則若孤花之送妍
間摧藏以訴懷則若之絃之成韻遠態疑霧分被六銖之衣
澹思當秋遙和七條之玉宋玉景差庶可稱乎別子金荃蘭
畹都無忝乎嗣音則所詣同也蛾眉殊貌而悅魄芳草異氣
而動魂文通所云斯集足副於是傾崑取珤聯唱成編瀾洵
濫沃不嫌源分酥酪醍醐終歸味合語其條例旣花菴之繼
聲論其別裁亦箇家之法乳已昔迎陵叙浙西六家詞有云
倘其殉及江東作者何妨有七今紫珊諸君皆隸江左獨蘭
邨以浙籍僑寓秣陵由昔視今若爲補缺詞客有靈當相視
而笑也

求心錄序

小謨觴館文續集卷一

五

自異家馳說儒法分流學仕二端遂成歧別章布之彥佔畢
之辰纓被聖哲之言沐浴修齊之訓未嘗不興懷上理仰鏡
前徽鑒蒲密而心儀語鄭阿而色動迨乎旣釋巾褐遽縮銀
黃公府走趨簿領督促司空城旦卽莅治之寶書金布令甲
爲持官之要道智者曲謹冀免愆尤不肖講張間干刑辟其
有殫精億慮銳志希賢論建豎恐來喜事之嫌勉拊循或致
迂愚之誚經術吏治迺爾兩違是豈循卓之難幾亦非人材
之遜古蓋器識不定則利害易其初心操存不堅則措施乖
其素願也方今三雍化穆五典人惇展義宣風廉能輩出會
稽何改夫先生代傳素業夙習儒宗從說之書六破通人之

文十篋射諸生之策屢躋於端門集駁議之篇旁通乎律本於是庭盈纒帛身仿韜沂代人作箋爲民請命枉乎宜狂哀息嗽鴻固已仁體臯蘇澤同罕樂矣大府重其幹局勸以策名爰登黃霸以財官屈兒寬於從史始以長吏歷任典城所至磔其梟狼養以風雨延壽閉閭兄弟無爭長孺發倉災傷立起董宣強項之令陽球理姦之才文翁雅化聆匝路之絃歌名父行田樂盈疇之菽麥征無夜名繩屬而輸租野有宵漁閭行而畏法冠操秋雲之表下令流水之原遂使車蓋一丈榮頴守之屏泥桑陰四郊立纒公之保社至於陽施長世陰德活人家法本於比干惠心方乎邴相是又仲父所謂心行士謙譬之耳鳴唯恐人知不煩覩縷者矣此求心錄一書則其敷布之緒言循良之左契也原本問學詳示準繩悉其

小謨觴館文續集卷一

六

聰明劑其寬猛刻廉而不剝溪盎而不苛體慈惠以養和設鈞距以懲慝思周乎利病纖入乎豪芒言若布帛求覽者之易通佩等韋絃在臨官之自擇他若教民條約紀事外篇義取垂規道殊自炫雜文間附咸益身心是皆主宰寸衷經歷百折盤根錯節不能撓其志塵勞鞅掌莫得汨其神故能獨出冠倫孤行邁俗處爲修士達爲神君卽此所編可當行實用質司牧兼貽雲初嚮所云儒法歧塗隱顯易轍者讀書知人斯言可雪已兆蓀清醪三酌未待子春政論十條熟聞崔寔先生之孫恩焯少列鬻僑壯客諸侯奉其遺經志繩祖武以爲先生茂製自有專書此其筆談先謀問世夫康成禮堂之本守賴於小同僧佑縣譜之成傳歸於傳闕不揆樗昧承命引言亦以發晏楹之語足爲百官之箴味顏誥之辭非徒

一門之訓云爾

樂潛堂詩集序

式觀虛霏誕孕瓌靈其有漱沆漉負星月軼埃超雲干霜萬古若化人者邈乎負已英淑鍾萃散爲異琛則若小華瑋琤輸次嬰垣槐江琅玕章峩瑤碧登廷委莽遇選不齊鴻輝夜色熒熠靡貳其在含生則爲魁士方其淪靈府振芳塵搖疑綈槩吐飲宮徵情芽言發翰振藻酒倚旄蔭旗態之焯唄辛茹蓼思之深煙綿春盎韻之遼黃檀玉券彩之施要歸於攄寫墮鬱破碎陣敵屏滓斥凡惟變所適是亦騷雅之松喬藝圃之黎綠矣今趙君良甫卽其一也良甫菱滋經訓楊李聰辯鱗辰權奇壯學闕達橋仰失蔭岷瞻與懷丹穴之鳳飢而待餒桓山之翼寒而分飛爲庚桑楚僑居畏壘爲闕德潤備

小謨觴館文續集卷一

七

書會嵇爲熊安生教授河朔爲禰處士草箋江夏津頓通駭風水奔峭摧撞菀結揉弄景光吟聯渚鷗響荅翹覽或淒而蒿薤或激而夔鼉或咽而蟬蛸或鏘而鸞鷲時而幽脩蘿荔人語時而掩夢杜蘅野香時而煥赫嫫媼時而璘彬駢錯自舉玉衣不襲樓裂但咀玉食不吮常雋骨旣蛻塵寶乃見氣邁會奇隻成其鏗訇不律萬手瞠退千里麗則葩粉苦則棘癘質則儉寧文則巫史非徒才劣蓋有天焉足知盧敖乘躡走肉擬之則顛摩尼朗宵磧礫當之則敗也或謂良甫寬容霞飾珩奇璧貴將弛銜馗衢資儀瑚啟賡曲元扈協律大子牢愁茲段乘韋云爾蒙則謂山圖赤斧不憑藉於軒裳璿瑰玼華不加損於緹櫝秀靈胚胎搆此英絕蜚聲耀遠藏顯弗係牙曠竝世當躋吾言

江行唱和圖序

嘉慶上章啟牂之歲吳江郭君祥伯海寧查君伯揆訪其友儀真宰屠君琴陽於江北川塗次韻得詩若干首旣彙編之復繪江行唱和圖以紀而索予爲序千里命駕蘭芷之誼敢二人同心賡酬之辭夥當其荃蕙啟夕芟蓋當風延緣聯葭眇睇極浦湍騰華而沸嶼火貽漁而溜舳架渚潮清沾蓬露溽水宿夢少月昃而問窳星飯影連霞頽而辨旦徒旅奔峭客懷淒戾於是互跋北渚竝倚南津寓物造端襟然有寫異獨鶴之偏叫類雙鶴之歡傳有聲必同無善不繼膺泰合舸人瞻若仙牙期遞絃繁手皆俗激越絕調文鯨聆而奮飛掩抑雙情潛鮫感而欲出均敵競爽竝潰橫發雖濤瀾之中有金絲之韻焉僕亦道長無此勝緣晷言斯段旋復興唱以彼

小謨觴館文續集卷一

八

竒姿瑋業邈後陵前慳樂邛園疲精涉頓夔拊龍應旣睽願乎矢歌金銑玉徽徒儷音於勞唱于喁荅響良足欲已波戀舊浦雲思故山望得栖翮鄉井連牆野舍負郭二頃面流一塵鳥赴簷上花羅砌下相與藝松竹結保社訪丹法語元書津梁之感可無蘆中之吟不作時或褰裳度澗日曬而卽歸布席映蘿夜久而各醉當是時也樂可言哉然後還念征蓬迴眺波路愉悴判境舒慘殊方撫紙札於緘膝慨辛劬於往軫休文愍塗之賦景真涉澤之篇煙墨相鮮絹素長在向之旅緒罔非譚資因題卷端卽以爲祝也

荆石山房文序

文章駢格咸謂肇始東京然自秦漢以來李斯鄒陽枚乘王褒之屬率皆宏麗孑藻繡錯爲辭由質趨文勢有必至馬揚

而後益事增華僂偶之興實基於此爰逮魏晉以迄陳隋衆製鋒起雅材彌劬有唐一代斯體尤崇穎達以之叙經房喬用之論史其於燉著塗異原同昧者不咎目爲卑濫是蓋末流之放失以致僞體之滋繁若究其椎輪審其徑遂義歸於淵雅詞屏乎譁囂侔色於敲彝含音乎琴瑟斟酌華實逖遠淫哇作者抗行良無愧矣吳子旣哀其詩屬爲引首復以賦諫樸著是正於子文雖不多絕去冗俗於前所論殆有會心方今珠璧耀象雲英炳符縟采蘭芬人文蔚列潤色鴻業斯道大昌吳子年富力銳篇什方滋邃學殫精將希齊軌孤竹老馬輒復導先卽以孟晉逮羣勸其勿懈也

郭母述太孺人八十壽序

夫頤真養志非假靡麗之奉道懿揚嫩弗尙絡首之詞世所

小謨鵠館文續集卷一

九

欣羨類在浮榮揚母儀者修壘封之尊遂詠壽人者炫簪紱之駢羅此舉俗之所睇非高軌之所豔菽水可以代鍾鼎薤薜足以易組纓是有道焉在所自致我友郭子祥伯天授璋藝夙蜚英聲藻葩洵流文翰飛走卞和之璞雖懷寶於荆山隋侯之珠已耀采於宇內竊惟貽謀式穀功歸於義方震聲坎光道資於坤惠韋遑之業講堂之傳也曹穀之賢登樸之訓也自與祥伯締交撫塵內行克敦嬪則由悉太孺人累葉席美六行含章悃愾婉婉之質教習於儒風女師德象之篇學源於庭誥迨歸於先丈海粟先生反馬儀成弋雁歌作琴瑟在御籩豆靜嘉茹慮有善容之娛僮那無椽飾之慕守辟繡之志簪鋃而鳴機辭執珪之榮揆畚而偕隱素風恬尙竝世爲希繼以采芣之艱爰有置造之舉太孺人柔嘉維則肅

雍以和塞淵之美娣媵同詞掉磬之聲房敖息響及祥伯與
其弟丹叔之生也太孺人幼而提抱長而煦濡嚴風淒厲作
樵以取溫春日載陽折夔而勸學遂成競爽互挺雅材玉潤
金相豈常均之可企連輝竝耀爲勝流之所歸於時陟帖早
悲循陔待養祥伯昆季或辛勤以負米或嬰媿以承顏聲聞
四騰門業益大著述盈尺各具可傳出客代舍頡頏公卿入
授母懷依然嬰稚以詩歌爲堦麓之奏以縞紵爲滄髓之供
不朽盛業華於六珈之褒英絕光譽尊於三釜之養太孺人
顧而樂之怡怡乎莊莊乎燧序代移烝功靡倦蓋顯揚之義
潛見無殊非徒茂幽谷之貞蕤流德門之馨烈而已屠維之
歲長至之辰將躋八表之齡豫卜十稔之筭祥伯昆季挈冢
介之婦曳逢掖之衣烹漸江之魚獻下若之酒婆娑而舞于
乎

小謨觴館文續集卷一

十

重刊慈山大師法語序

此方教體以音聞應機是以道本無言因言而顯自馬龍二
士首朔宗風能秀兩師分燄慧炬後乃輝聯焰續矩疊規重
性相歧分葦麻浸衆雖咸明義諦而各判詞鋒至若三元三
要之齊施半提全提之互用逆奪順取密指顯說類皆待緣
以喝通迎機而敲擊不滯影迹脫略曰窠劣解凡情轉生疑
阻醍醐上味反成毒藥古德所歎良不誣也慈山尊宿生明

中葉爲大導師開堂雙徑振綱海南緇白景從所至請益有
迷有達或飢或渴師運廣長舌擊塗毒鼓衆病殊源對治異
品若風扇韋若雨膏穀痼疾昭蘇根莖等潤當時稱善知識
者有徧融笑巖蓮池紫柏心鐙同炳大雲分覆師能和合法
乳隨方利他兼攝禪土竝標權實綜貫經教雙遣我法其要
歸於萬行起心其功具於當人日用久參上智既可直證眞
常毛道淺根亦足湔除汙染所謂正法可無臨濟德山末法
不可無此老者非卽大師之謂歟厚夫侍御今之裴龐精研
諄啄之機博究鉗錐之案獨以大師法語闡發顯露二諦普
通疑壘胥消膺礙曝釋不爭空有而迷於坑弃不涉箭鋒而
墮於滌瀆斗極破暗羣流赴淵於以摧慢幢平惱海削情岳
超愛河諸妄旣祛實行可蹈世出世間事理圓該寂感誠明

小謨觴館文續集卷一

十一

靈源不二於是校練精粹重梓流通非隨喜法門非藉資譚
柄欲俾初地發心之士不必立雪祖庭操篋講席賴此寸編
拔陷扶墜如日親猊座如日聆獅絃且使異學六師屏跡退
舍魔民儉人罔可託足大師劬勞之德侍御外護之功遠識
堅誠津逮無量歡喜讚歎序之云爾

江寧寓館與樂元淑書

夏首違面涉江而東殿門瑟居儵復徂暑承稔小極當已大
佳日從吳中探訪棊跡音塵闊然飢渴夢寐題襟舊侶星飛
雨絕孤雲僑寄牢愁可知因何槃停草思不獲僕以嬾黷久
安賤貧射策東堂本屬謾語戚友學徒牽帥就道徒以青溪
九曲烏巷數家尙有曩知藉申昔欸至於逐侶充賦著麻覓
舉首塗之日猶或游移迨抵白門乃決退舍凡在儕偶咸相

詫誹區區寸衷實抱愚悵揆其可止蓋有四焉髻歲了了見
知勝流二親嬌嬈屬望臻至自念此事雖爲浮榮冀得寸尺
以爲娛養兩應京兆五踏省門墜羽沈舟心摧氣折而堂上
色笑頓隔泉壚墓門松楸忽已拱把哀淚盈睫痛思焚書自
茲以往縱具牲鼎何有歡顏若云顯揚此未足數風木之愴
既切於中華撫之思遂絕於外其爲可止一也制舉一途卽
云小技譬諸巫卜終宜有恒象勺肄勤父師督促亦復繙大
傳學歸藏鑽研秋鐙晷沫夏課閉門而造自謂極心試諸有
司輒又繆鑿數蹶之駕臨莊廋而亦迷屢失之鵠省括度而
奚當况復中年多故舊殖滋荒憂患累其心輪踈疲其體昔
時肄習尙無寸功今此廢捐夏何覲倖其爲可止二也自遇
艱棘日就尫羸飲食失時則病起居不節則病高譚逾晷氣

小謨觴館文續集卷一

三

便茶如爲文半首心輒若蕩間或囊筆賣賦代人草牋亦必
寬期不耐敲迫况可趨立鵠之隊希漸鴻之材焚五夜之樵
膏織九張之心杼乎其爲可止三也且夫進取之事宜審所
堪縱令因時竟得騰上而長安索米艱倍書傭故山牽蘿疇
爲竒奇貧辛之况榮賤勢均飢寒之懷進退皆累加以性僻
形嬾情迂跡疏酬酢之畏畏於夏畦冠裳之苦苦於楛莛纓
紱之列豈容昌披嚴徐之倫安有樗櫟其爲可止四也具此
數事遂絕妄營餘愒所存不夏質告要以虞翻骨蹇燭武精
亾非樂恬冲非安暴棄自非執事莫喻鄙懷此間寓館頗有
亭池炎風浹旬忽觀涼雨秦淮帶水盈盈始波六朝青山含
睇疑笑巾褐如海咿唔成羣獨以蕭閒得領勝趣生平荆獲
此一奇矣若夫家室之事稻粱之謀卻顧無資前盼奚藉乘

流得坻亦聽諸造物而已徒輩朋試二旬可畢彼時前旌當
莅茂苑相見匪遠善自葆愛不宣

荅姚春木書

蕲溪僧舍行蹤暫留聯裾倚裳靡間昕暮樵文字之流別商
史裁之異同飛辯之餘間以盟噓濃笑之隙棟以悲歌明明
兩心耿耿孤燭自非解人鮮不充耳既而巴童戎裝楚榜發
夕君行萬里我留三吳樽酒不空之子日遠靜言思維軫形
於夢昨拜誨帖知已涉江旅食安健風帆無滯蘆碇葦岸之
間銀山素練之下尙復勤劬著誤驅染煙墨黠勘鄙集尤費
丹青寄畎開緘循首訖尾抉摘纖瑣剖析豪芒自顧何人獲
此元賞中間韻語類多獎借獨於諸文利病倚披靡遺苟非
屬望深摯以古作者相期烏能捐棄世眼痛相繩切若斯哉

小謨觴館文續集卷一

三

十過三復悚然汗出感哉愧慙不能無言僕自羈州思學古
文漸稔其難逡巡舍去繼乃探索漢魏沿洄六朝下逮三唐
以迄五季儻偶各體略悉源流竊欲矯厲庸庸歸諸淵雅藉
見古人文筆無分整噉不使寡學之士高語起衰輕詆駢文
謂爲應俗而涉獵旣廣見聞龐樸又性喜馳騁恣筆所之持
擇未精遂屬雅鄭一篇之中璿玉錯見一體之內眞贋迭陳
心非不知過乃憚改非盡師友之寡助亦由持志之不堅耳
間嘗盱衡當代作者數人迎陵西河承接幾社選學未墜殊
有宗風然迎陵佳製多在湖海樓集世傳檢討四六本屬外
篇類牽酬應西河平瀆頌與秦留仙書諸首風格遠過齊梁
而自所矜許乃在花燭詞序可謂葉周鼎寶康瓠矣外如漢
槎樞黃麗京慶百體製雖殊咸有可采至於西堂羨門拒石

其次以及豈續希張諸君繁音靡格古法蕩然無足論已竊謂斯道近始大昌略舉已逝數公成就各判稚威以博奧之才出以淵茂橫絕海內無可瑕疵程存寓奇氣於淳泊李新意於古音選練既精庶幾齊騫若叔三之學魏晉宗之者空疎曁軒之學初唐襲之者肥重簡齋真力彌滿而樸糝泥沙圃三瞻采鏗訇而間涉淺易是皆竝世者碩藝林仰鏡然其支流已多派別况在軀材末學妄思別出機杼其爲紕繆可勝言哉夫虞通之讓昏表釋真觀役僧書此俗調之肇端也東京文之引周秦宋齊文之引漢魏此用近事之證也簡栖作頭陀寺碑不得不廣羅梵夾梁帝作招真觀碑不得不列及道經此用樸書稗乘之證也僕爲此言非以解嘲良以少壯知聞歧途錯出持守不嚴自念漸染踏駁之弊實由于此

小謨鴈館文續集卷一

古

非得足下無以規之卷中啗點所在敬當書紳續有造作異時相質耳冬日烈烈飄風發發愛護波濤珍慎餐寢垂詢諸段別紙具申

與李敞牧書

籍甚清徽邈若星漢睠言元度欽欽在懷僕以軀材繆事弄筆癡符自詡醬韻徒覆何意大雅濫垂賞音鈞諧廉折勢遙響於齊絃折揚皇夸得歡心於郢耳洞開藻鏡滂吐葩詞會未蓋傾已胡臭合流盼所及馨歎如通荷慄之餘申寫難已昔者阮公放曠樂東平之風土五官馳騁念南皮之舊遊何則蹤跡所託性情存焉童少所經老大感焉曩在毀齒隨宦邊州地當趙北之陘壤接幕南之域紫塞拱其左黃河繞其右燕代扼其前積鹵倚其後武靈王所拓宇呼韓邪所躋騎

每賸春迎夏風暄草薰鳴沙捲而柳青埃烽銷而榆翠長城
窟下水無鳴咽之音都尉營中花有燕支之色未嘗不徘徊
旱旱延賞林巒茂席敷而桐馬斟煌蕪平而射雉賦至於嚴
霜凋節野稔隕柯雪迥千里冰橫一岸虎豹夾路山樵望而
不前鵬鶚厲空翔禽驚而在下獐麕號晝曜靈匿其陽暉大
角踞秋翰音失其恒響則又隨戎將獵郊坰扈帶鮫函青莖
赤羽弓如霹靂鳴餓鴟於澤中天似穹廬割黃羊於帳下普
梨一曲余朱敕勒之歌琵琶四絃公主烏孫之樂何其甚壯
豈不然歟若乃將軍死綏烈士橫草憑弔國殤之墓流連表
忠之祠銅頭鐵額嗟興暴於當年直蓋犀軒颯英靈於此日
月中石馬恍聽悲嘶雨後春鉏時逢敗鏃是又陳安壠上之
什馬督汧城之諫所由歎薄長吟淋漓濡翰者也歲華不居

小謨觴館文續集卷一

五

人事遷易自鼓南楫遂睽北風艱棘丁其躬憂虞耗其智在
再世載蹉跎寸心昔之仇懷猛志逸足盛年今且顛躓沈頓
踈伏蕉萃類壯武之心疾同田光之精亾豫州撫髀之歎抑
塞可知子山思舊之銘生平已矣尙何能追溯過風躊躇往
轂葆幽并之奇氣尋企喻之豪歌也哉重以足下揄揚過差
元賞所存尤在少作承稔遊轍亦經此邦觸撥振挽不能自
默輒復翾縷貢其區區回瞻朔雲亮均感槩相見有日愼夏
自愛不宣

與曾方伯書一

元轡迴寒青達啟震暄辰始屆動履宜安判隔山川抱佩至
眷剖武昌之魚間逢尺素逐衡陽之雁莫遂翻飛夢繫波潮
思纏肌骨比聞吉語光轉崇階移旗竹於南天總藩條於東

粵高樓明月長憶元規一畝清泉先嘗吳隱勵孔奮姑臧之
節踵孟嘗合浦之風百城望表而知歸舉部承流而奉職頌
條齊政稔所優爲雖然修綱捨網者理治之恒規也占隱察
來者銷萌之善術也爲邊不可以常智圖易不外乎思艱簞
簞之飭廉風扇之而有餘芽藁之藏震摠加之而不足古人
沈幾先物弭患求寧戒凜衣柳綢繆桑土是必有道諒所營
心此邦地控荆揚精分牛女物產饒沃荒穢包羅內則大谷
深巖憑山阻海喻卜陽之屯壘方成公之曲隄萑蒲之衆太
叔何能畢殲渤海之繩翼君亦稱難理外則裨瀛沃島溟渤
稽天琛舶之所飛浮鯨人之所翕集孫盧餘孽卽跋浪之鯨
鯢舫遊魂化磨牙之獬豸至若遐夷合市殊俗來賓獻婆
利之文螺通犂韃之金厨侏僂錯渥鬻駢聞非僅懷柔陰

小謨觴館文續集卷一

六

資填撫恭逢三靈和宴玉燭光昭函夏授鋒郵亭臥鼓康衢
載詠漆室奚憂然而陶土行之臨州不忒運甕岑使君之過
亂所貴生菴珠崖銅柱之間勤規石畫緩帶輕裘之下中有
金城必將遂略防微瀛壖永奠化封狼爲赤子革飛鴉以好
音籌策徒薪維婁疆索龍驤上帥埽蛾子於張帆魚鼈東明
絕豺心於渡水櫂雲不動關牡無飛然後坐嘯風生彈豪錦
粲增麾厓之鉅製採擊壤之嘉謠是所必圖也不敢不祝也
某自違代舍戢影窮檐孔賓削跡息意於梯榮泉明扣門抽
辭於營飽葭牆艾席聊足隱形椽飯菁羹殊難果腹竊以五
福六極命數攸存九食三旬古賢不免若欲馳身竿牘胥疏
江湖徒弊精神滋增勞辱以是決策甘守衡茅餓隸窮人聽
諸造物而望羊城之驛苦憶任囂緬峴首之山誰偕元凱敢

詔左車之千慮略同重館之一言庾嶺梅開珠江日永頗盼
良訊以作皋蘇

與曾方伯書二

月日得從化令奇示書知前所申函已徹醇聽伏承侍奉曼
福榮間光昭贊伏波橫海之勛埽封豨修蛇之孽戮鯨鯢以
爲京觀靖瀛渤以作夷庚脩耳珠崖乾晏地謐扶桑窮髮風
揮日舒勘定之功偉矣茂矣至於滔天餘黨悛惡渠魁罔不
授戈咸皆面縛寬其斧鑕貸以生全遂占折首之爻足媿攻
心之略逃聞露板益仰風猷竊聞般降不祥自稟李廣之戒
而受降如敵宜思耿秉之言以彼梟狼編諸蒼赤寶刀買犢
何以奠其居東澗西瀝何以區其衆聚之都邑旣慮其藏鏹
蔽之田疇又虞其懸耒必將永弭反側長樂畔桑有幹有年

小謨觴館文續集卷一

七

無虞無詐古人左牽制犬右挾操民慎固周防勤思安輯緬
諸連帥定有機宜抑又聞之勝非其難持之爲難趙襄卻翟
之餘轉加憂色主父忘戰之語實曰危機惟勤被慮之蒐勿
狃蒲騷之役所謂慮謙於方滿守善於已成是非書策之迂
言當亦師干所熟慮也某海隅戢影與外閒隔非敢蔑榮矯
俗自詡孤高良欲保無用以得閑處不材而全質雖見嗤於
華士知有取於達人惟魏應璩有云人非神仙須仰衣食然
居常待終亦援啟期自解而已去德滋遠不能奮飛尙靳嗣
音用當良覲

與劉芙初書

春未夏中兩展手告撫序念往臨風感今羽接鸞鸞情繫鷗
鳥白雲南望軫夢乎倚閭青藜夜然疲精於染翰亮攫冲抱

或損清襟所冀英蕩之節得出乎江淮則苞栩之嗟稍紓其
苑結菰蘆未契寢食祝之僕自方伯內擢秋卿優摯囊裝移
居書局琴心酒德暖有餘思墜雨秋蒂邈焉興感離索之歎
欽欽如何局爲神祠然乏簫鼓黃冠數輩習成獐愚樗蒲歌
呼近溷耳目所居牆高庭不盈丈夜望星斗僅見方隅西鄰
城闌雉堞壓屋迴風蕩激樹葉翻飛終日喧逐疑在濤浪贏
僕一二聊供薪爨朝暮兩飯各需百錢濁醪敗脯強飲強食
不暇求味資活而已淳熙文選全秩已刊近與澗蕢商榷考
異渠精力學識十倍於蒙探索研尋匪朝伊夕凡諸義例半
出剞裁間以駢淺補苴其闕聊撮厓略爲足下陳之夫善注
在唐傳本匪一時代綿遠莫得而稽逮乎五臣注行動以意
改正文句字寢失其真後來刊選合併六臣迷相屬亂崇賢

小謨觴館文續集卷一 文

舊觀糾錯滋多北宋單行善本末之獲觀吳門袁褰以家藏
崇寧舊籍影寫刊行雖并五臣要爲近古茶陵陳仁子本亦
當宋末其所據依足資考鏡可證尤刻惟此二書餘如元張
伯顏以後遞有摹雕要皆宋本之重儻遂初之別子也延之
貴池之役參校羣籍修改綦多得失互陳非盡善舊而袁茶
陵二書校語如善作某五臣作某類卽所見以爲標分非必
崇賢果眞若是盤錯疑互職此之由今茲考異約有數端其
善五臣之異同有注文具在可循文義定其是非亦有注乏
明文旁引他篇以相較比又他書可證固所必援亦有兩存
不宜輒改注文彼此固當互稽然或概論仍滋膠滯甄綜鈎
索例非一端實事求是歸於當可必無所考則亦闕疑其尤
所增多則以袁茶陵有無相證又推求善例以決乖違至於

徵引羣書動多闕佚其今所及觀或散見古籍時有抵牾不
皆符同或本有古今傳有同異或善自刪節略殊元文凡此
諸端宜仍其舊弗槩翫縷以省繁支實係舛訛庶爲舉正其
選中諸文分見史集字句歧別時有參差是必疑義乃爲剖
明餘或兩通亦弗悉出其他脫誤何氏焯陳氏景雲校勘而
外所得尙多案其是非訂其漏落苟此本無誤校語或乖有
載有刪隨文裁度不復一一爲之糾繩要使善與五臣如簞
汎畫塗善本蓄疑如昏情爽曙求其可通易讀非以示博夸
多如曼衍諸書迭相比附恐妨體要非所敢爲其諸條例件
係各卷觀者循繹自可得之若夫義影則例繁例繁則詞費
或致焚亂貽譏治絲雖經審詳恐猶不免是在大雅有以匡
之書約十卷寫刊逾半夏閱旬時當能蕝事北鴻南來切盼

小謨觴館文續集卷一

五

教牘炎威尙熾仰願珍宜

復屠琴陽書

嚴雪冬集津梁路修一江阻於寒棠千里違乎命駕思君閱
嘿心與鷗俱伏承綦履枚寧政通人樂懸蒲得衆破柱懲奸
酌威惠之中收鄭阿之效偉哉壯縣卓爾神君詎惟雅對三
雍覃思五際揖精微於學侶稱絕妙於詞宗而已哉淮南弊
俗倚窳成性飽食以嬉男婦一轍懸磬比屋而詐習飲羊無
榻終年而飾矜墮馬前者羈寓飫見澆風渤海潁川切賴良
牧執事啟崇化本洞燭教基旣劭農功促修嬪職頒蘇瓊之
度樣樹顏斐之桑麻排比鄉亭量給資力縱麻索縷指挂手
經官爲委輸以爲勸誘極條約之詳審殫導率之周諄務使
戶盡鳴機門無跼屣生事旣瞻仁讓自啟此蓋聖賢之治術

康濟之淵源千載同符百王不易匪直循習吏職補偏救弊
云爾以茲瑋績必得鴻著標記盛軌昭式來旌僕雖幹材敢
辭誣諉容俟暇晷敬竭愚慮先報荒牘用表傾矜

與胡中丞書

日者錄車南返曾貢芻言嗣聞河決睢隄下淹蒙毫星馳旌
節撫恤漂搖沐雨纒風勤憂可想旋屬充豫肆逆盜弄潢池
慎固圉圻邊防竄逸紆籌玉帳益悴丹衷比者虎旅雲蒸蜂
屯電掃不煩破斧已慶棗弓足知蚩尤吐霧無損軒威鑿齒
行誅何傷堯化功成閉寇福汪延洪擊壤之餘敬抒蠡管竊
謂民情不皆好亂况

聖德定致時雍何以玉燭方調黃巾潛煽羆羆糾蔓數軌盈
千揣本推由責在司牧古無卓魯在上而人欲採丸蒲密政
成而戎猶伏莽恭譯

小謨觴館文續集卷一

三

詔書諄切實洞弊原積習因循匪朝伊夕卽有賢者大率奉
行文法無誤繭絲誰復深究治原講求富教力破常格希風
古賢儲未陰牖尸之謀籌曲突徙薪之策故在平時孝弟廉
恥旣化導鮮方逮乎水旱菑荒復拊循乏術蚩氓素無定志
又窘生資屬有姦徒從而簧鼓妖言熒聽惰俗成風歆以奇
衰則良亦爲莠恍以罪福則智亦成愚蟻聚滋繁狼心遂逞
究之滔天巨慝旋踵誅夷首醜駢殲俘馘載道徒使上勞

宵旰下耗度支白骨膏原玉石同碎雖云數定實足心傷夫
致治者不在法制科條而在人心風俗爲治者不在補偏救
弊而在正本清源儻使人識尊親戶安耕鑿疇不凜名義疇
不戀室家驅之作奸且必不聽縱有蠱惑誘何從古云庶

民興斯無邪慝又曰衣食足而知禮義此經世之大本非往哲之迂言要其轉移全資長吏方今

震夷乾惕日昃憂勤方趾圓顛同深感悚閣下斐忱夙勵移孝作忠其何以力飭官聯殫求寧瘼潛弭芽蘖長奠苞桑欲興教先在足民欲足民先精察吏必野多馴雉而後音革飛揚必澤息嗷鴻而後村無吠犬稔關蓋念延企遠謨若祇以勤劬簿領爲奉公謹慎廉隅爲効職似尙虛於報稱非所望於大賢卓識淵懷亮殊恒愆腐談野語惟乞茹涵靡盬方歌諸祈珍護

重建桴亭記

太倉州治南明處士陸道威先生故居在焉有桴亭爲先生講學處歲久墜剝其宅改爲羽人祠嘉慶上章敲牒之歲

小謨觴館文續集卷一

三

里人葺亭而新之邑侯董公爲之倡而屬兆孫爲文以記洪惟我

國家甄靈莫宇耀夏威荒羽族卉儀懷晉草狀而又寬天網恢汪度其有棲谷耆彥韜光逸民咸俾全箕頴之志闡章逢之業於以餐佩唐德樵揚儒風自非遭際泰和尠克遂其高軌矣時則有若容城孫君夏峯餘姚黃君黎洲鹽屋李君二曲諸尊宿而吾鄉則先生其最著者先生秉黃中之性希素王之道仰察璣衡暑緯洞其革象上窺姚姒危微承其緒言淄川濟南之經傳叔孫夏侯之禮樂慎到游棣之法術龐煖兒良之兵謀咸究淵微著成部秩有明道學弓冶各殊敬軒康齋肇薛胡之津派白沙陽明啟陳王之宗風東林主格物而王學浸微戴山主慎獨而陳學復熾門戶之判幾於水火

先生篤守履蹈不墮空元獨能參其異同辨厥醇駁宗宋宗陸溯源以通之主理主心虛己以覈之如河傾懸清冷灑蕩若農服疇疆判畛分冥索者鏡澈倅馳者善解詎非鑽仰淵騫鱗差再雍者歟會丁未造海水羣飛囊書屢陳虞淵莫挽昭華旣徙延喜攸歸遂乃頤素松阿搏亭講學而以桴顏櫺申屠因樹之屋薜蘿交加鄭君爲經之堂髦秀矜矜式蓋沐藉昌運非喻蹈海之心植操幽棲聊存泛宅之志者也年運而往遺基巋然夫過大梁者猶想夷門思魯儒者不忘淹里仰承

列聖幃覆醲化涵濡綸綍寬大先後載下卽夏餘苞藁洛邑庶頑猶予易名加之獎錄矧夫逢子康之介節兼擅文儒周伯况之高風曾膺纁帛者乎舊蹟堙廢景行末由鳩工庀材爰復曩榭上體揚闡之

小謨觴館文續集卷一

三

聖德下孚式瞻之庶心史成閭書兩所宜載捧筆避席請濡牆陰

儀徵屠大令興紡織記

儀徵古真州地大江長淮所襟帶吳檣楚榜所鱗萃兼以牢盆禺筴之所轉輸而委屬罷民流庸肩摩踵接捆載鹽鹽以爲生資男惰於犁耜婦惰於紝組習侈成窳積嬉成媮外若殷賑而內實皆窳蹙良長姦廩乎號難治今錢唐屠君由翰林改官斯邑以慈惠字畛以沈毅糾隱以通敏決劇以清白化俗旣勤勸課穡人趨功昔之輟耒今多剡耜又以農工嬪職業無偏舉穀晷晷夜事貴兼足邑之婦女目不見漚麻手不狎弄杼強而督之不苦則謝君謂事非難知道在引端人

非惡勞道在悅使於是出教約立簿冊籍邑之願紡織者若
而人募吳下之能紡織者若而人能者俾之教學者予以資
羅車軋機官爲辦集絲麻練緼官爲給費成而獻功官爲收
納積而待買官爲售價甄多而褒察寡而訓戶不分高厚事
不假胥吏自辛未之冬迄癸酉之秋歲凡二夏所習嫻練已
有餘利物亦流通乃聽自爲官弗復問比屋歆動驩然執勤
向之傳芳澤坐游熙者一變而密勿將事晚寢蚤作涼月入
巷靜聞鳴梭朝曦映川時見漂絮匹婦之業足佐下男摻手
所成可贍食指本務具飭土風還淳物愛故心臧家給故刑
措懋哉上理之基也昔桂陽茨充五原崔實化泉之政不後
劭農非獨桑蠶使之課息誠見九職任而後衆志定衆志定
而後四維張不惑於奇說不流於俶詭何憂乎鳴義何患乎

小謨觴館文續集卷一

三

摘虔事固有瑣而其繫鉅迂而其效神者亦曰求其本云爾
拘牽之士重興作幹局之才薄織屑夫豈知五雞二堯春鵬
秋蟀古聖經國燭細洞微什百於黃霸米鹽陶侃竹木者何
哉屠君深窺治原符契往哲孤行一意裁制清衷條格允精
則傲斯在嘉績長美件舉則繁此其大者非文曷紀書實傳
信蓋無愧辭

華年四影圖記

吳子棣林繪華年四影圖以眎於予而屬爲之記當其鍾英
虎牙挺奇驢子石麟墮地志綺穹霄雛鳳啄花聲在雲路金
鋪垺永杏葉鶉香騁俱盧舍之平臬選阿溼婆之駿足鞭細
搖柳衣單舉風肩差粟果之少年睥睨幽并之豪士於是有
青原試騎之圖嬉娛林垆饕嗜偉麗獸肥草淺旣極子丹之

游日炎雨淋蕤摸伯喈之字榛煙鬱而在望大川浩其前橫
金沙瀾漫恍俯碗伽薛褐列殘時勞波賦類摩挲於銅狄軫
慨息於飛僊勝寄孤懷軼凡超俗於是有江亭覽古之圖既
而抑躬斂華折節媚學謝耿豪之把槩慕顧歡之狀禱子舍
鐙紅甲籤字綠琅函玉券恣厥繙掀蒼頡佳盧窮其半滿遂
使悉曇章體彙儒墨而周流阿難多聞作總持而換集於是
有秋釭軌誦之圖然而彥倫辨才能名白黑客兒慧業喜近
菴羅捉松枝塵修居士禪叩輒語於導師懺夙因於法會狎
巖中之鹿烏珠柱晨輝分棒下之龍蛇昏衢宵燭天龍一指
大愚三拳啣趙州之茶參臨濟之喝立殘庭雪心耀千鐙撥
盡鑪灰戒圓五夜於是有薌林僧話之圖蓋其聰明才韻朗
性靈機方夫弄麩之年已了聚沫之義業緣跡現智以年增

小謨鵬館文續集卷一

西

怪得姦窮歸真趨寂可謂深悟法門藉於夙植者矣夫首楞
嚴以人生爲旅宿憍陳如以世界爲客塵凡諸境風能鼓識
浪味者鑣轡牽掣覺者順應咸宜苟其心月孤圓光含萬象
光非照境境亦非存則知見兩忘我法胥化屠門酒肆亦可
調心止灤棲蘆皆爲淨土在聖道爲素位在佛氏爲隨緣影
事前塵何分何別是以崛多三藏以觀靜爲非慧能六祖以
拘身爲病盛勤禪師云多生覺悟非干衲張拙秀才云趨向
眞如亦是邪此則一點靈臺丹青莫狀百八竿頂究竟猶非
爲吳子記卽爲吳子進一解也

登華圖記

登華圖者前湖北觀察陳永齋先生官修撰時典試關中作
也領衷千佛拜榮七騶乘輜遊髦張壇入峽門棘旣撤鈎梯

乃遊茲山屹削嶢嶠懷靈抱異一掌承露三花滴漿雲生玉
女之窗霧暎公超之市葶收少昊肅彼羣真太乙終南列其
孫幹先生風領嶽峙峻儀巖標塵中傑魁天際遐想雲袂仙
舉星垣手攀陵峻谷蹴岷峨俯雍梁睨河渭聳節延爽吐飲
顯秋齋心驂煙呼吸帝座由其道骨契符神區故得鳳翥騰
搏鸞停鵠時盱衡誅蕩軒豁端倪通元氣於混茫軼埃壒之
混濁絕倫超羣厥觀偉矣今者身歸兜率貌留丹青詰嗣兆
賢門基克肩父書跪讀展象增慕徵文揚休菡萏眞形蔥翠
在目羽霓被飾翔飛若生兆賢式瞻鋒稜緬睇矩度其將景
行仰止拔俗振奇驚精九旻遊心萬仞爲驥致遠爲鶴摩霄
負尚環辭霞開飈起宏矚高軌跡異神同恢廓襟情眞協懷
抱嗣芬之道孰大於是攬筆述勝庶幾勉旃

小謨觴館文續集卷一

三五

豸華堂記

豸華堂者明嘉靖時僉事金公對峰罷歸武林卜居別墅也
公以上第佩綬銓門時則龍虎逐眞欽鴉作相吐喻霜露鼻
息虹霓阿之者鼓鯁鱗嬰之者膏斧鑕一時探榮輟微龍津
脂韋突梯俯僂匍匐耀金帶白率皆掃門之人接軫成陰罔
非拜塵之侶公獨峨然確爾膽勁心方陸沈十年懷滅一刺
蕭太傅自引出閭豈懾博陸之尊顧凱之行腳繞牀得免景
仁之黨能以一黃力障江河旣而冰山自摧繡斧出按荻苗
瓜蔓遏彼騰湍棗野瓠歌偉其底績屬當右貂燭焰蒼頭帖
權有馮子都之倚依爲舍中兒之犯法公乃立與杖決懲以
荆條駐車叩馬董宣縛湖陽之奴獲善加笏虞延收陰氏之
客挫伏德獬比擬鷄鷹卒忤恭顯之威俾追疏董之轍於是

解纓捨冕飲谷淦霞戢鷓鴣之風作蜘蛛之隱蘇門鸞音之
嘯高抗羽霓洛下鷄栖之車長懸蘿薜爰卜別墅啟拓疎寮
顏以豸華侍郎茅瓚筆也雲戶岫寢遡輝含籟月高窺桐石
冷當牖巖芳越館煙蒙鳶松之廬風飄蓮衣香溢逍遙之谷
威鳳息羽翔鴻脫綫蟄伏華藏高竅疎跡是非振俗塵外卷
舒無方者歟年往勁矢基湮汙萊庭堅之祀既乏雲初柳季
之隴遂侵樵牧族孫中書君應麟愴念舊德思慰幽泉馬鬣
手培犀瓣弗露岳精台燿重立楊震之碑後道前岡共式比
干之域昔卞彬修忠貞之墓乃出齊廷范雲求竟陵之刊僅
由故吏方之前軌今益足多猶以讓水廉泉柏年宅廢涼臺
燠館午橋莊荒規復舊模先徵文記夫赴曲蹈節茲絕而音
流尋煙柴芬薰息而芳在彼元載芸暉林甫偃月流傳簡牘
美敬書此詞

三十六陂春水圖記

高郵五湖巨浸也珠川平阿樊梁巒社若洮瀆之漚勢等湘
漢之合流灑滌潢漾蕩雲沃日蘋末鼓怒盤渦激湍稽天騰
山百里無際峩屨掀葉篙師悸魂蘆渚蒺洲險類溟渤前明
嘉靖間仁和金公樓泉攝刺是州求民之瘼治蘓爲夷開石
梁導石白濬秦蘭障洪澤分支以殺悍增防以遏衝別疏平
川用避賊浪馮蠓陽侯斂其威蠹輕舸登舸恣其沂沿旅嬉

于津農扠于野公底其績客寫其勝此三十六陂春水圖所
由作也夫其鏡瀾澄空洪漲若砥淀瀆綿邈葑蒲蔓延蛟鼉
不驚鳧鳥咸若或曳而縠練或灩而玦環斜陽赭汀漁唱四
起素月娟瀨權謳時聞無風波之憂有濠濮之想蓋公之撫
隱察伏蘇枯弱彊馭歷吳秦卓冠司牧澤物之政斯其肇端
美哉厥功爲德遠矣九世孫中書君應麟旣條治行臚于家
乘復以此圖徵記于余緬惟李冰離堆鄧晨鴻郤鮑昱石洳
鄭國涇渠疏盈瀉溢澹蓄捍患鴻勛上善實足嗣風灼當世
芳千古圖其左券也予固勞人數道淮海登覆孟之城睇汜
光之浦邵球猶在荷塘日欷市喧雜于鼃聲墟里降于葦岸
沈脰之疾比戶蕩析之慮終年中書君毋亦念魚鄉憫雁澤
欲俾居者無沈竈涉者無摧檣利賴之謀師帥是仰用是寶

小謨鴈館文續集卷一

七

遺繪述祖芬其將傳玩守土紹休前烈有舉毋廢因水茂功
視夫志表聖之書屏珍衛公之故物其意量固侔乎遠哉彼
弋陽之陂沈菜之堰滬瀆之壘尙書之塘前規具存後賢不
乏景迹生慕觀感當何如也

懷知圖記

蔣子伯生提榘藝場策功詩閣以文字業現宰官身測交約
歡雅游接軫牟欣入座謝混易衣王粲在門蔡雍倒屣乃至
芷蘭合臭則契結攬環淑美通詞則情均解佩往夢悅魄停
雲貯襟分寫爲圖徵言以記夫急弦勁矢密運者歲年吹塵
起漚偶然者交際伊古真人作達等道義于邊廬釋子捐機
置窻親于平等假使繫心沫聚生愛旃塗得無緞網之纏難
比黏糍之解然而境由幻構幻卽是真情從想生想歸于正

是以廣桑山上夙有淵源兜率天中非無眷屬既金石之誼
重卽香火之緣深豈可付之冥念視同泡電乎茲境茲圖固
寶相之端倪枯禪之藥石也以僕軫材去君十舍而南皮舊
侶東閣勝流飛蓋西園停車北里歡屢墜而莫續羽方翕而
復分筓脫波頽星離兩絕惟欲披莊盈尺繡佛一龕託諸陽
焰空華藉釋迴腸紆軫煙雲棲目豪素觸懷宿習再薰誠浪
復鼓落落四海負負寸心讀書申辭但有嘅息

小謨觴館文續集卷一

天

小謨鴈館文續集卷第二

鎮洋 彭兆揀 湘涵

李忠毅公諫

夫佻身飛鏃臨敵引義之謂忠受寄建旌以死勤事之謂毅是以膏塗氏斧悲殉令於孝侯篋尉元纁痛歸喪於國子若乃風船火艦方收橫海之功鯢渚鮎海邊遭埋魂之變三翼競進一鼓前衰賒腥棄而滄溟翻河魁搖而大星落其有不哀逾田豕泣甚羊碑者乎今浙江提督西嚴李公諱長庚字超人同安人也世守惰學長習奇駭辰精嶽秀之祥舍精於天漢皎日大河之志勵銳於風雲始登翹關之科繼入期門之籍勾陳太乙肅象緯於周廬甘泉長楊奉清塵於罕畢乾隆四十一年出爲衢州都司迄

小謨鴈館文續集卷二

一

今上初元累功至水師提督時則胡藍朱蓋鋌剪無遺綿蔓瘳楊好慝不作惟茲鯉海越在偏隅地當甌駱之交豐有孫盧之葦鯨鯢揚鬣以吐霧狴兪磨牙而食人螻蟻聯窮髮之墟烽火照扶桑之岸公秉桴厲士受鉞行軍王濬本水中之龍高昂亦地土之虎星流霆擊嫫姚玉妃之弓電逝雲飛楊素黃龍之艦疏之象嶼困之漁山窘之北汕覆之東涌身歷百戰俘馘數千公孫述之帛蘭層樓灰滅侯子鑿之鵠舫百棹燴蕤蓋軸檐艦賀齊橫江之闕水車拍舫世譜赤亭之捷撥矧刺蜚厥功偉焉其間遭迂盤錯經歷升沈幾垂回谿之翅再奮龜池之翼鬪令尹之紆難不恤毀家祖建威之著鞭自能募士用得遊國爪掖水犀莫鯤身埽鯨室斬獲過當飛走將窮

天子嘉伏波下瀨之勞有珠劔龍環之賜策以後績苴厥殊
勳公乃益勵鷹揚誓平豕突胡僧祐門開朱白不捷無歸劉
季奴手折麾竿追奔弗顧以嘉慶十二年之冬躡賊蔡牽於
黑水洋蛾徒悉殲鹿鋌無路公擐甲親戰欲登其舟猝犯礮
機斃於行陣嗚呼哀哉軍歌虞殞空歸襄老之尸身伏弓衣
竟中呂錡之項蒼頭犀角奉哈檎而逝還利鬚鋸牙決置學
而遽去事聞

天子震悼追封壯烈伯諡忠毅陰其子入官領東園之秘器
卹羽林之孤兒慟輟緣沈之瓜悲題黃腸之奏禮也公叁猛
沈毅武節剛方龍泉太阿是爲知己鏡笱競病亦解敵詩當
其運智九天取決百勝何難禽渠瀛島懸首藁街而時命不
猶雄圖沮屈上感推轂醮廟之寄下厘鼎沸魚爛之災進懷

小謨觴館文續集卷二

二

中山篋書之憂退有北平對簿之慮李都尉獨當冒險將輒
後期王君廓被遏茂功憤常流血於是決命爭首絕慮無遷
生死舟航寢食潮汐慕容西津之艇列仗而前康生中渚之
刀依煙直進始圖掃箠之功終蹈裹尸之義且乎寒風大樹
哀騰七萃之軍薙唱蒿歌淚灑八閩之水矣禮曰賤不諫貴
幼不諫長昔安仁之於馬歆延年之於陽瓚位託舊史於諫
爲宜下士疏逃非僭則妄顧拜祈連之家同傷驃騎之亾聞
隴上之吟各有陳安之弔非禮之禮不能無辭爰作諫曰

國輔明義將軍死綏桓桓獲獲今古同歸逝者長已魂兮可
追百身莫贖含識知悲於鏢昌期塵清宇謚南籟東鞞堯雲
舜日尸革揚音家無鶴膝韜千閣戈鋒投警歇蠢爾南邦重
溟環外昇魴伏鱗東縈西帶湍峻渦盤竄息駝喙化爲豺狼

甘人作膾來或颺迅去則鳥飛鈎戟長鍛拋石弧鏃越舶琛
賈日南象犀恣其橫噬喻彼封豨矯矯虎臣繫公是恃戎幕
初張孤忠自矢誰呼癸庚以家財理誰病瘡痍以噢咻起孰
云溟滓直戶庭視孰云熊羆乃腹心使勇各尋約爭無掬指
屹然和門天南岳峙當時醜旅類非一族或號艇徒交州夷
屬或爲劇盜澳嶼潛伏妖等白波兇逾青犢波跳舵牙風飽
颿腹不畏天吳寧愁楊僕惟公奮節凜然枕戈率彼組練輟
爾鼉鼉納刀於華沈璧於河聞鼓而已違知其佗海童馬銜
鐵額銅頭如駟失羈如鷹脫鞵顏息志目叔孫揜喉望影恍
惕聞聲遠投艇駛旣戡盜氣猶熾大壑鴟張洪濶蟻萃夏策
橫衝躬揮精銳鷁首山臨蝦鬚雨墜要遮滄波搜牢澤藪虎
落天羅宜左宜右鶻入鴉羣豆當牛口假息游魂輒跳而走

小謨觴館文續集卷二

三

大觴火鑑懋賞遐頒穹碑烝鼎豐功待刊露橈直進倚角靡
援勇氣虬闕嘍啗煩寃歲屆單闕日在婺女苾息機槍技窮
爪距犂穴繫頸功成炊黍旻天不圖縱其旅拒長風巨浪駭
石飛蝨鐵幕無障岸渠莫防中臣要害歸靈大荒全軍務面
呼晷雷復嗚呼哀哉高牙大纛疇非折衝公獨身先被羽摧
鋒詎希旂常詎慕侯封夙夜匪懈本於靖恭非無幕府簿書
詰責非無章疏鈎考倚摭恩全 九重望冠羣策鋒鏑雖惟
穹蒼可格嗚呼哀哉典隆飾終榮錫珪符縣潘授邑涿聚存
孤丹荔黃蕉青旒赤車生榮死哀公毋鬱紆峨峨巒嶠滔滔
灑濤英爽惚恍閃屍載邀倘駐雲車動其弓刀定殪羣醜紛
如蝟毛漳江之濱侯賓之里崇祠綽楫奔走禮祀末學卑凡
聞風仰止累德聽詞百世以俟

四川布政使姚公諫

維嘉慶十有四年十一月日故四川布政使姚公卒於官越
明年其孤椿樾奉匱歸葬肅徵鴻文昭紀前烈而以銘誄見
屬於予予與其孤斷金之交不殊於天顯累德之義敢謝於
述尊公諱令儀字一如婁縣人也葉陽息民代隆陰德伯審
游學卓負光名稟岳瀆之靈暉蘊風雲之璋智應機立斷于
將荆鐘綜覈清裁利刃刈腐開達理幹基於少時逮登拔解
之科首任典城之職滇越夷徼已濮蠻陬攬轡升車忠譽傑
立屬當氏羌不靖方名邁征西渡瀘河濯些之城百尺北控
青海魚服之旅三千公采邑從戎蜚芻饋士冰立若皁鐵星
之火不難曷高於人明駢之目頻啄膺肅何轉粟之寄矢王
尊叱馭之心儲待無怨飽騰相慶遂得多羅函表檠木來庭

小謨觴館文續集卷二

四

幕府上功洊領華郡井絡天彭之野靈關玉壘之區魚文驥
子填撫其豪強鐵冶鹽泉劑調其糈算苗民鳴義尚父鷹揚
復奉簡書參其軍事惡溪水毒鴛翼墮而猶前墨雲瘴來盾
鼻磨而弗顧疾癘纏骨筆翰如流喋血自甘銜膽益厲時則
柱天都部威過龍驤駒卒盧兒忝成虎闕公繩以令甲折其
姦猖金布既申銀刀乃肅董宣直道縛湖陽之蒼頭翁歸公
廉哉霍家之奴客以今况古何多讓焉妣徒既弭米賊旋煽
韓千秋軍鋒之冠馮奉世爪牙之臣咸謂樽俎折衝非公莫
可發蹤指示輒用諏詢公聚米之智規賊於掌中涌泉之謀
決勝於棨下周旋侃嶠之際申陳廉藹之道殺敵爲果師克
在和渾濬無爭韓白効績有嘉折首用議救功三錫酬其殊
勛十連重其方任威行靈冕超總藩條天性彊力精於吏職

不煩鈞距之施而庭無稽牒非假單複之術而獄鮮遁情楊
震卻賂暮夜無欺許伯訟田輟耕相讓修渠宏鄭白之利餼
粟踵罕樂之仁請雨捷乎廣微衛火儕乎叔度萬端千緒心
跡手規閑泰無時精神坐竭丹霄騁轡高春之景已斜赤霞
吐誠傳薪之焰遽盡上雍州致仕之表進濮陽留務之章

天子眷賴方殷遐征未許暫俾休沐冀起沈綿公感深知力
疾自奮高柔臥寢猶抱乎文書子囊遺言不忘乎社稷終以
積勩奄見薨落易虐哀哉公文武備具表裏融通始自長相
至於牧伯虛懷趨士折節獎賢苞苴不入施予靡俗凡諸懿
行史得詳書顧勒勲之制事歸於鼎鐘序悲之詞痛溢於梁
木含筆隕涕敬作誄曰

詩稱靡盬易著匪躬開物成務移孝爲忠勛相無怠篤業有

小謨觴館文續集卷二

五

恭鏘洋遺烈絕熾餘風命世與材昌辰誕德識宇凝巖靈襟
峻嶷百里濯纓九遷搏翼膏雨歌郇涉川資爽岷峨西陲巒
笮南土贊普心生形天干舞盤瓠矯虔瘦楊跋扈駱驛旃旒
頻煩錡釜公以儒吏歷佐戎旃風車火徹箐雨茅煙電掃書
檄霆馳表箋猷敷上略機握中權公之幹局入麤入細公之
謀誓九天九地霸上棘門股肱是寄賚叟青羌篋醪是庇幘
瘡忘勞嘒瘖靡計參贊消檣夔巫廊翳師奏愷樂伯偃靈臺
庸褒帷幄業讚雲雷八命作牧六條察材優賢揚歷繡黻昭
回叟光殊勲載熙庶績卞厲含瓦陶勤運甕填厓簿領星流
矢激戟香滯訟豪剖芒析惟公法學律稟皋蘇不漏吞舟不

察淵魚道在平反非止煦濡

天語煌煌公遵弗渝惟公之名早徹

帝聽出車南仲班師去病敷宣允推聲聞隆盛欽矚有基嘉
除不定公之疋羸衣不勝幹籌紆寸衷功強十萬心忒形茹
廢寢忘飯義感忠驅赴湯握炭神殫夙夜疚中高首桺莊疾
亟燭武精亾藥裹在手判書在牀弗躬不信遲敢不寢臣質
凋華臣心集木雖疲百骸猶炯雙目鳳落麟傷鐘鳴漏促昌
國云殂列邦同哭烏虜哀哉紆青抱紫接武聯鑣隨牒循資
冠蟬珥貂公績獨異公級斯超爵乃無忝功非倖邀仕流多
歧治理殊狀清靜爲高風流相尙公獨精勤嚴懲瘵曠始自
牽絲終於屬纊烏虜哀哉公階旣崇公祿亦優矯廉弗飾任
卹惟周蘭薰令問雪白清修彘無八百橘乏千頭公有佳兒
賤子所畏昆莫鋒銛黃中德粹文聚玉海書細金匱不朽可
期淹晚非累先哲有言匪爵而貴公澤彌長公靈足慰烏虜

小謨觴館文續集卷二

六

哀故茸城機山體魄是憑蠶叢魚鳧精爽升騰僑終蹇謝市
罷春停社立樂公祠陪李冰播之宮壤祭於大丞用砥臣節
千秋感興烏虜哀哉

陸母林太孺人誄

維嘉慶十有四年月日吾友常州陸君繼輅生母太孺人以
疾終於里第寒泉堙流劬室改聖尺書來赴幾不勝喪烏虜
哀哉夫蒞蘭之質以經燧而倍芳蒿莠之悲以述惠而彌摯
不有紀誤曷彰修名太孺人姓林氏諱桂閩縣人也系出盛
門幼丁孤露族有姑寡依以同居刈薪野中擊絮江上從夜
績於同巷分餘明於鄰壁雖絡秀之賢族列於方雅而湛氏
之貫史佚其淵源年十五歸於先丈補山先生是時方以翰
林改官閩越迭尹赤邑表德百城會配莊夫人卒蒙楚興嗟

泉邨乃聘太孺人簪蒿而至服綦以前上承威姑下教家督
應襄凶嘉之儀獨綜陵樵之務內外斬斬執禮無違迨補山
先生罷官里居獎接羣彥兆菽所曾諧際者有若洪太史稚
存孫觀察淵如趙司馬味辛餘尙多魁壘方聞之士咸以所
業來質太孺人手潔供具精釀酒漿樂飲極歡率過所望無
何先生奄捐館舍茹荼庀事緒淚撫孤論者謂先生曾記名
知府欲以四品服斂或以長君方擢知州可從五品太孺人
以爲僭定從七品諡宜爲惠足光柳下之賢衾不容斜善承
黔婁之志達識守禮同符古人矣當繼輅之始入塾也受孝
經論語太孺人曰若知熟此何爲邪將使若爲人如書所云
也稍長輒舉先丈所治疑獄命繼輅以意斷之不如法乃以
所判告周官之業預受於宣文陳力之風稔聞於班媛詩曰

小謨觴館文續集卷二

七

君子有穀貽厥孫子又曰彼姝者子何以告之斯之謂已時
則廉吏之後室無簞金通德之門巷多車轍珣瑋瑀瑯之儀
捆紵均軸之訓或剉薦以給客或闔門而傳言閨範具瞻哲
嗣騰茂繼輅始列學校洎登賢書光譽孚於勝流文采耀於
門業羣公庶士牽拂相招太孺人念其負米之誠教以測文
之道斯言之玷凜戒於白圭責人無難尙詢於黃髮屬年開
七十海內賢士大夫舉以文辭爲壽富熟女士歸懋儀詩云
列鼎而食不如一饋非母矯情慮有盜泉太孺人獨心憲之
卽其志行可知矣平居以厚處衆以儉奉身樵蘇常乏必謹
筐篚之來璣珥不存用周戚郊之急年七十有五邁疾遽終
嗚呼哀哉當其爾留神觀激激謂繼輅曰吾來汝家六十年
於茲汝父廉平後當食報吾聞爲善非以求福然爲善求福

不猶愈於爲惡邪施予不當望報然施予望報不猶愈於鄙吝耶汝曹識之庶免浮薄之行乎清芬垂訓足補鑿楹之書名言不刊長流焯管之烈兆孫與繼輅交忝撫塵誼敢拜母誄長之僭所不敢彛乃作誄曰

聖哲演教篇曰女師旣昭婦則兼擅母儀穹窿高門婉婉淑姬肅肅宵征實主中閨無諸之郡典城之長懸魚同貧酌泉分爽一官升沈萬里莽蒼持身持家以字以養曰有大事春秋窻笏曰有大禮儷皮束帛送往事居心祗手畫洪纖畢宜上下咸懌愚愚英髦踰踰閭左聯櫬倚裳合尊促坐整飭中厨肆陳瓜果咄嗟心勞精辦力瘁猗彼賢妣嘉允篤生出就外傳辨志離經歸投母懷吟嘵誦聲春晝五餐宵分一鐙謂兒讀書不在章句謂兒立身先端志趣戒兒毋佻作色以怖

小謨觴館文續集卷二

八

誘兒克勤溫顏以煦異時學成有體有用孝秀旣升天門待徂所慮才高或不諧衆以愛親仁危詞悚動食貧待養不免服勞豈况縞紵有諸賢豪母獨兢兢訓之持操寧潔而飢毋羶而饜動規往古篋有陳編衣必三澣梳無新懸四壁風蕭凝神湛然繁霜降節貞稊益堅婦稚髮媿執黃執鞞羣從喧呶或吳或敖片言成箴微詞釋躁一笑寥寥家人走告境約心廣拯阨凋難任恤之義同危共安雖不以聞我力必殫或有不逮爲之減餐坤爲吝嗇母乃慨慷兌爲和悅母乃矜莊勁心後凋兼延降康白髮盈顛斑衣滿堂世有姬姜委佗象服世有妯娌麋壽通彖特榮可同性分所獨何怪歸魂萬淚棲目嗚呼哀哉體魄雖逝高風不積流川惠問聳漢音徽棘心損厥風樹紆志庶葆初訓靈兮儻來

文學姚君妻何氏誄

年月日吾友婁縣姚君建木厝其妻何孺人於紀家罇祖塋之丙舍以其兄春木所撰權厝銘示子而請爲之誄子於君兄弟石交素聯坤惠允悉內壙之文所不獲舜孺人姓何氏上虞人也誕澄粹之華宗稟淳懿之朗節醜蠱照動與禮遊弱笄溫恭靜以義立笏涉書傳雅好春秋賈道之稱待年己著父通判君與今方伯姚丈同官蜀中旣聯組纓遂締禽幣文伯卜室賦綠衣之三章臨城納媼審外宗之七德妙簡貞閑足爲佳對焉富建木之迎婚於楚也時通判君移攝郿縣以事被彈秣馬之禮初修宜狂之歌忽作孺人遽舜阿傳遠奉清塵父羈屑於三湘母分張于於越迢迢閭闔屈壯志於緹紫簷簪竹竿軫悲腸於衛女含辛御輪之夕制淚施衿

小謨觴館文續集卷二

九

之辰葢窈窕之情旣傷沈頓之疴由作矣逮乎執筭奠席鳴環侍寢柔聲怡色上悅乎眉黎明識惠心下孚乎臧獲助德理內允協福原而元穹靡忱美疾加劇營陵之術莫蘇久銷之魂聚窟之香難迴積損之幹卒年十九嗚呼哀哉建木雨絕之痛旣深薜英之思無已追懷馨烈緬溯徽華鳴雞問疾之思相鼠諫夫之義言猶在耳感不去心徵文抒哀銘旂表德來芳可述誄之云爾

性芬揚蘭德穎振玉吁嗟之子行幼年促越溪稚質宋子河魴婉情同春明景皎霜阿錫妝嚴絃縱藝綠馮嫫史書惠班賦頌教成而祭宗室羞蘋女子有行難辭遠親吉儀方肇家艱云邁宿沛神摧陟阿心疚褫帶就測南瞻楚邦錢唐曹娥東望兩江叢花墮扇襍佩含風組舞驂駢窳窳房權桃李盛

年苞栩至性涕墜沾衣蛾脩鑲鏡嗟晚質之易凋兮况煩冤
之鬱抱觸炎風而涉川兮蘊悲情而見廟相夫猶勤慰姑仍
笑免菟飭厨綸繩佐鈞之子體燿問之輒諱君子遘疾忘身
以衛景晞晞其欲匿兮帷淒淒而動風羌殢歎而將逝兮猶
髮鬢之修容乎瑜華收衣簪香施信百憂之傷人兮何華齡
之可假嗚呼哀哉高堂擗摽兮婢媪拊膺潛遜既做兮掩彩
重局繁淑慎之善懷兮家孰內而孰外或言告而言歸兮固
殊分而同愛彼思親而危身兮豈孝忠之能匱嗟蒼昊之寂
寥兮何與善之蒞咏嗚呼哀哉玉寒泉薤隴幽光映柔顏殫
日規詞留聽華落英存馨流問令眇四節其代序兮託神楹
於遺詠

節孝張孺人誄

小謨陽館文續集卷二

十

孺人姓張氏居吾州之西城曾祖來吉武舉人官泗州衛守
備祖淵武進士候推守備父燾例貢生孺人年二十五歸於
州處士王君之經王君出爲其世父後結褵二年而亾孺人
事嗣姑及本生翁姑以孝聞無子以從子士麟爲後教養成
立今嘉慶十有七年冬孺人以疾終年七十有七計守節五
十餘年明景朗操里黨欽歎平居訓子以義持身以儉好讀
書尤熟史事尙論忠孝激越奮發如烈丈夫著有椒亭詩一
卷士麟以狀來屬銘於予以爲孺則以待旌門誼不當卻爰
作誄曰

風詩共姜春秋紀姬宣聖特筆日星昭垂二百冊載邈渺等
夷恒貞經訓高蹤允稀辰彼女師清河之媛孺於太原門高
士彥職謹滌帟養勤視養綏訐聲無愉采色善弋見贈佩侍

櫛鳴絃馨質服蒞令儀米繁所恃奄祖聖戶迪艱志守陶嬰
賢追義桓呱唬在懷熒子留影雨晦夜漫霜巖目炯送往撫
遺育生安冥祖奠遣車規畫井井姜教庀業班訓遵衢女乃
士行文而又儒紡軒篝火授簡陳書機聲讀聲風淒一廬勤
勞弗舜撤捐自力謂當貧辛敢畜臧獲桂卻華鮮緘紉旋裂
中饋漿醜沓閨刀尺田僅廿畝納程必勤書誦百卷邪詞必
焚馬班事貴屈宋香薰抵掌盱衡千秋正人嗚呼哀哉徽徽
丕彰穉齡難駐竹筠松心式瞻行路節惠抒詞燿彤永譽綽
楔標楸蘭芬苧布

蔣竹雅妻陳氏誄

孀人姓陳氏諱芳雲元和人永齋觀察之季女也毓粹洪族
含芬幼歲生具端範斥華丹之塗性嫺雅和絕差訐之事長

小謨鴈館文續集卷二

七

歸同里蔣君春鵠上怡尊章中協先後笏模族鄧下孚儻腹
爨彼慶善風規穆宣賦質素晚諸自強力二女甫孩益瘵鞠
育年月日歸寧母氏感疾遽終年二十有八奄扈之辰姑適
疴作哽戀仰系不去於懷婦貞恒德女有土行不以才著而
言才者莫尙焉蔣君爲余外舅時菴先生族子孀人同懷况
兆賢又嘗從學於予書來請銘因不獲辭誄曰

依遂易規無儀詩做人飾其容甚飾其性月望占厲休蠶怨
正斧之藻之克柔克令展如碩媛高閣祕儀浚源琤潔馨度
蘭綺納順待年申防自持有蕢其實華德兼斯衣被纁柎禮
交沃盥執棗西階升豚側胖施袞承尊熬厲謹纛同聲瑟調
戒夜星爛慎爾出話金玉其音密緻正直塞壑淵深語屏伎
武功劬組紆外莊樸獲內映明心矯弱而恭返參以約璣珥

華蠲袿裳鮮卻稚介羣諧娛妯允若翼翼矜矜式彼佻薄悖
實怙篤宜基壽康可化莫晰匪祥而殃瘡瘵瘳癘疴積元黃
瓊田之草西域無香嗚呼哀哉堂北酸銜榮南悲觸斷手兄
嗟扶牀女哭侶坵鵝枝愁撐魚目爨札書徽川流遺馥

汪孝婦哀詞

長洲孝婦吳氏嬪於汪居蕭家巷年二十卽隕所天貧無宿
糧息止弱女啗嗜尊章癯老且病婦代子職躬服其勞素嫻
詩書開塾講授藉脯脰以給養供菽水而靡缺鄉黨翕然推
其高行嘉慶十二年十二月十八夜比鄰不戒於火融風既
熾將燔及廬翁孳女孫先走出戶婦旣翼翁以免姑抱宿疾
猶寢於牀婦復入屋背負姑出煙燄旣合鬱攸從之遂并其
身熾焉質明火熄行火所燬焦爛之中肢體宛若其見婦手

小謨觴館文續集卷二

七

抱姑不釋彼以義忘其軀天以死成其烈萬眾感悼填衢溢
郭邑中人士將白當事邀褒錫之典廣徵詩歌道揚奇節圓
顛方趾疇能不悲敬述厓略而系以哀詞曰

抗古今而衡節兮疇璧碎而瓦全有冒刃而僅免兮有拯危
而體捐揚烈芬於委灰兮發繁音於絕絃彼君親赴難其一
致兮初何計乎探湯而蹈淵翳婉婉之淑靈兮俛形單而寤
標瘁形神而頤翁姥兮旣餐荼之莫告胡滌淪視膳之尙不
獲遂其常兮又昊天之不弔儵譎譎出出之告災兮駭天跳
而地踔飛燦燼煜而紛屬兮各走覓乎逃門幸一老之先身
突兮念威姑之待援奮輕軀以排闥兮承龍鍾以背肩電光
礮礮迅其四合兮束身手而同燔茹煩冤於哀虛兮魂應叫
乎九閭睽庶女之訴哀兮天猶爲之隕霜何匹婦之精誠兮

不爲反風於撞塘或炎官熱屬之實陰相兮俾身殉而名彰
帝闈陵就其不可叩兮淚流衿以浪浪昔上虞之救盱兮拯
江濤而必果厲猛志以借亾兮視項踵猶塵塚一父而一姑
兮一水而一火合千載如符節兮夫奚分乎彼我痛齊民之
薄媮兮孰姬姜而至性子褻勸有德色兮何惑乎婦安常而
掉磬彼箴管繼續之猶有私兮况髮膚與身命苟聞風而悉
興起兮又何難巾幗而獨行循燒垣以周視兮痛煨燼與燁
炮猗一抔之焦土兮行綽棹之高標定孝竹之生其墟兮兀
冬春而不凋歷萬齡而聳幹兮墮炎颺於太霄

丁奕聖哀詞

君諱昌瑞字奕聖子兄之子婿也子襄精敏弱慕儒宗孝公
貪書長嫺經術自隸博士益勤修業僻處鄉曲罕接勝流並

小謨觴館文續集卷二

三

時經生披華忘實君獨嗜古殫精振奇聞有良書飢渴購讀
羣經故訓諸史軌範文章流別百氏塗軫環絡窺研略皆淹
貫卽其經藝已足冠時重親在堂有藉祿養屢充秋賦奇隻
不偶侘傺沈屯積成銷鑠咯血而終怛化之時眷戀遺籍湛
深溺苦標尙可知電碎霜凋室咷嚮歎予忝成黨且符志趣
溢腕悲悼尤倍恒情撤涕濡豪爲之哀詞曰

猗翩鸞之下儀兮羌有毗而有翔彼旃檀之醇醪兮乃或沈
而或揚緬元造多舛迺兮視我辰之所當儼蘭萎而芝焚兮
淚沾膺而淋浪衆鱗集而龙聒兮競制舉之遊鶩甘齷齪而
軌跛兮踟壽陵之故步卓子志之英絕兮掇高軌而遐赴振
孤蓬於羣麻兮寶雌彝而斥瓠稽成博之古諸兮騁連狝於
學林軸充箱而照軫兮寢饋哀而浸淫爛崑圃之夜光兮探

驪淵之千尋割膏腴而入鞠兮中莖詔而奏音嗟純鉤如列
星兮世何人其薛燭繫驥裏以服襄兮痛明珠之彈肉狝椽
爨而婁頓兮韜鼂采於和璞俄偕夜之不暘兮萌咎徵於賈
鵬當廢牀而去瑟兮猶縹緗之繫情傷析薪之乏荷兮夫誰
發乎晏楹念奇意之弗終鬱兮或曠雲而霄征將儕真靈而
賦新宮兮招君魂於紫庭

洪北江先生畫贊

并序

夫元精耿貫故緹油之業彰焉光岳孕正斯琨玉之操勵焉
是以勁節峻峙多兼閎達之學鉅儒魁壘必裕骨鯁之氣然
非遘際軒姚蓋容天地盛陵媿邁扈之治豐刻几勒虞之規
宇宙爲心山淵陔度則秋霜凜皓與明月而同碎崇蘭郁烈
入委灰而不芳又何論平曾史碩德游夏文藝鼓鐘寰陬茵

小謨觴館文續集卷二

古

藹竹帛也哉先生姓洪氏諱亮吉字稚存陽湖人也幼挺淳
至早標峯崖九齡而孤侍母浮寄仇氏嚴擁楹之訓子輿軫
搯臂之感幅將畫正沃湔其教星奔雨泣幾隕其生固已絕
迹高軌天懷發中擊性越於臯魚巨孝稱乎江革矣學成道
通洞經綜史析蒼法之隱曖究聖壺之阻輿邱董萬古裁制
於清衷乾坤兩戒牢籠乎指掌譔著蠡出富於縣巖之積纓
榻暄仰過於北面之宗旣乃去卑溲翔閭衢待詔金馬通議
白虎珥彤紬書校理窮匱室之祕握蕩籙士道術被參井之
區循其階資緼以年歲榮牒顯級翹足可須而先生以爲行
義者前哲之上務文章者報國之餘事思竭謦諤之忱用裨
塞晏之化冀值

天子席蘿嗣構闢續納言復且方歌刑干猶舞濟師者遲撥

矧刺蜚之績聞捷者塵虛晶繆彰之慮感發蒿目誠切披肝
又以執白簡而抨事同出位伏青蒲而諍職異南司爰迺騰
書鈞衡冀達黼戠亢激既過狂戇遂忘勳華幾勦忽陳弼違
之詞廣颺運隆遽有宮隣之戒僉謂罪儕誣罔分合灰釘先
生亦負鑽煎膏靜待嚴讞風神元定處之彌泰卽其志膽固
冰顧鼎鑊矣伏遇

聖主大德容下暢垓沂埏曠蕩推恩昊綽宏量恐杜獻替之
路并寬左校之輪宥以遠方曲加合貸於是夸父禺疆之域
梯棧前蹤革抉吸芻之儔札緝就列濯靈襟於伊麗之海聳
壯矚於祁連之山將謂老烏孫之庭絕玉關之入淪浹荷戴
已足平生而

當宁寤寐嘉猷延佇忠實屬有桑林之禱載懷衢室之問念

小謨觴館文續集卷二

五

汲黯矣發義歸愛君任座抗行益彰主美隨浦雞竿之赦俾
免馬角之威尺一初頒寸霖驟霽叩心非鄒衍故繁霜不飛
雪冤異東海而旱魃立解因復潢繕諫牘儷諸巾机之銘覽
思苦言更廣旌鼓之設汪汪乎葢緝萬嗣揚洪徽扇懿鑠已
昔崆峒順風之請華封乘雲之拜咸稟叡哲采言芻輿贏劉
以降亦間側席引裾折檻前規可臚然未有跡涉詆譎論非
封事不辟丹墀之戟逆過批鱗如題朱雀之門咎踰齒馬而
能受同藥石佩比韋絃數納川容嘔待嫗掩彼晉武宏裕弗
貽劉毅之誅漢祖深仁無恙周昌之直以視今日何足萬一
相方哉然則先生節概古人有之先生遭逢古人未覩也曷
庠偉矣旣歸家術字曰更生百軸千函定藏山之裘春林秋
澗和擊轅之歌勝流奉爲高衡薄海瞻爲模楷兆蓀較晚捧

手忝預攬環聆卷霧之飛談挹籠霄之勝氣審司農之卷誦
覽八千見扶風之堂門徒四百梁摧奄及曾不憖遺先生長
君飴孫榮郁繼聲後先濟美劊石揚善碑諫林立復出遺像
徵及鄙丈夫樂陵曼倩孝若興異代之思東府希馮子洲有
古賢之頌况於承接音塵周旋喬梓昭銘景行敢謝拙詞因
作贊曰

不朽有三德言卓爍堵柱茲常淹貫邱索延陵雄腴川壤磅
礴資淑蘊英先生爰作孤露遇屯煦濡母令剪鬻書陳鳴機
鏗映誠動噬指毀鄰滅性儀型參騫方軌薛孟電飛景拔移
孝成忠豕涉學覈駮原選公意雄履虎地隔乘驄猥以詞臣
蹇抒匪躬鮑恢抗直鶉觚貞讜史效獻規危寧觸網瓦石獨
含檟梗孤往命輕鴻毛義貴熊掌優繇亭育靈囊大包苛除

小謨觴館文續集卷二

六

矯解毒鞏謙勞虛左訪木高懸戒輅薄遣遊釋渥澤醲膏坎
穴化夷焦原坦步隼逝颺迴繩行沙度亮跡退欽傳書滂布
典語法言玉榕繁露東觀接武守缺保殘疇宏述作摺逸窺
刊呶警塞默醇滴樸刈疇樹風檢吐赤傾丹昌辰幸丁馨烈
遙駛永世作程穀詒綿祉貌留丹青名炳圖史隙駟雖祖聞
風庶起

黃忠節公書贊

并序

嘉慶昭陽作噩之歲涂月嘉定盛明經薰以其鄉先生黃忠
節公所臨千祿字書勒石拓示勁骨端嚴毅力蟠鬱楷模魯
公蓋由貞軌亮跡神明相契非在點畫波磔間矣兆蓀近公
之居誦公之書比復見公所著日記悉公研幾克己之密淵
入聖域精兼梵修此中湛然同符大化其碩學偉詞成仁授

命特性分發見之一端耳展諦翠墨如接光靈再拜聳敬而
爲贊曰

虹光燭霄正氣出指盈牘鋒稜千尋壁峙公文彪炳公節雷
碾存養有本心源微茫大輪小乘旁研洞鏡歸諸孔顏窮理
盡性無入不得隨變所遭鋸鑊飴視靈臺弗搖巍峩膠址珍
爍遺翰亘歲綿齡星芒雲爛

鮑貞女壙銘

鮑貞女者固始人也自其亂歲許字董氏植歲大祲鬻身爲
傭墨軍無堂著之俟谷雍有伉儷之歎流轉遷徙入於吳門
沈觀察家觀察時牧許州俛廁臧獲精慧趨事潔白範身馴
至弱笄將謀擇對女乃長跼涕泣自陳矜縷之繫屬當年有
夫禽幣之委輸今日無二主雖有命弗敢以從曲喻再三歷

小謨觴館文續集卷二

七

血自誓觀察高其義憫其情於是出零丁之帖爲求故雄占
遲歸之爻以蘄終吉旣而耗問沈寂存沒間阻女遂矢志秉
節以終內存匪石之固外絕白圭之玷酒漿醯醢勤職於輝
胞芳澤璣珥不關於念慮冰潔霜整歷卅餘年觀察第五子
中立予妹聳也旣傾乾蔭家落屢空女依以居忠謹奉役餐
荼堇而無悔葆松筠而益堅姻黨傾風扈養起敬行年五十
抱疾長畢夫頌陶嬰之操猶屬旣昏傳伯姬之貞蓋由貴胄
女以庶賤生長草萊目不覩詩書耳不知今古師心率已蹈
德成仁豈非稟懿三靈天知自致者歟中立旣經其喪復爲
卜兆於某原屬志幽宮以彰朗節夫西道縣治之里曾表龍
憐東京墓闕之文亦傳羅鳳變禮合義於法宜銘辭曰
猗淑質生貧辛璧礪潔蘭馥芬丁洵饑失所天役笄帚屏羅

純志守一安熒單聞媒妁哀泗漕四十載持身全睦春花落
無言懷正氣罹膏肓遠殮殍悲爽傷留清白垂篇章刊石銘
永億年

文林郎署蒙自縣知縣尤君墓表

君諱維熊字祖望長洲人也曾祖怡以詩名學者稱北田先
生祖巨源增廣生父世楠乾隆乙巳恩進士就職州判舉孝
廉方正授六品服行爲國楨學爲士楷鑒思歎叩萬流翕然
君夙渝義方長擅才筆奇章秀句風飛川涌以乾隆乙酉拔
貢生授淮安訓導秩滿薦簡發雲南知縣攝宰蒙自地當
蠻棘俗流言龐始惟彝獫所居今則寄莊竝鞅其民田客主
旣樸茲利叢生乾沒侵牟術取勢脅土著之生計日蹙僑人
之隱占難稽弱則含茹強則訐訟君乃躬履鄉落釐定置區

小謨觴館文續集卷二

六

阡陌鱗分戶口秩若經界旣正貪冒不行杜爭一邑薄利百
世其土習荒於嬉或曠胥徒其農工商蘊於利多至黜嫚君
乃作四民之箴爲月吉之讀鳴臬不鳴桀黠咸化又以民獫
麇錯輕起相牙欲以古儀俾之觀感乃舉行鄉飲酒禮肅賓
於昕禮成於晡揖讓雍穆童髦欽瞻誘掖浸淫器競衰息君
謂人心終古不弊教典終古可行俗吏迂之識者趨焉君之
官時先德猶在子舍萬里煩腸九迴紆鬱嬰疴移疾蹙返歸
甫期歲遂丁艱棘梨儀傷瘁益不自聊越五年而君卒時嘉
慶十四年四月也年四十有八君神識通明機悟卓絕詞翰
之外兼長幹局婁爲節府延典箋奏在官無一年鄭阿之譽
洽於萬口前內閣學士尹公時方在籍尤亟稱之生平篤倫
紀厚交游外若通脫而內守廉隅細行不具書書其大者君

始以雅材眇眇，惟馳藻藝，林後乃寢繩履程，棲貞宅，正將以還，
溘反樸，匡俗濟時，希賢喆之高，獲光貽穀之潛，曜天不假年，
未竟初志，怛化之日，僅舉詩詞，屬爲點定，今陳大令鴻壽爲
刊於溧陽，嗟乎！世可見者止此而已，予所知者，蓋有在也。子
二培均皆習儒業，克承其家，旣葬矣，思琢元石，以繫遺德，爰
爲之文，而系以銘曰：

以爲才士而醇儒，以爲能吏而良師，牛刀一試，天南隅，溷停
秩積蘊，未舒遺書，寸袞鏘瓊，瑯真知者，誰吾涕泗。

署京口營副將京口左營遊擊吳公墓誌銘

公諱坤字振華，姓吳氏。其先由常熟遷太倉，遂爲吾邑人。昔
西京番令，媿駿烈於韓彭；東漢忠侯，儷威名於耿賈。珠鈴玉
帳，夙秉宗風；劍氣弓聲，家傳閩寄。公生而軒特長，益魁奇武。

小讓齋館文續集卷二 九

節剛方，筋骨秀出，參連刻注，射法本於天弧，方卦圓著，營圖
原於太乙，深識九變，妙察六韜，校旗而審軍容，望塵而知敵
數字，文深累石，作伍卽解，指麾薛世，雄畫地爲城，使爛攻守，
拔身隊，率入選材官，以捕洋盜，功補劉河營右哨千總，地當
海若，孽有水僊，獨以熊豹之姿，采入鯨鯢之窟，衝波畫鷁，不
避銀山，沸鼎游魚，咸歸鐵網，乾隆五十一年，臺灣林匪滋事，
奉檄統卒，轉餉軍前，擊楫以行，破浪而去，黃龍青雀，海童嘯
琅鐸之聲，赤豹文螭，山鬼避星，旄之色，乃得方舟，晚粒泔水，
蜚芻甲士，飽騰針程，迅駛以視，寇恂河內之輪，宣武金鄉之
運，薶虞旣倍，勞績尤殊，歸薦保薦，擢劉河營守備，復以協獲
鄰境盜功，遷高資營都司，攝上海營遊擊，令嚴宵肅，中天之
明月，孤懸烽息，桴停如練之澄江，自曳時兩江制府書公孫

公後先秉節角試程材覩白茶丹火之容動細柳長榆之想
爰以國爪滄陟高牙嘉慶元年授京口左營遊擊三權本營
副將事彈壓滄瀾綏救湖海吳根越角心規成掌上之形火
艦風船手畫定師中之律班聲殷地秋高而陣肄羈劉巨浸
稽天颺怒而防嚴鯢渚領南徐之雄鎮乘北府之樓航徼巡
於鼇背鯤身出入於蛟涎蜃氣管先芽蘖奸靖萑蒲文鱗不
飛鯉壑之蜺幘影靜腥鱉咸戢魚麗之鳧藻歡多方將鉅鉞
昭榮彤盧褒錫而雅慕冲挹謝拙邱園遂以老疾乞休卜居
東郭幅巾窮巷有羊公白士之思匹馬郊亭無醉尉霸陵之
憾綠沈金鎖忘舊日之將軍雪刺霜豪作太平之父老師貞
丈人勞謙君子蓋兼之無愧矣公勤以練士仁以馭徒耕私
精嚴戈鋌犀銳程其寒暑勞逸同其飢渴安危謝尙則躬自

小謨觴館文續集卷二

三

分襦鄧訓乃身爲袁藥鄂軍家事悉關公綽之懷衛卒叟番
願報寬饒之德以故裨弁偏校騶卒鈴奴雖當釋紱閒居猶
復心歌腹詠立燕齊之社共憶樂公騰酒脯之謠難忘祖述
生乎敦任卹崇樸滄進止攜恭被服儒素婁師德河蘭大帥
獨傳長者之名馬文淵浪泊豐功恪守善人之戒嘉慶十三
年月日卒於里舍無疾而終五更鼓角望猶重乎龍驤一夢
瓊瑰兆驟符乎狸脈何怪乎虞歌引路水犀同勢面之哀大
樹凋霜櫪馬振驚星之響也哉公生於乾隆十年月日年六
十有四子二鎬湘孫應桂鎬喜聚書尤善才譽晉侯軍尉育
祁午之佳見唐代將門得來恒之才子陰德昌後其可慰已
以嘉慶十八年月日葬於石浦之原嗚呼燕領不封穿冢乏
祁連之象馬鬣長在墮淚看江漢之碑銘曰

右鉞垂芒天鋒示緯世有千城精符匡衛南沙挺英中涓拔
萃飲羽鳴絃絕塵驟轡風后鳥雲軒皇鵬幟六術五權參微
洞祕攤鐸拱稽戈船下瀨易威以慈寓寬於厲挾纊拊戎投
醪洽惠望薰如歸瞻麾樂隸流島霾激雲帆粳饋上賞弗邀
恬衷自貴耀冕舜蟬縫裳愛芟竹陽支筇田翁把臂山情方
曠壑舟遽逝舊部泗眇連屯賈涕武達文通昌其賢嗣韋韋
之倫視此幽隧

國子監生吳君墓誌銘

君姓吳氏諱鏞字穎叔吳江人也秀氣孤稟馨逸夙成當聖
童之年茹風木之痛銜索抱疚從燔合悲沫泣隕心馳芬至
性長益脩飭動無謫瑕衛叔寶之神清荀慈明之外朗不攘
六鑿寡欲五基屏居小樓坐擁圖史博昌六箸之經厭譚竹

小謨鵠館文續集卷二

三

究宏景三層之閣但聽松風雅好甄花遂爛寫貌步趨熙熙
調冶鉛黛沒骨著紙穠春滿堂口不言金錢手不捉珠貝惟
於嬖友珍等連城高似孫之所箋洪景伯之遺譜露宵旭旦
諦玩摩挲月窟潤通元雲黜而下布玉池泉溢涵星粲以相
輝於時刷滌几格翦無纖埃澡淪襟情湛若止水蓮衣蘭佩
韋篋爲逍遙之公琪草金徽周朗在義軒之世百味無嗜獨
耽酪奴燿盞候湯妙具神解曲室晝謚閒庭景妍沈沈霞脚
展北院之一旗習習清風生玉川之兩腋素韻高奇希蹤勝
流由其胚孕潔蠲唾斥腥腐濯笠澤之波明琅作質得天隨
之性芝腕爲家仲宣體羸威明奄化神聰蟻鬪咎徵鵬飛嘉
慶十七年月日以疾遽卒年二十有一君娶於沈時方有身
君兄雲璫悼鳧沒之速極鴟原之哀於是祝南孺子之勇卜

鄭小同之長旣以自藏宋研納棺以殉復徵銘誄儲示遺孤
挂延陵壠上之劍類彼高懷碎子敬靈牀之琴同其咽塞旣
而繡紉裊玉珍珠帖纓弱女慰情鬢笄待誨是又小年織素
未詠於左思異日荆苔有煩於庾袞矣古者高士之傳不必
擅雅材獨行之史不皆著奇節卽其標格風尙足可矯俗勵
頑况乎讓瘦推肥分枝坼翼生共姜肱之被歿慟僧謙之靈
友弟行敦天倫宣範稱非無美銘法奚乖辭曰

高齒長檐綺孺紈袴少年之場趺弛罟駕君乃持躬譁祛囂
謝遂氣汪容紉芳佩麝躡格五挾彈攜壺佚遊之藪鳥集
鱗趨君乃守寂縹緗若鑪腴研道味靜協禪癯泊如清操凝
然元旨才薄佻華風懲倂詭電爍曇凋霜摧綠委玉樹可埋
幽光永焯

小謨鴈館文續集卷二

三

亾妻蕙君蔣氏埋銘

亾妻蔣氏字蕙君長洲人故康熙癸巳進士廉州府知府諱
杲之孫乾隆乙丑進士兵部右侍郎入祀鄉賢諱元益之季
女年二十歸於予事先考寧武公蘭階府君先妣孺人滑氏
蔡氏婉愉祇奉咸皆慰怡繼而洊丁閔凶兄嫠祖謝弱弟兆
蕙庶母洪生洪又早逝予故產盡斥傭書客遊亾妻甞勉有
無規畫鉅細撫叔如子壺儀秩然頗嫻詩書而吟咏不事謹
節絲粟而腴臘必豐僕媪雖忤意無惡言樵蘇雖婁空無懟
色安約茹勞心力瘳瘁時嬰疾疴卒就沈頓以嘉慶二十年
九月廿三日終於里舍年四十有七賦性明達綜理密緻度
物庀事悉有常度鉛黛不御敝衣數紉視浮俗榮利泊如也
蓋其先世累以清節偉望矜式中外亾妻孺染遺訓識近上

流雖生高門不異蓬戶子卅年來胥疏江湖矜慎一介貧不
隕穫賤無怨尤實賴亾妻是相是輔嗟乎嗟乎而今已矣卒
之明年十二月十一日爲卜葬於先塋之右銜酸濡豪銘其
埋曰

人間累先我釋地下親先我卽百歲後應同穴刊尺瓢永堦
室

河南懷慶府黃沁通判畢君墓表

君諱繼曾字承業又字研山前候補員外郎龍之仲子前太
子少保兩湖總督沅之從子也資華崢嶸門挺瀉髻幼魯叔陵
之經術扶疏于家庭王子淵之文詞卓越乎黼黻年十七補
縣庠生乾隆四十二年選拔貢生充四庫館校錄鳳出丹穴
將騰集梧之輝駒驥砥衢定騁喬雲之足文與命迕屢見淹

小謨觴館文續集卷二

三

沈遂謝承明之廬屈就上綱之任歷官河南山東州同通判
房恭懿之能官美聲于毗贊朱伯厚之疾惡懾魄乎姦猖在
懷慶時沁河異漲君集夫膏雨竭五晝夜力芟隄得完黃沁
向設運料人車吏索民累君爲裁減宿弊以除王尊當流犯
難陽侯爲之歛威劉頌息役利農綱領成於久任卒以積勤
致嬰疾疴嘉慶十五年二月五日終於濟寧行館年五十有
四深源櫛沐之勞齊勤于臺僕威明俎化之痛淒極于親疎
天長景促吁可悲已君孝友肫篤內行盡倫始以績學璋詞
冀紹前業終乃摧伏顛頓僅就中銓亨伯文章位終邑宰公
明才藝任止郡丞古人所嗟君同之矣配劉氏子五人毓珍
韞珍楚珍儒珍家珍以嘉慶二十一年三月五日卜葬于州
境濱涇之原毓珍等旣乞其從父憲曾爲文志墓復屬予表

其阡予與君孔李之交誼敦于仲角京兆之試同歎于曝鯁
追憶平生宛然心目病艸車過流涕黃公之墟西隣日斜聲
愴山陽之笛輒復書石延垂後賢

祭亾妹文

維嘉慶二十有一年七月二十三日期兄兆蓀以清酌之
奠祭於亾妹湘衡之靈嗟乎吾妹汝竟長往斷手折足無逾
此哀汝素羸病屢危而安今茲綿頓猶冀全活冥茫真宰遽
降斯酷吾門凋單連喪兄姊同母惟汝又棄我去獨存奚樂
觸懷皆傷汝七齡時隨父官舍夙秉神慧識悟超絕綺襦釵
鐏闈閣所翫視如土苴獨耽詩書旁擅繪事其於文字流別
古人性情妙解默契有過於吾訓遵無儀設自韜匿長歸於
沈門穹族大汝能承順譽孚親疏旣而衰落餐茹茶蓼人所

小謨鴈館文續集卷二

音

不堪何況非習而汝怡然勉無懟相夫勗子俾忘其貧名
列舉選聲問光著一門熙熙在約而泰支拄艱阨功歸汝身
心謂淑德宜膺昌延何天不祐奪汝之速嗚呼理數究何可
憑我父我母愛尤汝鍾孝亦汝摯懿質敏行足光我家九原
先靈今見當慰我丁孤露與汝同苦背疏奔走謹而獲存比
十餘年未得迓汝汝每思歸言輒於邑追思痛疚但呼負負
汝嫂之亾汝哭甚哀我恐汝病轉相慰喻豈期汝喪纔距十
月家有季弟長未見汝書來極悲矧在於我我生不辰憂患
叢集年垂始衰積若老髦未知於世復得幾時旣已哭汝行
復自念我無似續煢然孤危汝雖先逝門業有賴冥途思我
必還累歎汝病方劇我客大府出入之限畧等關罔省視湯
藥祇得數面咫尺間阻未視彌留聞耗馳勦亦復何及汝逝

之夕節樓鼓嚴戒閨留鑰哭汝而返展轉夜闌魂入我夢彷彿言別覺而滂沱稠人衆中強勉酬答空齋靜念淚曷能制茲距汝歿廿有八日雪涕致奠悲不成文九地九天汝於何所靈當來歆鑒我酸惻

萊卿遺草跋

文學畢君楚有吾友季瑜孝廉之次君松心孝廉之仲弟也劉畧班藝博綜於觴辰夕桀重差笏研平綴術咸謂騏驥致遠爾犢負重而童易之元方與赤蚪之版遽來遺詩叢殘得諸故篋環詭惠巧折裂騷牢片羽碎金無慙作者季瑜悲深夷甫慟過陽元手其寸編授予論定竊以蘭芽茁茁風雨奄其摧殘夏綠春紅霜霽於焉凋碎由來夙悟多渺遐齡觀其悵悵述情賦麗哀志歌離弔夢海思雲愁固已芥視浮生蟬

小謨觴館文續集卷二

五

蛻穢濁蓋長沙賦鵬早知合散之因子晉吹笙別就真靈之業矣夫心在影徂幽冥弗隔彼瑠瓊夜月青箱臺城之詩綺輅魚車少霞新宮之碣次君慧業殆其等倫人間可哀天上差樂卽茲臙馥足證仙心聊假齊諧之談以釋倉舒之痛可乎哉

孫古雲四十初度序

夫鑿坏負釜詭激戾乎經兼朱重紫熟烈乖乎道惟夫得天元純囊括道器薜袞一致浮雲無心進則豐貂高蟬仰齒圭組退則翔鴻蟄蠖卷跡氛翳瓔環不羈巾褐無悶是則韞贖恬漠趣近懸解可以得薪保燿識真全年者矣古雲襲伯方琮有光圓璧無類以乎津之胄紹景風之封當其頡頏金張焜熿帶礪小侯捧手大橫佩刀甘泉長楊俠侍乎六蚪門

羽林並馳於四校雲搏水擊葉矯風憑宜春陰安之號儼其
華資長羅射陽之褒方茲尊遂及乎收簪解錄結宇依林迹
塵鼎鐘思在邱壑襲赤帝以蘿裳易朱輪以下澤穰祗顯路
雪條素檢稱甘茂之名孫爲封人之將母白華朱萼潔膳馨
蘭儒宗元侶儁朋結轍物飽其義世無間言暇乃託意細軸
寄情豪翰詩書以養恬岩岫以復樸暢達情性節宣慘舒所
謂匪祿而康匪爵而榮風力方邵之任讓諸俊雄疏班祁魏
之規希媿往籍甘芻豐秣不以繫其逸鏹跡隱曜無足汨其
和油然順時內外偕化得其環中以應無窮昧者噉躁者靜
味道頤履澄懷寶氣不將不迎容養淳淑因以爲攬寧因以
爲純常啓期林類未足相偶老商伯高豈遠人哉四十盛年
九秋元月降祥之辰莫芬鞠醇庭怡聖善戶集羣雅君其引

觴子贈言者

